

تالت جزء

بنتكلم مصري

سامي حرك

بنتكلم مصري

تالت جزء

سامي حرك

اسم الكتاب: بتكلم مصري - ثالث جزء

اسم الكاتب: سامي حرك

رقم التسجيل: 20317 / 3 - 2017

تصميم الغلاف والتنسيق: صفا حرك

حقوق النشر © محفوظة للمؤلف سامي حرك 2023

ت: 01286175455

www.facebook.com/samy.harak.9

samy7arak@gmail.com

<https://twitter.com/samy7arak>

استفتاح ثالث جزء

بحاول ف ثالث جزء من كتابي #بنتكلم-مصري، أعرض واشرح قواعد وألفاظ كلام المصريين الحالي: "اللغة المصري".

قواعد وألفاظ. كلام المصريين ف الألفية الثالثة حسب النتيجة الميلادي، اللي بتوافق الألفية السابعة حسب النتيجة المصري!

ف الإستفتاح أو التمهيد ممكن نلاقي حاجات بسيطة متكررة أو شبه حاجات من الجزئين اللي فاتو، إنما -ف الغالب- التكرار مقصود، لأنني لقيت إن عرضهم ثاني من زاوية ثانية مهم عشان نحقق فكرة الكتاب كله، اللي بأكد فيه إن المصريين عندهم لغة كاملة بقواعد وألفاظ وتصاريح مصري أصلي!

- خلينا نسمي فقرات باب الإستفتاح دي "فصول"

أول فصل

قواميس النطق الإصطناعي، وقاموس النطق الطبيعي

عجبي وصف دقيق من أستاذ ايجيبتولوجي متخصص، يوصف فيه طريقة نطق اللغة المصرية القديمة بالكتابة الهيروجليفي، من خلال القواميس المنتشرة، اللي -وعجي- كتابها كلهم من الخواجات الغربيين، بمناسبة تقديم أغاني بألحان وتوزيع جميل لكلمات مصرية قديمة، بس منطوقة بطريقة القواميس:



"كما أن طريقة نطق كلمات تلك الأشعار والأغنيات في كل تلك العروض الحديثة تستخدم عادة نطقاً اصطناعياً، تم الاصطلاح عليه في علم المصريات. وهذا النطق الاصطلاحي لا يعبر عن كيفية النطق الحقيقي لتلك الكلمات في أى من حقبة التاريخ القديم، ولا هو حتى يعكس أحدث ما وصلت إليه دراسات فقهاء اللغة المصرية المتخصصين في علم تاريخ ووظائف أصوات اللغة (الفونولوجيا) في مراحل اللغة المصرية القديمة المختلفة».

الأهرام - ٤ مارس ٢٠٢٣ - الدكتور وائل الشربيني - أستاذ علم المصريات - بلجيكا.

من الوصف المهني ده أقدر أتكلم شوية عن الفرق بين النطق الإصطناعي
الاصطلاحي الحرفي (نطق القواميس)، والنطق الطبيعي التصريفي الصوتي:

- يعني الفرق بين الميت والحى
- بين الصخري الجامد، والحىاني النابض

عندك المثال ده:

القواميس مبتعترفش بحرف اللام، كل قواميس الهيروجليفي كده!
كلهم مصممين إن المصري القديم مكنش بيعرف حرف اللام!
رغم إن نفس القواميس بتعرض الجدور اللي بتعبر عن اللام بوجود شكل
الأسد ويحصل تبادل بين شكل البوء () وشكل الأسد ()،
يبقا لازم كان فيه فرق، دا غير شكل العصاية المعوجة (s39) اللي مختلفين ف
نطقها، والى منه اللام (ل) النبطي والعربي والإل (L) اللاتيني!



كأن لما بنطقها بطريقتنا التصريفية باللام بيبقا لها شكل تاني، وبنوصل بسرعة
للمعنا، حتا من غير ما نحتاج ترجمة!

- وده مثال سريع لطريقتي اللي بفرق فيها بين النطقين:

- النطق الإصطناعي الإصطلاحي: عري/ عراري 'rɪ/ 'rɜrɪ

• النطق الطبيعي التصريفي: عالي/ علالي ʔali/ ʔaliʔ

النطق الطبيعي ده بقا هوه الطريقة أو الوسيلة عشان نوصل لنطق مقبول، ومعاني مفهومة، وكثير منّا خلاص اتعودو عليها، واللي متعودوش أو ميعرفوهاش مسيرهم يعرفو ويتعودو!

بس لو هنسجل ونجمع الطريقتين ف قاموس واحد، هيبقا حمل ثقيل، إنا نعمل كده مع كل كلمة، ويبقا القاموس كأنه قاموسين، يعني مجهودين:

إصطناعي إصطلاحي حرفي + طبيعي تصريفي صوتي

- طب خلونا نغوص شوية ف المسألة دي!

من ساعة صدور أول قاموس للهيروجيلفي حسب ترتيب حروف الألفبيت اللاتيني، اللي بالمناسبة دي بنحي فيها صاحب الريادة "صامويل بيرخ"، محصلش تجديد وفصل لنطق حروف المخرج الصوتي الواحد (ع/ح/هـ - ر/ل - س/ز/ص - ن/م - ن/ل - ب/ف ..نخ)، حتا قاموس أستاذنا العلامة أحمد باشا كمال (هيروجيلفي/ فرنساوي/ عربي) كان التصريف فيه عشوائي، لأن الراجل كان كاتبه بخط إيده وملقاش مساعدة أو إعتراف مناسب لغاية دلوقتي، حتا أما هيئة الكتاب طبعته زمان (مشكورة)، طبعته بعبله من غير مجهود مناسب للتنسيق، ونفس الحكاية ف الطبعة الألكتروني الأخيرة اللي

وعدت بعملها مكتبة اسكندرية، وبارضو لها ألف شكر، إنما كان ممكن
يتعرض بشكل أحسن، لأن دول مؤسسات عندهم ناس محترفة ومتفرغة،
عندهم امكانيات كبيرة، مينفعش يشتغلو بطريقة مكاتب التصوير وخلاص!
بالفعل احنا محتاجين قاموس: مصري/ مصري .. من مرحلة كتابة لغة المصري
القديم بالحرف الهيروجليفي ل مرحلة كلام المصري الحالي "اللغة المصري"،
قاموس يفرق بين النطق الإصطلاحي اللي الكليات والقواميس الأجنبية
بتشتغل بيه، وبين النطق التصريفي، اللي بيعمل تواصل سريع بين المصريين
القدام والمصريين الحاليين!

أيوة احنا محتاجين قاموس مصري، يسجل مفردات كلامنا، جدوره
وتصاريفه، ويبقا تسجيل الكلام مناسبة نسجل بيها مبادئنا وثقافتنا وتاريخنا
وفنوننا ووظائفنا وأغانينا وأمثالنا وحواديتنا ونكتنا وهدومنا وأكلاتنا .. نلح!

تاني فصل

ملحوظة: الفصل ده بيتم تقديمه وتطويره ف كل جزء من أجزاء الكتاب, لأهميته.

أسباب_شبه_العربي_بالمصري

الشبه اللي بين ألفاظ اللغتين المصري والعربي له أسباب وظروف، منها:

1. البداية الواحدة للجنس البشري، بكل عروقه وألوانه وأشكاله، حسب معظم النظريات العلمية والدينية والشعبية.
2. المهجرات البشرية قبل بداية الحضارة، كلها من ناحية واحدة، جهة أفريقيا وكلها عن طريق مصر.
3. تأثير مصر الناعم، لآلاف السنين، ف محيطها وف أجزاء كثيرة من العالم القديم، من زمن نشأة الكنانة (50: 35 ألف سنة).
4. التأثير الثقافي المصري المباشر، أيام العصر المصري، من زمن ما قبل الأسرات حتا الأسرة 31، نتيجة فترات السيادة المصرية والقوة الإقتصادية والعسكرية معظم الفترات.

5. بتبدأ العلاقة غير المباشرة بين العرب والمصريين زمن نهاية الأسرة 13 (حوالي 1800 ق.م)، من أيام تسلل وتسرب العشائر الهكسوسية (40 عشيرة)، وكان العرب -وقتها- عبارة عن فرع متوزع بين العشيرة العبرانية (عبر/ عرب)، والعشائر الآرية والسبئية والدواسر والعياشة والزومان وغيرهم، قضو ف مصر حوالي 300 سنة، خدو حصيلة كبيرة من الألفاظ والعادات المصري، أثرت ف اللغات بتاعتهم (الآرامي وبعدين السرياني والعبري والعربي).

6. التوأمة التاريخية والعلاقات الجيدة المتواصلة بين المصريين والفينيقيين، وآثارها الظاهرة ف تطور اللغة والحروف الفينيقية، وحصل إن بعد طرد عشائر الهكسوس من مصر استوطنت واختلطت بعض العشائر الهكسوسية دي ف النطاق الفينيقي، فبقا التأثير متضاعف، من فترة الإستيطان ف مصر، ومن فترة الإستضافة الجبرية الفينيقية!

7. تأثير مصر العسكري والإقتصادي والثقافي، بعد طرد الهكسوس، زمن الإمبراطوريات 18 و 19 و 20 و 21 و 22 (حوالي 900 سنة متواصلة)، إضافة لحوالي 300 سنة شبه استقرار متقاطع بتأثير متبادل مع غزوات البابليين والفرس زمن الأسرات 23، 24، 25، 26.

8. الرحلات والتجارة والإختلاط مع المناطق والشعوب المجاورة.

9. هيمنة ثقافة المصريين ع الإمبراطورية البطلمية من خلال المركز الثقافي الكوني "مكتبة الإسكندرية".

10. سيولة الاتصال والانتقال بطرق جديدة، زمن الاحتلال الروماني.

11. كانت منطقة الأنباط، الملاصقة لشبه جزيرة سيناء (شمال السعودية الحالية وجنوب الأردن الحالي)، محطة اتصال (ترازيت)، بين تجارة القبائل العربية، والتواصل مع المدن المصرية، وبتتالي اختلاط مع رموز الحضارة المصرية، يسمح بمرور ألفاظ كثير من اللغة المصري، وكان ظهر الحرف النبطي شمال شرق سيناء، من تجريد وتبسيط الحروف المصري الهيروجليفي والهيرايطيقي والديموطيقي.

12. استقرار قبائل عربية ونبطية، زاي "طئ" و "خزاعة"، لفترات طويلة ف سيناء والصحاري الشرقية المصرية، زمن الإحتلال الروماني اللي كان يبرعهم وبيعبرهم أعوان وعيون واحتياطي لقواته.

13. ثبوت وجود نسبة كبيرة ملحوظة (60%) من جذور الكلام المصري القديم ف جذور ألفاظ القرآن الكريم (المرجع الأساسي ل اللغة العربي).

14. العرب احتلو مصر بالتقريب سنة 642 ميلادية، وهوما بيتكلمو لغة مليانة جذور وألفاظ مصري صريحة، فحصلش أبدن صدمة لغوية، لا لأهل البلد، ولا للداخلين عليهم، حصل التفاهم والحوار بأقل مجهود لغوي،

والدليل إن مفيش ولا مرجع تراثي واحد يثبت إن كان فيه مترجمين بين عمرو وجنوده من ناحية، والأقباط من الناحية الثانية، وإن المرة الوحيدة اللي ثبتت الحاجة للمترجم كانت بين الحاكم البيزنطي والعرب.

15. إتحول غالبية المصريين للإسلام، وأبدعو إسلام مصري، بفقّه وقراءات وقصص ورموز دينية بقت محور كلام المصريين.

16. تأثير مباشر لديوان الإنشا المصري، وبخاصة ف العصرين الطولوني والفاطمي، بواسطة مبدعين كبار، زاي: ابن عبدكان كاتب أحمد ابن طولون، وأبو منصور ابن نسطورس كاتب العزيز، والريس فهد كاتب الحاكم، وابن أبو الدم اليهودي كاتب الحافظ، وغيرهم، عشان دخلو الآلاف من تصاريف الكلام المصري ف المقالات والكتب والرسائل والنشرات الرسمية والشعبية، اللي موجودة دلوقتي ف المعاجم والقواميس العربية وكأنها من جدور لغة وكلام العرب الأولين!

17. تأثير مصر الثقافي ف محيطها المباشر، من آلاف السنين، ظاهر وملبوس من الوجود الأثري المصري، ف عدد الآثار المصرية اللي موجودة ف كل مكان حوالينا، السعودية وليبيا والأردن وسوريا وفلسطين، لدرجة إن الأثريين الإسرائيليين كل ما يدوروا عن آثار إسرائيلية ميلقوش غير جعارين وعنخات وخراطيش وآثار مصرية!

التأثير المصري ف جذور كلام المنطقة اللي بيسموها دلوقتي بالوصف السياسي (العالم العربي)، ولو لازم تتوصف المنطقة دي أو تتنسب لأمة واحدة يبقى الأدق لو يتقال عنها (العالم المصري)، لأن تأثير الأمة المصرية أدق وأكبر وأقدم، يبان ده من كمية الجذور المنتشرة وكان تصريفات الجذور بعشرات الآلاف، يعني أنا مجرد واحد من اللي بيبحثو ويكتبو ف دراسات الهوية المصرية، وعندي مشروع قاموس لكلام المصريين الحالي فيه أكثر من خمسين ألف كلمة بيتقال عليهم عربي، انما بمجرد ما تفتح قاموس هيروجليفي هتنبهر بكمية الجذور وتصاريدها، زاي مثلن كلمة (عين) اللي تلاقيها ف الهيروجليفي بنفس تصاريدها ف أكثر من ناحية، بمعنا العين العضو اللي ف الوش، أو العين يعني الفتحة، أو العين المعين يعني بير الماية، أو العين المعنا والمعاني، أو العين التعيين والتخصيص، أو العين الخبرة والمعينة .. نلخ.

- نقدر نضيف علا أسباب ومظاهر الشبه دي كان:

18. مدينة نصتان: كانت عاملة زاي السوبرماركت المصري بالنسبة للعرب،

ودي مدينة كانت موجودة ع الحدود المصرية، بين العريش والعقبة.

19. مدينة قفط: كان التجار العرب يسافرونها بالبحر، لدرجة ان الرحالة الجغرافي الجريجي "سترابون" من كثر ماشاف عرب هناك، ف القرن الأول الميلادي، افكر انها مدينة نص عربية.

20. بقوم: ده اسم مقاول مباني قبطي، استدعاه أعيان قرش عشان يبني الكعبة, يعني المعاملة كانت سهلة، كأنك بتبعت ابنك يجيب السباك أو الكهربائي اللي ع الناصية.

21. القلزم: أو السويس كانت المينا اللي بتزود العرب قبل الإسلام بسفن ومراكب دورية فيها الحبوب ولوازم المعيشة للحجاز واليمن.

22. البحر الأحمر كان متصل بفروع النيل، وفيه ملاحه للتجارة بين مصر واليمن والحجاز.

23. طريق حورس ف سيناء، كان موصول بشمال الحجاز ويبتقاطع مع مدينة تيماء (محافظة تبوك السعودية) ويوصل لغاية العراق.

24. مثال للتواصل -بارضو- رصده ف القرن الثالث ق.م كاتب سفر التكوين (صح 37): "ثم جلسوا ليأكلوا طعاما، فرفعوا عيونهم ونظروا فإذا قافلة إسماعيليين (عرب) مقبلة من جلعاد، وجماهم حاملة كثيراء وبلسانا ولادنا، ذاهبين لينزلوا بها إلى مصر".

25. الإسكندرية: التحول لمركز تجاري يبتقابل فيه العرب مع اليهود والأقباط والشوام واليونانيين .. نخ.

26. ماليخوس، أو مالك الأول، أو مالك ابن عبادة، ملك أول مملكة نبطية عربية ف القرن الأول قبل الميلاد، اشتبك مع قوات كليوباترا السابعة ملكة مصر، بسبب نزاع ع الحدود النبطية (محافظة تبوك ف المنطقة الغربية الشمالية ف السعودية الحالية) بعد ما كان بينهم تحالف وتعاون كبير!

27. هاشم بن عبد مناف: البغدادي بيأكد إن جد النبي ده مات ف غرة، وهو راجع من رحلة تجارة لمصر!

28. أسامي وألقاب زي بنو عبد مناف، بنو زهرة، بنو كنانة، كلها تجليات وتأثيرات مباشرة من الثقافة المصرية، استمرت مع العشائر بعد الطرد الهكسوسي، لدرجة إن بعض الكتاب زاي أبكار السقاف وسناء المصري و خليل عبد الكريم، يعتبرو الأصول المصرية دي من مظاهر وأسباب الحنين للرجوع ل مصر، بمجرد ما جت الفرصة!

29. المغيرة ابن شعبة: كان تاجر عربي، يبتنقل بين مصر ومكة والمدينة، كأنه راكب المترو، وف رحلة من دول قتل كل اصحابه وسرق البضائع بتاعتهم، اقرؤ التفاصيل بقا عند البغدادي وغيره!

30. الصحابي الشهير عمرو ابن العاص: قبل ما يعتنق الإسلام، دخل مصر ف
عشر رحلات تجارية.

فيه كان حاجات كثير أوي ممكن تتقال ف المنطقة دي، نقدر نضيفها لكلامنا
السابق عن أصولهم القديمة اللي كانت مع عشائر الهكسوس أما قعدو تلتमित
سنة ف مصر واتمضرو واندجحو مع المصريين ف الشكل والمظهر الخارجي واللغة
والعادات لغاية ما انفجر الشعب من أفعال قياداتهم الهمجية واستهانتهم بالقيم
الحضارية وتدنيسهم للبرابي واحتقارهم للكهنة والمقدسات المصرية، وزادت
أعمال النهب والغصب ف قامت المقاومة الشعبية من طيبة بقيادة سقن-رع
وأولاده، ف انهزمو وانطردو، دا غير ظلمهم وجرايمهم بينهم وبين بعض اللي
أتصور إن بعض أحداث قصة موسا وقتل المواليد .. نلح، تصوير جيد لمظالم
عشائر القيادة الهكسوسية، حتا لو اختلف زمان القصة، وعشان كده اسمحولي
أتكلم شوية عن الهكسوس ف فصل مخصوص!

تالت فصل

الهكسوس

المتاح من المعلومات عنهم، حسب د. سليم حسن وغيره:

* أول مرة يظهر مصطلح هكسوس، منقول باللغة الجريجية (اليونانية) عن الكاهن المصري الفلكي (م-ونوتي) مانيتون السمنودي!

* المصريين القدام، عشان يعبرو عن أوصاف المستوطنين المحتلين الهكسوس، استخدمو مصطلحات زي: "حيسي" بمعنا "همج"، اللي منها تعبير العما الحيسي، ومصطلح: "دحورت/ دحورة"، بمعنا "طاعون"، أو: "حقاو-خاسوت" = حكام البلاد الأجنبية، أو: "حقا-شاسو" = حكام البدو/ حكام الرعاة، بالإضافة لوصفهم بكلمة: "هقسوت/ هقسوتة" بنفس ترجمة معناها اللي لسة بيستخدمه المصريين دلوقتي للتعبير عن الحاجة اللي بيكرهوها = "الخفي/ المخفين"، وف رأيي الشخصي إن كلمة "هكسوس" دي متصرفة من نفس الكلمة الأخرانية "هقسوت"، مع السين اليوناني!

* عاصمة الهكسوس، أواريس، كانت مدينة معروفة من قبل مايجي الهكسوس اسمها "حوت-وعرت"، ويمكن تتنطق بإهمال العين "حوت-ورت"، اللي اتصرف من إسمها "حوارة" أو "هواره"، يعني المصريين سكان حوارة اللي ساندو أحس ف طرد الهكسوس بقا اسمهم "الهواره"!

يبقا اسم "أواريس" تصريف أجنبي لـ "حوت-ورت"، ونفس المدينة ف فترات مختلفة خدت إسم "بر-رعسيس"، وكان خدت إسم، "تانيس"، اللي متصرف منها إسم دولة "تونس"، وده هنتاحجه لو جت فرصة نتكلم عن أسباب شبه كلام التوانسة بكلام المصريين خصوص أدوات النفي والسؤال .. نلخ!

* عشائر الهكسوس كلها عشائر آسيوية عبارة عن خليط حوري آري، زاي الإيرانيين والكرد والأرمن، ودول عندهم الثروة والسلطة ومنهم القادة، وعشائر أرامية كنعانية فقيرة منهم العبر والعرب والسبأ والعياشة والدواسر والزهرين والمنافيين والزومان وغيرهم!

عدد العشائر أربعين، زاي ما ذكر عددهم فلافيوس يوسيفيوس ف كتابه "٠٠ آثار اليهود القديمة"، وكان المصري بيوصفهم بالأربعين حرامي، بنفس الوصف اللي وصفهم بيه النحوي المصري أبيون، ورفضه فلافيوس ف كتابه "ضد أبيون" ودافع عنهم لأنه كان مقتنع بأن أجداده اليهود من عشائر الهكسوس!

* المعلومات عن الهكسوس نادرة وبالقطارة، إنما فيه بردية تورين، عبارة عن خريطة لمحجر سجلها الكاتب "امين-ناخت-سا-ايوي"، للملك رمسيس الرابع -أسرة ٢٠-، مكتوب فيها قائمة بعدد تلتमित ملك، منهم حوالي ٣٢ ملك هكسوسي، من الأسرة ١٥ والأسرة ١٦!

* منهم ملوك إسمهم شارك/ شريك، وشيشني، وخيان، وباراك، وخامودي، ونخيرا/ نخيلة، وصقر، وأيبي، وعوامي (عشيرة العوامة) ده غير ثلاث ملوك إسمهم يعقوب، وأربع ملوك اسمهم عنترا .. نلخ!

- تواريخ خاصة بزمان الهكسوس:

* تاريخ بداية تسرب وتسلل الهكسوس مع الأسرة تلتاشر (1803 ق.م)

* تاريخ احتلال الهكسوس للدلتا ١٧٣٠ ق.م، مع الأسرة خمستاشر!

* تاريخ طرد الهكسوس سنة ١٥٨٠ ق.م، بداية الأسرة تمتاشر.

طرد عشائر الهكسوس خد مجهود كبير وفترة زمنية طويلة، من زمن أحس الأول وبعده ابنه أمنتب الأول وبعدهم تحتبس الأول!

ممکن نعتبر معركة أواريس دي أهم معركة انتصر فيها المصريين، إنما بعدها كان فيه مطاردات ومعارك كثير، لأنهم مكنوش قوة واحدة، مسألة أنهم عشائر مختلفة ساعدت ف التغلب عليهم ف أواريس، إنما صعبت مطاردتهم، وع العموم

المطاردات والمعارك المهمة كانت بس مع العشائر القوية اللي فيها فرسان وعندهم عجلات حربية، زي معركة "نهارين" ع الفرات اللي انتصر فيها "أحمس سا أبانا" ف عهد الملك تحتمس الأول، غير بقا العشائر الضعيفة اللي اتفرقت ف صحاري الجزيرة، وكانت مطارداتهم مش مفيدة، إنما فيه لوحة عليها كتابة هيروجليفي محفوظة ف متحف البحرين عليها اسم القائد أحمس ابن أبانا، بتقول: هنا وصل القائد أحمس سا أبانا، بغض النظر عن مكان العثور عليها!



تفضل بقا إشكالية ف فرضية التأثير اللغوي والحضاري المتبادل، بين عشائر الهكسوس والمصريين، المفروض إن المليان يصب ع الفاضي، وعشائر الهكسوس بقبائلها وأصلابها وعبيدها عبارة عن شتيت صحراوي فقير، سابو المظاعن والمجاعات وطمعو ف خضار دائم بيميز مراعي غيطان النيل، وخير بيوت الفلاحين، ورفاهية سكن القصور!

عشائر حافية عريانة حركها الجوع للتسلل والتسرب، واتمسكن لحد ما تتمكن، واططرو يجارو المصريين، ف قلدو عيشة المصريين وكأنهم مصريين، بملابس مصرية وأسامي مصرية وأديان مصرية، لدرجة اعتقاد أجيال منهم بأنهم

مصريين أصليين، وفضلو بعد الطرد يخلعو يرجعو يعيشو ثاني ف مصر، وبالتالي كانت حصيلة التأثير المصري هائلة، والعكس مش صحيح!

لتبسيط الفكرة، لنفترض إن حصل طرد ومطاردة للمهاجرين المغاربة الموجودين دلوقتي ف فرنسا، بعد إنصهارهم واندماجهم ف المجتمع الفرنسي لتلات وأربع ونخمس أجيال متعاقبة، ومقبلتهمش أي دولة، لا أمريكا ولا أوروبا ولا آسيا ولا أفريقيا بما فيهم مواطنهم الأصلية، المغرب والجزائر وتونس، واططرت الأمم المتحدة إنها تختار لهم جزيرة بعيدة قرب أستراليا، مفياش لا كهربا ولا إنترنت ولا مطار ولا ميناء، وتعمل عليهم كردون عشان يتحجزو ويفضلو عايشين ف الجزيرة وكأنها سجن كبير!

- إيه بقا اللغة اللي هيتكلموها ف الجزيرة دي؟ بالتأكيد هيفضل تأثير فترة حياة الوفرة ف فرنسا، سواء ف اللغة أو القصص والعادات وباقي المظاهر الثقافية والحضارية!

هوه ده اللي حصل لعشاير الهكسوس بعد الطرد من مصر، لجأ بعضهم لصحاري الجزيرة (حجاز - حقا-زوت/ حجز) واليمن (إمن) وحضر (موت)، ف فضل معاهم تأثير عيشة الهنا والسعادة ف مصر، لدرجة تسمية مستعمراتهم الجديدة بأسامي متصرفة من رموز مصرية،

وفضلت حياتهم وأحلامهم وإنتاجهم الذهني متحصرين بالتأثير
المصري، لغاية دلوقتي!

رابع فصل

أسباب اختلاف نطق كلام المصري القديم عن كلامنا الحالي

المقصود هنا أسباب اختلاف نطق القواميس، النطق بطريقة القواميس مختلف
اختلاف كبير عن كلامنا الحالي، والسبب الأول والرئيسي إن قواميس
الهيروجليفي، كلها كلها، من شغل علمات الإيجيبتولوجي الأجانب!

فهرسة الألفاظ، وفهرسة العلامات، وترقيم الحروف، وتحليل النطق والمعاني،
كلها عملها انخبرا الأجانب، وبتتالي طريقة نطق القواميس ملتزمة بطبيعة وفهم
وعادات ومعتقدات، وكان أغراض الأجنبي الغربي!

بالرغم من كل ده، وإن كانت كلها حيثيات كافية لمعرفة أسباب غرابة
ولوغارتمية نطق الانخوات الغربيين ل لغة جدودنا:

1. اختلاف عاداتنا اللغوية عن العادات اللغوية للأجانب الغربيين!

2. فرض الثقافة التوراتية ع المعطيات والمكتشفات الأثرية المصرية، زاي الكارثة اللي عملوها ف فرض ترجمة كلمة "نتر" ل God vs lord ، والكارثة الثانية ف فرض ترجمة كلمة "بر-با" ل temple، ف حين إنها مترجمش، لأن مفيش مؤسسة دينية حالية لها دور شبيه بدور البرابي، والمفروض كانت تفضل الكلمة بنفس نطقها القديم: بربا/ برابي، أو أي كلمة مصرية أصلية من أسامي البرابي الكثيرة!

3. أبحاث اللغة لخدمة تجارة الآثار، كانت سوق عمل جديد، بيوفر وظائف متمولة من متاحف ومعاهد ومؤسسات تمويل أوروبية وأمريكية، وبتتالي كانت أهداف البحث الغربي الأجنبي ف حدود تحقيق أكبر قدر من الربح والإستفادة المالية والمعنوية!

4. علمات المصريات إتعاملو مع الآثار المصرية، بنفس طريقة الدول الإستعمارية اللي سهلت تواجدهم، يعني أي مرافق أو مباني يضطرو يعملوها، كانت بتتم حسب خطط إستراتيجية لتسهيل مهمة عساكر وظباط جيوش المحتل بالنسبة للإنجليز، أو تخديم ع التجارة والسلاح والبنوك وسياحة التعليم والعلاج بالنسبة لفرنسا وإيطاليا وغيرهم!

الأسباب دي وغيرها ممكن تفسر سبب تغريب النطق بطريقة قواميس الخواجات، واللي بتصور لغة غريبة ع اللي بيسمعها، بداية من المصريين أنفسهم، يعني كأنك بتسمع الهنود الحمر أو الإسكيمو بيتكلمو!

النطق الغريب اللي بيأكد كدبة كبيرة، ملخصها إن أصحاب الآثار واللغة اللي نطقها غريب دي، شعب تاني غير الشعب اللي لسة موجود ف نفس الأرض، وكأنها شقة مفروشة بتغير سكانها كل فترة، وبتسهل مهمة لصوص الحضارات الحاليين من الأفروسنترىك والإسرائيليين وغيرهم!

بيقا تدعيم الكدبة الكبيرة كان بواسطة نفس الجهات اللي هيه سبب رئيسي ف النطق الغريب، إنما هتفضل بارضو فيه أسباب تانية خاصة بالكآبة نفسها، ساعدت ع التغريب اللي ف النطق الحرفي!

من الأسباب الخاصة دي:

1. فلسفة اختيار حروف الكآبة من مواد خام من البيئة والطبيعة البكر، والإعتقاد بإستحالة تغيير مناطقها وأساميها، عكس سنة الحياة ف التغيير!
2. بطء التطوير لدرجة الجمود، بسبب تقديس اللغة المكتوبة، لدرجة تسميتها: "مدو-نتر"، يعني الكآبة المقدسة!

3. بسبب البندين اللي سبقو دول، بقا فيه تصميم من الكاتب ع المثالية ف الكتابة، والتعبير عن حالة النضج الكامل ف نطق أصوات الحروف، وده السبب الرئيسي ف تمثيل حرف السين (س) لكل حروف المخرج السناني الصوتي (ص/ ز/ ذ/ ظ)، ونفس الحكاية ف تمثيل حرف الره (ر) الناضج البالغ بدل من حرف اللام (ل) الطفولي القاصر!

4. التحيز ف الكتابة للعادات اللغوية الصعيدية الجنوبية!

5. زيادة عدد المخصصات، مع الشبه ف المعاني، بمنطوق خاص لكل رمز!

6. وجود المؤسسات الكهنوتية (البرابي) الضخمة، أسس اعتقاد ساذج -بارضو- بإستحالة نسيان النطق، مع أيام عز المؤسسات دي بموظفينا اللي كان كل شغلهم حفظ وتسميع وتدريس النصوص، ليل ونهار، إنما مجرد ما دارت الأيام، اتغيرت الأحوال، اتقفلت البرابي، واتشرد الكهنة، ف اتحقق المستحيل واتنسا نطق الكلام المكتوب!

7. لنفس السبب السابق، الثقة الزيادة، خلت الكاتب القديم ميهتمش بحروف الحركة اللي بتساعد ف تحديد النطق ومعرفة اللهجات، ودي من أهم أسباب غرابة ولوغارتمية النطق الحرفي للهيروجليفي .. يعني تخيلو كده شكل الكتابة العربي قبل التنقيط والتشكيل، عشان تتصورو نطق الحروف الهيروجليفي من غير حروف الحركة!

كل سبب من الأسباب الي فوق دول محتاج يتشرح لوحده ف صفحات كثير، انما تعالو كده نعمل تمرين بتصور إنه ممكن يبسط شرح الفكرة، وهو عن شكل حروف الكتابة النبطي والعربي قبل التنقيط والتشكيل:

باب

حباب

عباب

- باب/ بات/ تاب/ ناب ..
- جناب/ حبات/ حباب/ خباب ..
- عتاب/ عئاب/ عباب/ غياب ..

تخيلو بقا لو التلات سطور دول من غير تنقيط، وحطوهم ف جمل، شوفو إززاي ممكن يطلع منهم عدد كبير من محاولات القراءة، وكلها هتبقا نظريات ومجرد احتمالات، طالما الي كاتبها مش موجود عشان يأكد أي قراءة فيهم!

الي هيقرب أي نظرية أو احتمال منهم هو سياق المعنا ف الجملة، أو ف النص كله، وهو ده الي خلاني أنحاز لحيوية وواقعية طريقتي ف النطق:

"النطق الطبيعي التصريفي الصوتي!"

النطق الطبيعي التصريفي الصوتي (ن.ط.ت.ص) يعتمد شروط وخطوات:

1. تجربة احتمالات قوانين الصرف، من "شقلبة" حروف المخرج الواحد (م/ن - ر/ل - ن - س/ش - - س/ص - ز - س/ت - ت/ط/د/ض - ح/ع/ه/ء - ق/ك/ج ..نخ)، أو هروب و"زحلقة" الشقلبة بين المخارج الأقرب (خ/ع - ق/ء - ح/خ ..نخ)، أو "لحفنة" مكان الحروف (أرانب/ أنارب - فلة/ فلة)، أو "إهمال" نطق الحروف (كنت/ كت - منحيت/ مخيت ..نخ)، وكان تخیلو شكل التصريف بقا مع "البوادي" و"النواهي" ف بداية ونهاية الكلمة حسب وظيفة وموقع كل كلمة ف الجملة!

2. تأكيد استمرار الحروف الثابتة، بشكلها الأصلي مع شكلها المتصرف!

3. تأكيد استمرار نفس دائرة المعنا (وده أهم شرط)!

كده النطق الطبيعي التصريفي الصوتي يحقق أكثر من مكسب:

- يقرب النطق لأقرب لغة مصرية منطوقة ومفهومة وهيه "اللغة المصري"، لغة وكلام المصري الحالي!
- يوصل بين القديم والحالي، وبتتالي بيكشف كدبة التوقف والقطع!

- يعمل تبادل منافع، بين النطق الحرفي والنطق التصريفي، لأنه بياكد المعنا، تخيلو كده النطق التصريفي "عيش" لكلمة نطقها الحرفي "عش"، أو النطق التصريفي "شغل" لكلمة نطقها الحرفي "شغر"، أو النطق التصريفي "كلب" لكلمة نطقها الحرفي "كرب"، أو النطق التصريفي "مال" لكلمة نطقها الحرفي "مر" .. نلح!
- سهولة توظيف اللغة المصرية القديمة بالنطق التصريفي ف الأغاني والأعمال الأدبية والدرامية والفنية بوجه عام!
- تطبيق مناهج تعليم أسهل وأسرع وأقرب لفهم أطفال المدارس!

خامس فصل

اللغة المصري لغة الشعب، والفوصحا لغة الحكام

كلامنا المتداول من ألف سنة وأكثر، مصري مش عربي، وميصحش ينقال عليه لهجة من العربي، لجرد انه اتفرض ينكتب بالحرف النبطي، دي كدبة كبيرة هدفها تضخيم دور العرب، وكأنهم غزو البلاد لنشر الدين، زاي ما بيقول المشايخ دلوقتي، وزاي ما علمونا ف مدارس التعريب!

الكذبة كبيرة انخدع بها المثقفين الكبار لدرجة ان تيمور باشا يعمل معجم للكلام المصري المتأخذ من العربي!!! ودكتور اسمه عبد المنعم عبد العال يعمل معجم من ستمت صفحة يقول فيه إن حقيقة ألفاظ العامية من اللغة العربية، ويدلل علا كلامه من القرآن والحديث .. تخيلو ان كل دول وغيرهم كانوا بيأكدو الكذبة ويضخمو دور العرب، ويخصمو من دور المصريين، بالعاطفة الدينية وحسن نية جاز، إنما فيه ناس تانية كانوا قاصدين ومصممين وبايعين نفسهم للعرب زاي عزام باشا وغيره، اللي كانوا بيهاجمو أحمد لطفي السيد وعبعزير فهمي وطه حسين وسلامة موسى ومحمد حسين هيكل اللي قدرو يوصلو لصورة خصوصية للهوية المصرية، لغة وأدب وفنون وأخلاق وضمير، يعني تشكيل للثقافة المصرية ف مواجهة الثقافة العربية المفروضة بالسياسة ورجالة الدين!

- رغم الإجماع الرسمي والديني، الشعب المصري فضل بينه وبين اللغة العربية الفوصحا حاجز نفسي وأدبي، يظهر الحاجز النفسي ده ف التريأة ع اللي بيتكلم بيها، أو يحشر ألفاظ منها ف كلامه، يقولو:

- "إتنا بتكلم بالنحوي ليه؟ ماتخلي البساط أحدي وتكلمنا بالبلدي!"

من مقولات ابن خلدون:

* العرب أمة وحشية، اذا تغلبوا على أوطان أسرع اليها الخراب!

* الهدف الأساسي للغز (العرب) النهب والسلب (الغنائم)!

مجل تأثير العرب الحضاري - بعيد عن الدين - صفر كبير، وكل الإنجازات المنسوبة للعرب، وبتنقرع المدارس، إبداع بلاد وشخصيات مش عربية، وفضلت بلاد العرب عبارة عن صحاري وخرابات مفيش فيها مظهر حضاري يمكن رصده بوضوح لغاية بداية القرن العشرين الميلادي، أما ظهر البترول، فلو كانت عندهم ابداعات وفوايض حضارية كانوا قدموها لأنفسهم، قبل ما تظهر ف مصر والعراق وفارس والهند وبخارى وجورجيا وغيرهم من دول الإحتلال والغزو والسلب بإسم الخلافة والولاية الدينية!

- تأثير العرب ف ثقافة ولغة المصريين كان تأثير ضئيل، لو قارناه بالتأثير المصري، من زمن الهكسوس!

ونفس الحكاية بعد الغزو والسيطرة ع الحكم والدواوين، نشوف بقا المصريين عملوا إيه بعد الزام العاملين ف الدواوين بالكتابة بالحرف النبطي العربي بدل اليوناني الصريح واليوناني المخلط (القبطي)!

نقرا سوا الفقرة دي عند "ععزيز جمال الدين":

9- .. نظرا للمستوى الحضاري والثقافي الضعيف الذي كان يسود بين القبائل العربية، وجهلهم بالكتابة وعزوفهم عن التعلم لأنهم أهل حرب وغزو، تركت الدواوين الرسمية في يد المصريين الذين تعلموا الكتابة بالحروف النبطية العربية، ووضعوا

لها مصطلحاتها الحضارية والثقافية والإدارية والمالية التي كان يجهلها العرب .. وقد أدت عمليات التطوير هذه الى ظهور لغة كُتّابة جديدة، وصار العرب يتعلمونها على يد المصريين، قديما وحديثا

يعني المصريين هوما الي عملو لغة كُتّابة عربي انتشرت دلوقي تحت اسم "العربية الفوصحا"، بقواعد عربية، ومصطلحات وألفاظ بتأثير مباشر وغير مباشر من لغة المصريين، والمستوا ده مختلف عن مستوا لغة القرآن الكريم، لأن مفيش ولا دولة ف أي مرحلة تاريخية كتبت بالمستوا القرآني، والمنشر دلوقي مستوا كُتّابة من صناعة المتعلمين المصريين!

ده عن اللغة والكُتّابة الرسمي -الي فرضتها الحكومات القديمة والجديدة- أما الكُتّابة واللغة الشعبي "اللغة المصري" فضلت وعبرت عن نفسها ف الروايات (ألف ليلة) والسير الشعبية ومسرح الأراجوز ومسرح السامر والشعر (مربعات ابن عروس وغيره)، ولغاية دلوقي الأغاني وحوارات المسرح وسيناريوهات الأفلام والمسلسلات والإعلانات ف التلفزيون والشوارع، والطلبات الي بتتقدم كل يوم ف الوزارات والمدارس، حتا محاضر البوليس وتحقيقات النيابة والمناقشة بين المحامين والقضاة ف المحاكم وبين الدكاترة والعيانين ف المستشفيات .. نخ، رصيد لغوي ضخم لـ "اللغة المصري"!

عندنا لغة كاملة، قواعدها المصرية معروفة ومنشورة، أصواتها مصرية خالصة،
وجدور غالبية ألفاظها من لغة المصريين القدام!

المطلوب:



- (1) الشعب، يفضل متمسك بلغته، يكتب بيها ويحرسها لأنها جزء أساسي من هويته الوطنية، ويعبر بيها عن شخصيته وثقافته!
- (2) الحكومة، لازم تعترف بـ "اللغة المصري" لغة رسمية مع العربي وممكن كمان نضيف الإنجليزي بإعتباره لغة العلاقات الدولية!
- (3) وزارة التعليم، لازم تخصص لـ "اللغة المصري" أقسام وكليات لأبحاثها وطرق تدريسها، لأن دي اللغة الوطنية اللي أحق بالرعاية من كل اللغات الأجنبية، بما فيهم اللغة العربية، يعني يبقى فيه كليات لغة مصرية ف كل جامعة، وكلية دار علوم للثقافة المصرية، زي ما فيه دار علوم للثقافة العربية!

الهرم

الإثنين 7 مسرا 6264 / 14 أغسطس 2023

شم .. شتام .. شتيمة

1338

shtem 
 Ptah-hotep XI, 13, , Gol.
 Ham. 14, 147, to fight, to revile, to curse, to
 swear ; compare Heb. שָׁמַם, Arab. شتم.

shtem-t , Amen. 22, 20,
 revilings, abuse (?)


ده الإسم المصري الأصلي ل السب
 والقذف واللعن .. نلخ!

المصدر: من حكم "بتاح حتب"
 مستشار ووزير الملك "جد-كا-رع/"

أسرة خامسة: اللي يشتم بيتشتم!
 ومن تصاريفها:

شم - يشتم - تشتم - أشتم - شتمنا - شتمو - شاتم - شاتمة - شمت - اشمت -
 اتشم - اتشتمنا - اتشتمو - شتام - شتامة - شتامين - شتيمة - شتايم - مشتوم
 - مشتومة - مشتومين ..

2022 / 5 / 7


 Gardiner's list codes
 N35:O4-N29-A2
 Transliteration
 nhk
 Translation
 Be painful, vex, to
 torment, feel sharp pain

نهق .. نهق .. نهق

1339

المرعج / المؤلم

صوت الحمار = نهيق

صوت الغراب = نعيق

وحسب قاعدة شقلبة أصوات حروف المخرج الواحد، بتشقلب أصوات حرف


الهه مع الهه مع العين!

من التصارييف:

نهق - ينهق - تنهق - نهقو

2022 /5 /8

1340 زعق .. زعاً .. زعج .. ازعاج .. صعق

tchaāq , Rougé I.H. II, 125, to cry out ; compare Heb. צעק, Arab. صَعَقَ.

اسمعوها بصوت بدارة ف موال طلعت فوق

tchaāqtā , cry, outcry ; compare Heb. צעק.

السطوح:

- "زعأت" من عزم ما في

وقولت يااااطيري .. قلالي زمانك مضال روح دور علا

غيبيري!

زعاً وزعئي جامد أوي!

الصوت العالي "الزعج"!

ييتصرف منها صوت "الإزعاج"، وعندنا بيصرفوها بالخفنة "جعزة" أما تسمع

واحدة من بلقاس أو أرياف المنصورة تقولك: أنا اتجعزت!

أستاذنا أحمد باشا كمال ربطها بكلمة "صعق" العربي، نفس الحكاية ف قاموس
 بادج! كان العبري "صعق"! بس احنا بنقولها بالزين مش بالصاد، وده يخلينا
 نراجع ترجمة نطق الحروف ثاني وتالت حسب عوايدنا احنا، اللغات اللي
 متفرعة من لغتنا بتساعد انما مش هيه الأصل، الأصل اتتا يا مصري!
 الحكاية كلها والبدايات كلها من مصر، واحنا متواصلين مع جدورنا اللغوية،
 من غير أي وسائط، بس نعرف ونفهم ونوعي بعض!

2022 / 5 / 10



1341 برجولة .. براجيل .. برج

عمود رخامي أو خشبي أو معدني زينة وسط بيوت
 المصريين القدماء!

كان إسمه "برجن"، وجمعه "براجين"

بالظبط زاي ما الناس الطيبين بيقلوها!

اتصرفت بقت تنكتب باللام: براجيل!

ومنها إسم "البرجل" أداة لرسم الدوائر والأقواس، بالدوران!


ومنها "البرجلة" يعني اللخبطة، كناية عدم الثبات!

اتبرجل - اتبرجلت - اتبرجلنا

يعبّر عنها الشاعر فؤاد حجاج:

أنا شوفت روح الخطوة لما اتبرجلت

2022 / 5 / 12



1342 غمز . غمزة . غمازة . غموس

الجذر "غمز" موجود بعدد مختلف من التخصصات،

بس نقدر نقسمهم لتلات معاني بيكملو بعض:

*معنا الريحة الحلوة incense

*ومعنا الانحاء/ الحنية/ التقوس bow

*وكان معنا الغموس، اللي بيكمل الأكل

استخدامنا وتصاريقنا الحالية للجذر "غمز" بتدور حوالين المعاني دول، يعني غمزة

العين وغمزة السنارة كلها ريحة حلوة وشكلها حنية وتقوس ورفة ف حركة العين

أو غمازة السنارة!

- نظرة و"غمزة" عين، والقسمة وياهم


النهاردة -امبارح- قضيت يوم ظريف ف قرية "غمزة" الكبيرة، بلد بسيطة أوي

بس تحس فيها بالراحة، ريحة حلوة من كلام مصر وأصل الناس الطيبين!

2022 / 5 / 12

فول : مخارج الحروف

1343



شوفو أصل كلمة "فول" حسب النطق الإصطلاحي "پور"!
 إنما القاموس الي منشور من سنة 1920 كان عارف التصريف، وكتبهالنا
 بالعربي (يقصد المصري الحالي) "فول"، نقلها من نصوص هرم تيتي مؤسس
 الأسرة الساتة!

دي -والكلمة الي بعدها "فرش" يعني "توزيع" - وده مثال يقول إن النطق
 الإصطلاحي ده، لا إنجيل ولا قرآن ولا قانون ولا دستور، ده مجرد اجتهاد
 وتنظيم للنطق، إنما واجب الدارس والباحث يكرر ويعيد ويزيد ف التصريف
 والتقليب بين الحروف:

كل الحروف الي بتطلع من حته واحدة من البوء (البوق/ البوج)، بتتشقلب
 مع بعض كانهم حرف واحد!

* السين والشين والزين والصاد والذال والظه!

* الته والظه والذال والضاد!

* البه والفه والقي!

* الره واللام!

* اللام والنون!

* النون والميم!

* العين والهه والحه والهمزة!

* القاف والكاف والخره والجيم!

* الغين والخره والجيم!

* الجيم الجافة والجرم المفعشة والشين .. نل!

كل دي تصاريف وشقلبات بفعصل بمرور الزمن، وكن بفعصل ف نفس
الزمان والمكان، والأكر انفا ممكن فعصل للشخص الواحد ف الزمن الواحد
حسب حالته النفسية، هءوؤه وءوءره أو غضبه وفرحه .. نل!

يعني بالبلدي، ممكن الطالب أو الءارس يشوف الكلمة اللي مءءوبة ف القاموس
"بور" وينطقها "فول"، وممكن كاءب السيناريو عن مرحلة قءيمة يءءبها بارضو
"فول" ويبقا صح وءمام اءمام!

2022 /5 /13


Gardiner's list codes
M3:Aa1*X1-N16:N23*Z
1-D54
Transliteration
ht ts / ht lw
Translation
Wander, move about

تخطيط .. كتابة .. توقع

1344

الكلمة الأصلية ف البوست "خطا"، ومنها "خطوة"
و"تخطية" وكان "تخطيط"، وخلصنا نركز ف التصريف
الأخرانية دي: تخطيط!

- لييه؟

عشان فيه جدرين بارضو من مرحلة الكتابة بالحرف الهيروجليفي ومعناهم
المباشر = تخطيط / تصميم design



أول جدر: توقع



ثاني جدر: كتب / كتاب

أيوه الاتنين جدرين أصليين!

يعني الكتابة أصلها تصميم وتخطيط وهندسة .. نل!

والتوقع بارضو فن التصميم ووضع تصورات أو سيناريوهات؟

- اللغة المصرية وتصاريفها بحورها واسعة وغويطة!

2022 / 5 / 16

كابوس 1345

kapus , to oppress, to suppress ; Heb. **כָּבַשׁ**.

أصل الكابوس = كبت / قمع / كمد

الحلم المزعج ف النوم = كابوس!

العدو = كابوس

الإلتزام بالفرض والغصب = كابوس

- اللهم اجعله خير .. كان كابوس صعب وانزاح


من التصارييف:

كبس - يكبس - تكبس - أكبس - كبسنا - كبسو - كبسة - كابس -
مكبوس - مكبوسة - مكبوسين - كباس - كباسة - متكبس - متكبسة -

متكبسين

2022 /5 /17

1346 نزل .. نزلة .. منزل



تنبيه: البوست للتفكير
والتأمل!

- ليه؟

عشان فيه جناس أو تجانس

لفظي بين معنيين:

أول معنا: معروف ان النزول يعني الإنحدار أو الهبوط، من فوق لتحت، أو
من السما للأرض!

ثاني معنا: الإستقرار!

المعنا الأولاني معروف ومش محتاج شرح كثير!

المعنا الثاني هو اللي محتاجين نفهمه، عشان نعرف ليه بنقول ع الفندق
والأوتيل: نزل، وليه بنقول ع المقيمين ف الفنادق والسجون: نزلا، والأكثر
والأهم، ليه بنقول ع البيت "منزل"، وبالتأكيد المعنا الأولاني مينطبقش عليه،
لأن كل البيوت ممكن تكون فوق وكلها ممكن تكون تحت، ورغم كده كلها
محلات استقرار "منازل"!

يبقى المعنا الثاني بس هو اللي ممكن يفسر لنا تعريف النزل انه مكان مؤقت للإستقرار، أما المنزل، ف بيدخل عليه حرف الميم اللي بيتعدد استخدامه ف الصيغ النحوية، ومنها صيغة المكان المستقر:

مكتب/ مشرب/ مأكل/ مأوى/ مصنع/ منتدا .. نلخ!

شوف كده الجدور الهيروجليفي اللي ف الصورة، وسيبك من النطق الإصطلاحي بتاع القاموس، عشان تقدر تنطقها بالتصريف:

(السين مع الزين والره مع اللام)!

كلها بتدور حوالين معاني تناول الأكل/ تناول موضوع/ تناول فكرة، أو وجود النار (الدفا)، وبعدين معاني البركة والتقديس!

المكان اللي بيوفر أكل ودفا للإنسان الحالي، ممكن يكون فندق أو سجن، أما الإنسان الرحال والغريب ف الزمن القديم، لقا مكان (مؤقت) فيه ناس استقبلوه وضيّفوه، يبقى "نزلة" وعشان كده عندنا عدد كبير من العزب المتطرفة اسمها: نزلة كذا .. نزلة السمان/ نزلة أبو مسلم/ نزلة باقور/ نزلة الشوبك .. نلخ!


يعني "النزل" و"النزلة" كان مكان استضافة مؤقت، و"المنزل" مكان إقامة دائم، وبارضو منها "المنزلة" مدينة قديمة استضافت واستوطنها الرحالة والغربا!

2022 / 5 / 17

الأدب .. فضله عن العلم

1347

واحد معترض، هيقولك أدب إيه وبتاع إيه؟ العلم أساس التقدم!



واحد ثاني من بتوع المهرجانات، هيرفع شعار التكاتك: "التقدير خسرنا كثير"، لا أدب ولا علم، اتكلم ف المفيد: مصلحتي ومصلحتك!

الحقيقة ان كل كان لازم له عنوان، قبل ما تتكلم وقبل ما تعبر عن نفسك،

بيقولك: انتا مين؟ لأن سؤال الهوية، سؤال وجودي!

الأدب فيه مفردات الشخصية، اللي بعرف منها: أنا مين؟ واحنا مين؟ وانتو

مين؟ وهوما مين؟ وعلاقتنا ببعض إيه؟

عشان كده فضله عن العلم والمصلحة وأي حاجة، لأنه مدخل ضروري

وباب أساسي لفهم المبادئ والبدييات!

الجدد "ادب" من مرحلة الكتابة بالحرف الهيروجليفي =

السواب (الثواب) والعقاب!

أدب .. يأدب (يؤدب) .. مؤدب .. تأديب

وفيه كلية (الآداب)، ومباحث (الآداب)!

وحصيلة التفكير والإبداع = أدب!

وكتب الفكر والإبداع = أديب!

الملحوظة بقا ان مفيش مصدر لكلمة "أدب" ولا تصريف منها ف القرآن الكريم

(باعتباره المرجع الأساسي للغة العربية)، والسؤال بقا: طب الكلمة دي

-وغيرها من الكلام المصري الأصلي- دخلت اللغة العربية ازراي؟

1- عن طريق لغة الهكسوس الرئيسية (الآرامية)!

2- عن طريق كتابات ديوان الإنشا المصري!

3- فترات التأثير المصري الطويلة, زمن الإمبراطورية المصرية وغيرها!

4- بالتفصيل 30 سبب مشروحين ف الفصل الثاني من باب الاستفتاح!

- اسمعوها بقا من أحمد فؤاد نجم بصوت الشيخ امام:

أنا الأديب الأدبائي، غايظني حال بلدياتي، غلبت أوحوح وأهاتي، لكن بلدنا

سمعها تقيل، الله الله يا بدوي هات الشخايل!

2022 /5 /19

قطاع الأرزاق

1348

âqes , to cut.
 Āqes , Rec. 32, 81,
 the name of a god (?)

دليل جديد إن جذور ومصادر اللغة المصرية بتبدأ بالإسم، وبعدين بيتصرف من الإسم كل التصاريف من أفعال وأسامي الفاعل والمفعول والصفات والظروف والأدوات .. نلح!

الفكرة ف عقيدة المصري القديم، إن القوة الخالقة اللي بتنظم الكون (الإله الواحد) لها أدوات وأعوان بتنفيذ الإرادة المقدسة، الأدوات والأعوان دول إسمهم "نترو"، اللي الخواجات ترجموها = God

من ضمن النترو دول واحد -زاي الملائكة- وظيفته عقابية، يعني بيعاقب ف الدنيا عن الأعمال والنوايا الشريرة، بإنه يمنع عنهم الخير، أو بالتعبير البلدي: قطاع الأرزاق!

قطاع الأرزاق ده كان إسمه إيه؟

- اسمه إقص/ يقص iKS

ومن الإسم اتصرف من المراحل القديمة بارضو فعل "قص/ يقص" يعني = يقطع! بخصص السكينة أداة القطع!

وبالطبع اتصرف منه إسم أداة القطع والفصل: "المقص"! من أقدم المقصات الأثرية، مقص ضمن أدوات الجراحة الخاصة بالطبيب القديم: "حسي-رع" - زمن الملك زوسر/ أسرة 3. قص .. يقص .. مقصوص .. قصايقص .. قصقوصة

2022 / 5 / 20

مطر 1349


Gardiner's list codes
D52:X1-D21-Z7-T14-T14-N35A-N36:N23
Transliteration
<i>mtr / mtrw</i>
Translation
Flood
Grammar type
Noun

جاكو مطر؟

المصريين يقولو: "نطرة"، لأن "نطرة" أصلها من الجدر

"نترت" يعني الحاجة المقدسة اللي جاية أو نازلة م السما!

مش معنا كده إن كلمة "مطر" و"مطرة" معرفهاش إلا

عن طريق المدارس اللي بتعرب كلامنا، ويتحاول بقالها أكثر من سبعين سنة


تخلينا عرب!


كان كلمة "مطر" جمع ومفردا "مطرة"، جدرهم من الكلمة اللي ف الصورة:



"متر" بخصص الماية ومخصص المكان الكبير، لأن معناها = فيضان/ تدفق ماية

.. إنما منتشر ف مساحة كبيرة مش مرتبط بالنهر!

وطبعن فاكرين البوست بتاع "نوة" اللي جاية بارضو من إسم السما "نوت" ...
يعني كلامنا وكلام العرب ومعظم كلام المنطقة اللي حوالينا جدوره وتصاريفه
من أصول اللغة المصري!

shesh , white hair.

shesh-t , a precious stone of white colour.

sheshti  → , king.

2022 / 5 / 24

شوشة 1350

الشوشة = القمة / المجد / الملك

بس من تصارييف الجدور القديمة للكلمة:

شوشة = شعر أبيض!

منها ظهرت كناية "شواشي" الدرة، يمكن عشان لونها الأبيض اللامع!

أكثر من عيلة لقبهم: شوشة، زاي عيلة الشاعر الكبير: فاروق شوشة!

وعندنا ف بلقاس عيلة: أبو شوشة!


العجيبة بقا هتشوفوها ف نفس الصورة ومن نفس الجدر، تصريفة لإسم من

أوصاف الملك: شوشة!

يعني الملك، مش بس "حقا" ولا "نسوت"، كان: "شوشت / شوشة"!

فيه قرية إسمها "ششتا"، ف الغربية، و"ششت" ف البحيرة، من نفس الجدور،

ومنسوب لهم أكثر من عيلة بإسم: الششتاوي! 2023 / 5 / 25



ليلة .. سهرة .. عزومة

الجدد المصري المكتوب بالهيروجليفي في الصورة:

بسد، وبالتصريف التحول في اللاتيني ومعظم اللغات الأوربية ل feast

إسم للنتر بتاع السهر والليالي المنورة!

ده يودينا لسؤال عن شكل الإحتفالات عند المصريين القدام، وإن مش كلها
خروجات ومهرجانات، ومش كل ما تشوف مخصص كلمة معناها "عيد" أو
"مهرجان" بيحي في بالك نخامة موكب المومياوات!


الإحتفالات كانت لها أشكال مختلفة، ما بين المهرجان والمسيرة، للسهرة أو
العزومة، أي لمة في فرح أو عزاء، أي نشاط اجتماعي، بس كده!

يعني العيد اللي بتتكلم عنه الصورة كل أول شهر، ده كان عبارة عن إيه؟

عبارة عن عزومة بتعملها العيلة أول كل شهر

صلة رحم ولة للجباب!
 أوليلة زاي اللي لسة بتتعمل ف الفلاحين!
 نشاط اجتماعي عبارة عن سهرة أو ليلة أو عزومة، فيها أكل وشرب وطرب
 وموسيقا ولة بين الأهل والصحاب!
 حاجة كده قريبة من لمة المصريين زمان حوالين الراديو مرة كل شهر عشان
 حفلة الست أم كلثوم!
 تخيلو كمية الفوائد الإجتماعية اللي كانت بتحصل ف القعدات الحلوة دي،
 ودلوقتي الأجيال الجديدة محرومين منها لأسباب كتير!

2022 / 5 / 26



1352 نعم .. نعمين

نعم ونعمين، ف كلامنا المصري الحالي،
 أدوات ف جملة الجواب!
 بنسمع عبحليم بيغني:
 - نعم يا حبيبي نعم!
 وسمعنا ليلي نظمي، ودلوقتي بتغنيها مروة:
 - أمه نعيمة نعمين!

جدر (نعم) من مرحلة الخط الهيروجليفي:

نعم/ نعمو = عزيزي/ سيدي/ بكل لطافة/ بكل سماحة/ ف خدمتك!

ده ميمعش، ان النعومة واللطافة دي ممكن تتحول لشتيمة أو تريأة:

- نعم يا روح أمك!

كنت فاكرها عربي، بسبب تصرفه من نفس الجدر، بنفس الصوت والمعنا،
ف (القرآن الكريم):

(قال نعم وانكم لمن المقربين) - الأعراف.

(نعمين)، تكرر للتأكيد حسب القواعد الموجودة ف جملة الجواب وجملة الشكر
وجملة التأكيد!

(حمدين/ شكرين/ عوضين/ حسنين)!

- أول دروس الأدب .. قولة (نعم) حاضر، يا مصر انتي
الأساس .. ف الماضي والحاضر!

2018 / 5 / 28

seft 𐤌𐤔𐤕, a kind of ground or earth.

seftseft 𐤌𐤔𐤕 𐤌𐤔𐤕 𐤌𐤔𐤕, to stride.

sefth 𐤌𐤔𐤕 𐤔, U. 58, 𐤌𐤔𐤕, U. 38, N.

𐤔𐤓𐤕, 𐤌𐤔𐤕 𐤔𐤓𐤕, 𐤌𐤔𐤕 𐤔𐤓𐤕, 𐤌𐤔𐤕 𐤔𐤓𐤕,
a kind of sacred oil.

صفط 1353

كلمة صفط متكررة عندنا ف

بلاد كتير: صفط اللبن/ صفط

القدور (صفط تراب)/ صفط انخمار/ صفط راشين/ صفط الحنا/ صفط العنب/ صفط جدام/ صفط زريق/ صفط الحرية (صفط الملوک/ المملوک)/ صفط الشرقية (صفط ميدوم)/ صفط انخرسة (انخرسا)/ صفط العرفا/ صفط النور/ صفط أبو جرج/ صفط خالد .. لأنها من الجدر "سفت/ صفط" = أرض متطرفة كانوا يخزنون فيها الزيوت والمجارة!

المرّة الوحيدة التي ظهر فيها الجدر "سفت" مع مخصص المكان، موجود بمعنا الأرض، إنما بقية مخصصات الجدر بتوضح معانيه واستخداماته، إنها كانت


أرض يخزنون فيها حاجات صعب تدخل البيوت، زاي

زيت الزفت التي ممكن عيل يرمي النار عليه يولع ف البلد،

كان مخزن بعيد يسحبو منه حسب الحاجة والطلب، ومنها

ال "سفت" وال "شفط" = السحب!

2022 / 5 / 28


Gardiner's list codes
D21:D37
Transliteration
rdī
Translation
Enlighten (the land), impose (oath), turn (face, back)
Grammar type
Verb
Translation
Give, put, place,

1354 لدي .. لديه .. لديهم

فاكرينها عربي، بس أصلها وجدرها مصري!

صحيح احنا مبنقولهاش ف كلامنا الشعبي، وبنستخدم بدلها كلمة: عندي/

عنده/ عندهم .. نلخ!

بس المفاجأة بقاء، إن كان مفيش حد ف المنطقة كلها يستخدمها ف كلامه

الشعبي دلوقتي!

ما يبدل القول "لدي"

مستوا ألفاظ لغة القرآن الكريم، أقرب لمستوا ألفاظ اللغة المصرية القديمة!

كده احنا ف مصر عندنا مستويين للغة:

١- مستوا اللغة الرسمي: عبارة عن كلام عربي من جدور معظمها مصري، بقواعد عربي، بحروف نبطي من أصل مصري، نشرته مصر بواسطة ديوان الإنشاء المصري، وبقا رسمي بداية من انتشار المطابع ف عهد محمد علي باشا!

٢- مستوا اللغوة المصري: عبارة عن كلام مصري من جدور مصري، بقواعد مصري، بحروف نبطي ولايتيني من أصل مصري، انكتبت بيها ألف ليلة وليلة ودلوقتي قايم عليها الشعر والحواديت والمسرحيات والأفلام والمسلسلات والبرامج والأغاني!

العجيبة بقاء، أو المفارقة، إن المستوى الرسمي الأولاني واخذ وضع ودلع وحماية وتمويل، والمستوا الثاني ابن الجارية اللي بياخذ علا دماغه، رغم انه اللي شايل الليلة كلها!

المطلوب إيه؟

مطلوب ان الكلام ده يتبحث من أول وجديد، والمواقف دي تتقيم من أول خالص، ان كنا بجد رايعين جمهورية مصرية جديدة!

2022 / 5 / 30

1355 طير .. طيران .. طيارة .. مطار

ter-ti  = 
the two birds, i.e., Isis and Nephthys.

جدور الطير والطيران، منحوتة من اسم أهم وأشهر طيور الأساطير: ايزيس ونفتيس / است ونبت isis & nephthys


أوصافهم كثير، ف شكل طيور البومة: الطيرتين / البومتين!
تيرتي / طيرتي = الطيرتين!

عشان تتأكدو بس، إن الكلام كله كان أصله أسامي، وده منطقي لأن الإنسان الأولاني كان كل همه يعرف إسم كل حاجة، وبعدين مع الوقت يبدأ يصرف من الإسم أفعال وأسامي الأفعال وأسامي المفعول والصفات والظروف .. نلخ!

طار / يطير / طائر / طيران / مطار

حتى الطيرة، يعني الحاجة الشؤم، واضح ان أصلها هنا من صوت البوم، بوصف
تاني = الندابتين .. وكأن صوت البوم ندب، دليل الحزن!

2022 / 6 / 3



1356 منارة .. منور

صحيح إن الجدر "نور" - وتصريفة

"نار"، سبق وعرضناهم- ممكن يتصرف منهم المنارة والمنور، إنما تعمل إيه أما
تلاقيا متصرفة جاهزة؟

منارة، جدر هيروجليفي أصلي، اسم أداة للمشاهدة، مش مجرد تصريفة!
مخصص العين رمز الرؤية والمشاهدة!

منارت/ منارة = برج المراقبة/ عمود النور


عمود النور منارة للطريق!

فنارة المينا منارة للسفن!

المدارس، منارة للعلوم!

2022 / 6 / 4

1357 أكبر .. كبير .. كبيرا




مفيش حاجة بتتولد م العدم!
كل حاجة لها أصل، وكل كلمة وليها فصل!
نخلي بالننا من شقلبة الحروف ونخفنتها، حسب
قواعد علم الصرف!

أجبر/ أكبر = المحيط الأزلي العظيم / الشئ الكبير العظيم
الله أكبر الله أكبر الله أكبر .. الله أكبر كبيرا

- حتا الكبر والمكابرة والتكبر، تصاريف من نفس الجدر!

2022 / 6 / 4



1358 عاخام .. حاخام .. خام

الألقاب والوظائف الدينية في المنطقة كلها، جدورها من اللغة المصرية:
قسيس / كاهن / شماس / شيخ / إمام / حبر / حكيم / أبو .. نخ
والنهاردة بقدم جدر أهم وظيفة في الكهنوت اليهودي:
عاخام / عاغام / حاخام = صورة المقدس

الخله والغين مخرج واحد، والعين والحه بيتشقلبو حسب قواعد علم الصرف،
عشان مخرجهم الصوتي واحد، وده بيظهر عندنا ف أدوات التبشير
(الإستقبال) الهه والعين والحه:

هاكل / حاكل / عاكل .. هشرب / حشرب / عشرب
مش بس طقوس الصلاة والصوم والحج والزكا، كان أسامي الوظائف .. لأن
الدين منتج مصري، بالشكل والمضمون!

من نفس الصورة، الجدر "نخامي" = رمز الحيوان المقدس، بتطبيق قاعدة
التصريف بإهمال العين، يعني متنتطقش، نلاقينا قدام كلمة "خام"، يقولك
أصل الواد ده "خام" أو البت دي "خام" يعني علا طبيعتهم، وبارضو المواد
الخام يعني اللي متاخدة من الطبيعة وعلا حالتها الطبيعية، هنا ده يفسر لنا معنا
المقدس عند المصري القديم يعني الطبيعي، ويبقا تفسير عالم المصريات الألماني
"هاينريش كارل بروجش" لكلمة "ntr" يعني طبيعة أو "nature" طبيعي جدن
جدن جدن!

2022 / 6 / 5

شريف السركي كلام شديد الأهمية والخطورة يا أستاذنا، وحيفتح البحث
والمناقشة حوالين حاجات كتير جدا، من تحليل الكلمة المصرية، ل مفهوم الألوهية
عند أجدادنا وإزاي إتجذر ف دين اليهود ومن بعدهم المسيحيين.

menu		Nāstasen Stèle 12, a quay, harbour.
mená		harbour, haven.
menáu-t		IV, 692, 732, harbour, haven; plur.
		Copt. mená
mená-tu		arrival in port.

مينا .. ميناء

1359

كله ف (المواني) يابا!

المينا، أصله مكان متخصص للرسو والسفر النهري!

بقا مكان رسو وسفر بحري!

وكان كناية عن مكان هبوط واقلاع الطيارات:

مينا جوي!

ودلوقتي "ميناء جمركي" لتخزين وتخليص البضائع اللي جاية عن طريق السفن أو

المطارات!

مينا، جدر لغوي قديم، وتصريفة مصرية حالية، بارضو اتصرفت مع العربي الرسمي

لكلمة: ميناء!

ميناء الإسكندرية

ميناء دمياط

ميناء بورسعيد

ميناء السويس

فيه مواني (موانئ) تعدينية، ومواني بترولوية، ومواني سياحية، ومواني للصيد، ومواني

مراسي للراحة والإنتظار، ومواني تجارية!

كلمة "ميناً" من جدور اللغة المصري المكتوبة بالحرف الهيروجليفي، فرضت نفسها
بنجاح مع عدد كبير من لغات المنطقة، وتواصلت مع اللغة المصري الحالية، بنفس
النطق والمعنا، وزادت عليها الكايات!

2022 / 6 / 7

عاطف عزت كان ميناً القمح، ميناً الفول، ميناً البصل. كانت

كلها موافي وكان كل ميناً مشهور باستقبال وتخزين محصول معين!

1360 خسف .. كسف .. اتخسف ..

مكسوف

الكسوف والخسوف رجوع وتراجع

الخب والكاف يتبدلو ويتشقلبو

- هيخسف بيه الأرض


بتنكسف تخش وايدك فاضية!

وبتنكسفي حد يشوفك بهدوم البيت!

اللي يتكسف من بنت عمه، ميجبش منها عيال!

جارنا يقول "مستحي"، و #احنا نقول "مكسوف"!

كسوف القمر أو خسوف القمر، بنفس المعنا، تراجع عن الظهور!








ادعي يفك خنقة القمر، لحسن القمر مكسوف!

يابنات الحور، خلو القمر يدور

يابنات الجنة، خلو القمر يتها

2022 / 6 / 10

s-men — , P. 635, M. 510, N. 1092,
; P. 636, 637, M. 512, 514, N. 1095,
1097, — , Rec. 30, 187, , to
establish, to fix firmly in position, to establish one-
self; caus. of ; Copt. ceme, cemeni.

1361 صوم . صايم . صيام

الجدر الهيروجليفي: "سمن"، بمعنا =

تنظيم النفس / اثبات كفاءة النفس .. نخ!

بالتصريف = صومان!

تصريفه مصري أصلي، زاي: ولهان/ بردان/ سخنان .. نخ!

المصري القديم استخدم المصطلح ده للتعبير عن طقوس الصيام - مع جدور






تانية- انما ده أقرب حاجة مباشرة لحروف مصطلح الصيام، وف نفس الوقت







يبين وظيفته ف السيطرة ع النفس وتنظيم رغباتها وشهواتها!

2022 / 6 / 10

Qatchatá    

Anastasi I, 27, 8, Gaza; Tall al-'Amârnah Azzati

—     < , Assy. Kha-az-zu-tu

—     < , Heb. , Arab. غَزَّة.


غزة

1362

أنا عارف انها دلوقتي مش مصرية، إنما أصل الاسم اللي صمد بتصرفات
كنعانية وعربية، أصله من مصر!

مش بس "غزة" فلسطين، كان فيه ف مصر أكثر من بلد اسمهم كده "غزة"!
منهم بلد كانت جنب "أخت-أتون" عاصمة "أخن-اتون" المعروفة دلوقتي بإسم
"تل العمارنة"!


اسم من طبيعة أرضها وحجارتها، زاي إسم "سينا" من اسم حجارتها!
يعني التخريجات بتاعت أصل اسمها من الغزوة، تأليف × تأليف!
المنطقة كلها عاشت ميات وألافات السنين ضمن الإمبراطورية المصرية،
وطبعي يبقى فيه تأثير من اللغة المصرية!



ونستفيد ونأكد وتؤكد إن اللغة كائن حي،
يبتدل ويتشقلب ويتلخفن ويتطور ويتحور
بالتصريف، شوف بنفسك أصل الكلمة إيه،
وقواعد التصريف بالعادات اللغوية عملت فيها
إيه!

2022 / 6 / 11

[شريف السريكي](#) صورة الاسم القديم بالتفصيل!



من عجائب الجدر الهيروجليفي "مر"، تناويع تصاريف مخصصاته وحركات حروفه بالكسر والضم والفتح، عشان تملأ مساحة كبيرة من المعاني، بدايتها الحب والحبيب والمحبوب، ومعها النبل والامارة، وكان معاني الملو والتلمية (تملي معاك) والملاءة، ومنه لأجمل المعاني بالأمل والآمال!

لو فضلنا ماسكين ف النطق الاصطلاحي بحرفين بس "مر" النتائج هتبقا محدودة وضعيفة، أما لو طبقنا أصول علم الصرف، هنضيف مساحة تصريف واسعة، ويبقا معنا وسيلة عظيمة بتربط وتوصل بين القديم والحالي!

خلو بالكو احنا بنصرف دلوقتي كتير، ف نفس الزمان ونفس المكان، يعني: "موحاماد" تبقا "ماحاماد" و "ميحاماد" وكان "امحاماد/ إمحاميد"، ده مثال من أشهر إسم دلوقتي، وإن كان إسم ديني، إنما قواعد التصريف بمتميزش وقوانينها بتسري ع الكل!

ف وحية الشمس الشموسة والماية المحروسة، وعشان خاطر الست ليلي مراد بتاعت شط الغرام اللي بتحب الماية والهوا، بلاش جمود أخينا الحاج اصطلاحى، خلونا ننطلق ونعيش ف رحابة رموز الهوية المصرية، بالكلام المصري الأصلي وتصاريفه الحصري!

أمر .. أمير .. أمور .. لامور بالفرنساوي .. أمل .. أمال .. أماليا .. ملو ..
مليان .. ميري وماريان وكان فيه نثرة الموسيقى "ميريت"!

2022 /6 /20



1364 عيل .. عيلة .. عيال

جدر كلمة "عيلة" من المصري القديم، من "علو"، بخصص
الشجرة، ولغاية دلوقتي بنقول: شجرة العيلة!
عيال، تصريفة من عيلة، بمعنا فروع العيلة!
جدودنا كانوا بيعبرو عن العيلة بالمصطلحات دي (family):

* هنو، ومنها الهنا

* معهاي، ومنها المعية

* وحت/ وحتو، ومنها الوحدة

* بيت، يقولك بيت فلان

* دنيا

* أبوت/ أبوة

كان الجدر "علو/ عيلو"

يأكد إن "العيل" يعني الطفل اللي جاي من البطن




لأن الجدر المصري ربط بين كلمة عيل و عيلة وحبل أو حمل الستات!
يعني العيلة كلها بمعناها الواسع اللي جاين من بطون ستات الأسرة!

2022 /6 /21

1365 كباد

تصريفة من إسم البراد المصري القديم اللي كانوا يسخنوا فيه الماية!
أصل الكلام المصري كله بدأ بالأسامي وبعدين اتصرفت منه الأفعال وأسامي
الفاعل وأسامي المفعول والصفات!



نرجع لتصريفة "كباد"، اللي
يدلعوها دلوقتي ويقولو
"تمر"، يعني الهجوم بسبب
ومن غير سبب، جزء سلبي

ف الشخصية، يعني اللي فيه العيب ده مطلوب يحاول يصلحه، وبالنسبة
للسياسيين والمناصب العامة مينفعش يبقا فيها الكيادين المتنمرين دول، ولو
حصل يبقا لازم يتخلعو أو يتعزلو!
الكباد يخلي الماية تغلي، والدم يفور، والأعصاب تفلت، ده اللي بيوضحه الجدر
اللغوي المصري القديم!

دراسة اللغة المصرية، هتحسن أخلاقنا وتصرفاتنا وعلاقاتنا مع الناس، ده غير
 انها بتوضح شخصيتنا.

202 / 6 / 25

1366

Suānu, Sunu , Meux Cat., أقدم بلد ف الكون،
, Rec. 21, 51, , Rec.
 13, 34, , , ,
, Syene; Gr. Συήνη, Heb.
, Copt. COYAN Arab. أسوان.

عندنا بلاد كتير قديمة،

انما أسامياها اتغيرت أو اتصرفت!

أسوان، لسة شايلة نفس الإسم القديم، بأقرب تصريفة من اسمها المكتوب
 بالحرف الهيروجليفي!

صونو، من الصوان يعني فرشة السوق وفراشة المياثم والأفراح!


بنستفيد من قراية الإسم القديم، اننا لازم نجرب حرف الألف مع بدايات
 حروف (S T R M) الإس والتي والآر والإم، وكل البدايات .. ليه؟

لأن الألف كانت أداة تعريف قديمة، وفضلت لازقة مع بدايات كثير، عشان
 كده لازم نجرب نطق حروف البدايات، وكأنهم حرف الإس أو الإم أو
 الإن أو الإف أو الآر الإنجليزي!

نطق أصوان بالصاد، أصح من نطقها بالسين
 لازم نزود الثقة ف كلامنا الحالي، الحاجة ينطقها بالسين عشان معندوش
 صاد، بس احنا بننطقها بالصاد، والمفروض نكتب زاي ما احنا بننطق، مش
 زي ما غيرنا بيكتب!

2022 /6 /26

1367 سلج .. تلج .. سلق

sarqu , Alt. K. 801,
 snow; Heb. שָׁלֵג, Syr. ܫܠܓ, Arab. سَلْج.

الجدرد ده فيه كل فنون التصريف
 بقالي كثير بأكد أهمية التصريف، لفهم اللغة، ومد جسور التواصل بين القديم
 والجديد، وبين اللهجات والشعوب والقوميات اللي كل واحدة منهم لها عادات
 لغوية مميزة!

اختلاف اللهجات - بالتصريف - من ملامح الشخصية الوطنية لكل شعب!

هنا التصريف مش بس علم ضروري

دا الظاهر إن التصريف - كان - فن وجودي

يعني كل مجموعة من البشر بتثبت نفسها وبتقدم اجتهداها ومهاراتها أو فنونها
لتطويع اللغة بالشكل اللي يناسب شخصيتها، وبالطريقة اللي تحقق مصالحها في
التميز والتقدم!

الجدر "سرقو"، بمعنا "ثلج"، ومخصص الماية اللي نازلة م السما!

* مع المصريين القدام، شقلبة الره واللام، وشقلبة القاف والجيم = سلج!

* مع العبرانيين، شقلبة السين والشين = شلج!

* مع العرب، شقلبة الثاء مع السين = ثلج!

* مع المصريين الحاليين (اللغة المصري)، تحدي ومعارضة التصريف العربي

بتبديل الله (ثاء) اللي مش من عادات المصري، وشقلبتها بالته = تلج!

يعني المصري اتحايل بكل الصور عشان يظهر هويته وعاداته الخاصة بأنه يطلع
من سطوة التأثير العربي مع حرف الـ "ث"، نطقها "ته"، مع "توم" و"تلاجة"،
بس بارضو نطقها "سين" مع "حديس" بدل "حديث"، و"أساس" بدل "أثاث"،
و"سابت" بدل "ثابت"!

لأول مرة أعرف سبب تسمية نبات الـ "سلق"، بطعمه الدهني، وملبسه الساقع
ولو ف عز الحر، وكان تأثيره ف خفض سخونة الجسم وعلاج ارتفاع الضغط!

2022 /6 /28



شام 1368

موضوع هجرة الشوام، لازم وأكيد تبقا فيه جهة
تبحثها من كل ناحية!
الايجابيات والسليات

وف الانر: "بحا أولا بلحم طوره!"

- والي يحتاجه البيت يحرم ع الجامع والكنيسة!

فيه موجتين لهجرة الشوام وتأثيرهم السلبي الكبير ف حياة المصريين، الهجرة
الحالية بسبب الحرب، وانتشارهم ف المدن الجديدة والمطاعم، سبقتها موجة
برعاية محمد علي باشا!

الموجة الحالية ممكن حضراتكو تكلّمونا عنها، لأنكو معاصرينا!
أما موجة هجرة الشوام ف زمن محمد علي ووصول بعضهم لمناصب كبيرة أثرت ف
السياسة والثقافة، كان تأثيرها معظمه كوارث!

* معظم غلطات الترجمة، وتحويل الجيم المصرية لحرف الغين، زاي إسم "غانا" و"غينيا" بدل "جانا" و"جينا"، و"هيروغليفي" بدل "هيروجليفي"، وترجمة كلمة "برابي" لـ "معابد" .. نلخ!

* معظم غلطات أسامي البلاد اللي اتسجلت ف عصر محمد علي، زاي اسم قرية "شبرا يمنت" سجلوها "شبرا اليمن"، وإسم قرية "بابن" سجلوها "بابل" .. نلخ!

* دورهم ف ظهور التطرف الديني عن طريق محمد رشيد رضا الأب الروحي لـ حسن البنا ودور محب الدين الخطيب مع جماعة الاخوان .. نلخ!

بالتأكيد البوست ده يادوب يشاورع العناوين والمداخل بس ف ظاهرة خطيرة ع المجتمع والثقافة المصرية زي دي، لازم نتحرك .. وياريت متأخرش ف تحجيمها وإلا أجيال هتعاني من الوجود الشامي، وبالتحديد السوري الحالي!

لاحظو إن منطقة الشام دي كانت ضمن مجال الأمن المصري لمدد وفترات طويلة، أهمها فترة الامبراطورية المصرية من عصر الملكة حتشبسوت والملك



تحتمس الثالث، ووقتها ظهر


لأول مرة وصف "الشام"، يعني

المهاجرين الدوارين المتنقلين .. نلخ!

2022 / 6 / 30

شريف السركي أو.شأم = البعدا


كلمة "عم" كناية مصرية، جذرها من الهيروجليفي "عم" بخصص دراع أو نخد،
يعني عضو رئيسي من الجسد!



من هنا وصف القريب بـ العم!
كان فيه الجدر "عم" بخصص عين
النظر والرؤية، يعني العارف الفاهم!
وبقا وصف أي كبير ف السن أو
المقام بـ "العم"!

واحد من أهم أوصاف النتر "تحتوي"، اسمه الـ "عم" بالنسبة لـ "حورس"، لأنه
كان أقرب واحد لأوزوريس ومن بعده ايزيس!
ومن ألقابه "عم-طاوي" يعني أعلم أهل الأرض!
- الدنيا برد، الدنيا برد، وعم خليل بيستقي الورد!

2022 / 6 / 30

Metcher , a walled district ;
compare Heb. מִצְוֹר. The name מִצְרַיִם may
have been given to Egypt in respect of its
double wall ; see Spiegelberg in Rec. 21, 41.

اسم مصر حيران، مش لاقى له صاحب، بين العراقيين والفينيقيين واليهود
والعرب، وآخر صيحة دلوقتي مع اليمنيين!

كل اللي بيتشطر وعامل فيها باحث همام، مخي تركيزه ف تشتيت رموز الهوية
المصرية، عشان خايف م الكذب اللي ورشاه عن الكتب الصفرة والحمر
والزرقا، الإسرائيليات اللي بتتهمنا بالعبودية والظلم، والمثل الشعبي هنا بالمقاس
المضبوط : الأحبة تلهيك وتجييب اللي فيها فيك!

لغة وكلام مصر الحالية من جدور وقواعد لغتها وكلامها المصري القديم!
كمان أسامي مصر الحالية، بارضو من انتاج وابداع وكفاح وعرق المصريين،
جيل بعد جيل!

يعني ايجيبت، جدرها من تأنيث "جب"، مراته المقدسة السما "نوت" اللي بقا
اسمها "جبت"! حتا الألف مش زيادة ولا حاجة، دي ف أصل الكلمة ف حالة

التصريف، جب/ إجب .. جبت/ إجبت .. وكل حروف البدايات لازم الي
بيترجم يتعامل معاها كده، بكل حالات تصريفها!

كمان الخناقة دلوقتي ومن زمان فإسم "مصر" الي أساتذتنا والمثقفين بتوعنا سلمو
سلاحهم وفرطو فيه للعرب واليهود ببساطة، رغم إن دول ودوكلهم
مقدروش حتا يسمو نفسهم، وأساميهم وتلتين كلامهم - بما فيه النصوص
المقدسة- متصرف من جدور مصرية أصلية!

اسم "مصر" ظهر له جدر مهم من عصر الملك أمنمحات الأول فإسم آخر شهر
من شهور السنة المصرية، الي لسة موجود ف التقويم القبطي، إنما بالنطق
اليوناني: مسرا!

بعد شوية ظهر الإسم بصراحة ووضوح ف رسائل الملك أمنحتب الثالث،
بإعتباره "ملك مسرا"، يعني ملك مصر!

المضحك بقا إن الدليل الأخير ده لأنه حاسم، قام مجموعة البحاثة إياهم -دوله
ودوكلهم- بالتشكيك فيها، رغم إنها ثروة أثرية تساوي ثروات عشرين دولة،
وقالك إن رسائل تل العمارنة دي كلها متزورة! ببساطة كده وزغرطي ياللي
منتش غرمانه!

أيوة ماهو عندهم أهداف ونتائج لازم يوصلولها، مصر دي غير مصر الثانية
والثالثة .. نلح!

نيجي بقا لأقدم وأوضح دليل مباشر لإسم "مصر"، لفظ ظهر من عصر الدولة القديمة، ومعظم أساتذتنا ف علم المصريات كتبوه عنه، إنما كتبوه وهوما نجلانين ومكسوفين، فحصلش النتيجة اللي كان مفروض تحسم الجدل وتزيل الشك عن مصرية إسم "مصر"!

السبب إن الجدر اللي حسب النطق الإصطلاحي اللي توهنا معاه: "مجر"/ "مدجر"، سوا بالجيم الناشفة او المتعطشة، بإعتباره وصف لأقدم حاجز أمني ف الوجود، كانت مصر عاملاه عشان الركش اللي كل شوية كانوا ييجو يسرقو ويعملو مشاكل، فكان أول حاجة بتقابلهم الحاجز ده، ف بقا هوه كناية عن إسم "مصر" كلها!

طب التتويه ده حصل فين وإز زاي؟

حصل هنا ومن أساتذتنا وكنا بنا الكبار، إنهم سلبو بالنطق الإصطلاحي، رغم إن نفس النطق الإصطلاحي ده، كان تايه وملوش كلمة ف شوية رموز، بينطقوهم بطريقة ملهاش أي علاقة بمصر، لا القديمة ولا الحالية!

حروف أو رموز زاي دي، اختصرها النطق الإصطلاحي كلها ف علامة الدي اللي تحتها شرطة d، واتحت معالم الجريمة:



والمفروض إن الرموز دي، مادام محل خلاف واجتهاد، لسة لغاية دلوقتي، يبقى لازم يتوضح الخلاف ده للدارس وللهاوي، وإن نطقهم يجوز يكون جيم جافة أو متعطشة أو زين أو ظه أو ضاد أو صاد .. نلح! يعني تدي مجال لتجريب النطق بأي حرف من المجموعة دي، ومتسدش باب التواصل بين القديم والجديد!

وعندنا أكثر من نموذج واضح للجدور اللي فيها الحرف ده d، وييتنطق بالإصطلاح:

- "دجبع" وف المصري الحالي "صباع" وف العربي "إصبع"!
 - دجبع = صبع، وف المصري الحالي = صبع، غير بقا تصريفة "دبع" و"دباغة"!
 - دچنود = غضبان، ف المصري = زنود، ومنها كمان "قنوط"!
 - دجنجن = محبوس / مقطوع الرأس، ومنها "ززن" و"زنزانة" مكان الحبس!
 - دجرت = حفنة سلف، وواضح تصريفها مع "قرض"!
- يبقا لو كان المصريين اللي نقلو عن الخواجات اجتهادهم أو حتا نواياهم السودا ف قطع التواصل، لو كانوا اتصرفو حسب الواقع ونقلو لتلامذتهم مجالات وحالات تصريف الحروف والرموز دي مكانش حد هيهمل الجدر المهم لأغلا إسم ف الوجود: مصر!

دول حتا مستفادوش من نطق العبري اللي حاشرينه معانا ف كل حاجة،
"مشري"، والمفروض ان معظم السينات عندهم ينطقوها شين: سلام/ شالوم
- سألوني/ شألوني .. نلح.

يبقا وانتا بتشرح الكلمة دي، لازم تقراها: مصر

مصر = مصر

لو نطقها "مجر" يبقا رجعتنا لنقطة الصفر، وضيعت كلامنا ولغوتنا، وسيننا
مصرينا بإيدنا الضباعة النهاشة، اللي لابدين لنا ف الدرا!

2023 /7 /1

1371 قيمة .. قامة

سنة الكون ف التغيير

سنة الكون ف التطوير



ولولا ضرورة التاريخ والتراث لرؤية أساس المستقبل، مكنش حد بص وراه!
عشان كده ارتبطت جذور كلمة "قيمة" بالصعود، وف الصعود تغيير وتطوير،
نسيب درجة ونطلع درجة!



"القيمة"، صعود من البداية للنهاية، يعني لـ "القمة"!



من نفس الجذور اتصرفت كلمة "قامة" = بواقي وقشور النباتات الناشفة!


الجديد الطالع "قيمة" .. والبواقي النازلة "قامة"!



حكم صعب وقاسي، إنما هو ده حال الكون .. اللي كان والي هيكون!











qem  =  |, to bring to an end, to complete.



qem  |  | =  | =  | to find; Copt. ⲟⲓⲣⲉ.






Qem-baiu-s  |  —, the name of a festival.




Qem-baiu set  |  |  |, a title or name of Hathor; var.  |  |  |.

qem   Rev. 13, 9, to behave or act in a seemly manner.

qem  |  |  |  |, Rev. 13, 15, |  |  |, reed; plur. |  |  |, A.Z. 1908, 121, |  |  |, Rec. 3, 50; var.

  |, papyrus nilotica; Heb. נִלְיָה, Eth. ገሳሳ.

qema  |  |  |, Rev. 13, 94, reed, coarse grass; plur.  |  |, Rec. 3, 49; Heb. נִלְיָה.

qemama  |  |  |, reed.

البواقي يفضل لها وظيفة، تدوير يعني، إنما

بارضو بواقي، يعني "قامة"!

العجلة الحربية كانت "قيمة" لما كانت أهم

سلاح حربي هجومي، اتعاد تدويرها بقت

للفسحة مجرد حناطير، حتا دي راحت

عليها بالتكاتك، وبقت العجلة الحربية من

بواقي زمنها، يعني "قامة"!

كلمة "سيف" وكلمة "خنجر" من جدور

مصري أصلي، كانوا "قيمة" لأنهم أسلحة

ووسائل دفاع، بس بعد اختراع البندقية

والطبنجة، راحت عليهم، دخلو المطبخ،

بقو بواقي، يعني "قامة"!

نقدر نتكلم بالطريقة دي عن الطربوش ومبيض النحاس والزنفلي بتاع البهايم

والندابة والداية والمسجل والفيديو والكلوبات وبواير الجاز .. نلخ، وكل حاجة

كان لها "قيمة" ف زمنها، انتها دورها، تدخل المتحف، تتعرض ف البازارات للسلاح، تنزوي ف أي ركنة، لأنها بقت "قمامة"!

بارضو أحكام صعبة وقاسية، إنما هنعمل إيه؟ هو ده حال الدنيا .. الوجود أساسه التجديد!

نوصل بقا للكلام والأحكام الأصعب، عن اللغة العربي الرسمي، اللي الظروف فرضتها علينا، بقوة السلطة من ناحية، وبقوة الضغط والإحراج الشعبي (سيف الحياء) يربطها بالدين، رغم إن مفيش حاجة حقيقية ليها إلا ف مجال طقوس الدين الإسلامي وبس!

من البداية كده، اللغة العربية الرسمية اللي بنستخدمها دلوقتي، مش هيه اللغة العربية اللي ف القرآن، وبالمناسبة بارضو، مفيش مكان ع الكرة الأرضية كلها يستخدم مستوا لغة القرآن، لا الأزهر ولا الخليج ولا غيرهم، كله يستخدم مستوا جديد ابتكرته مصر بمجرد ظهور المطبعة ف عصر محمد علي، واللي مش مسدأ كلامي، يجيب أي كتاب عربي من أي دولة من العصر الحالي ويقارنه بكتابات الطبري وابن كثير أو أشعار أبو نواس والمتني أو غيرهم، هتلاقي كأنك سافرت من كوكب لكوكب تاني!

طب فايدته إيه الكلام ده؟

فايدته إننا لازم ندعم ونهتم باللغة الحقيقية اللي لها "قيمة" ف حياتنا الفعلية، اللغة اللي بنتكلمها ونخلم بيها، لغة الشارع والكنيسة والجامع، لغة الوزارات والمكاتب والمصانع، هيه دي اللغة اللي لازم تبقا لغة رسمي، وهيه دي اللغة اللي لازم يبقا لها أقسام ف الكليات والمعاهد، لأنها اللغة اللي محتاجينها للتفكير والإبداع، ولأنها اللغة اللي بتقبل بطبيعتها التجديد، ويطبق عليها قوانين الكون ف التغيير والتطوير، يعني هيه دي لغة زمنها، يعني هيه دي اللغة الـ "قيمة"!

202 / 7 / 2

1372 خنسر .. خنصرة

الفعل "خنسر" يخضع للقاعدة رقم (36) الأفعال الممزوجة/ المتلزمة، من قواعد اللغة المصري، حسب قائمة القواعد المشروحة ف أول جزء من كتاب [#بنتكلم-مصري](#).

فعل متلزم (التزاق)، يعني بنخط فعلين جنب بعض، ونعمل منهم كلمة جديدة.

لزم فعلين حاجة بتميز اللغة المصري، لأنها:

1. بتحافظ علا مكان الفعلين الممزوقين، لأقصا حد.
2. بتدي معنا جديد، أعمق وأشمل، بمجرد ما يحصل اللفظ.

شوف الأفعال الممزوجة دي:

* فقت + فرك = فرتك

* شخر + خرم = شخرم

* باع + عزق = بعزق

* نخر + حرب = نخرب

* خطأ + خرف = خطرف

* حرر + نبش = حربش

* قرط + قطف = قرطف

* فل + عس = فلسع (لخفنة)

* هرا + بدد = هربد

* حف + نتف = حنتف

* قرط + قطم = قرطم ... نخ!

الفعل الممزوق/ المتلّزق "خنسر" يعني اختلس، لو عرفنا متكون من إيه هنفهم معناه ببساطة!

خان + نسر = خنسر

• "خان"، من الخيانة، وجدورها من المصري القديم عبارة عن معاني: نية السو/ أعمال طفولية (شغل عيال)/ تمرد ومؤامرة/ بتاع مشاكل، لغاية ما

نوصل للجدر hnw يعني متهم .. خلطة الجدور دي كلها وصلتنا لمفهوم اخيانة
يعني تبليت النية لفعل السوا!

• "نسر"، يعني التخطيط للخطف / التخطيط لأكل الحقوق، ومنها تصريفة
"منسر" يعني عصابة خطف وقطع طريق، و"شيخ منسر" يعني زعيم عصابة!

2022 / 7 / 4

sur | , drink; Copt. cw.
surá (suá) | , to drink;
Copt. cw; | , drinkers.
surá | , toper, tippler,
drunkard, swiller; plur. | 
| , drink-
ing companions.
surá heq-t | ,
beerhouse, tavern.
surá | , a kind of fish.
surá-t | , white bead.

1373 سال .. سوايل

لغة الطبيعة، ده أكثر وصف مناسب ولايق
ع اللغة المصري!

أصواتها وكلامها وحروفها، حتا نحوها وصرفها
من الطبيعة!

وصف نوع من المادة بأنه ناشف أو طري أو
سايل مكنش بالصدفة!

اسم نوع من السمك، وإسم نوع من الخرز الأبيض، النعومة والزحلقة دي بقا
كناية اتوصفت بيها المادة السائلة اللي بنشربها أو بنستخدمها!

سور/ سوير/ سويرة .. سول/ سويل/ سويلة/ سيولة

مع مخصص زجراج الماية، يبقا المعنا واضح انه وصف للسيولة!


* حتا "السيول" خدت اسمها من نفس الجدر!

* "إسالة" الغاز، يعني تحويله لمادة سائلة!

* "سالت" الدموع ع الخدود .. دموع الفرح

طبعن!

2022 / 7 / 5



1374 علا .. عالي .. علالي

تخيلو إن جدر المعاني ده كلها من كلمة "عر" بالنطق الإصطلاحي؟

لو خدنا نطق القواميس من غير تصريف علمي منطقي مش ممكن نوصل
لحاجة!

شوف المعاني دي بالإنجليزي، للتصاريف الأصلي، اللي ف الصورة، والباقي ف
نفس الصفحة من قاموس "بادج"، لأن جدور "عر" واخدين ثلاث أربع
صفحات:

... Ascend، rise up، steps، stairs، height tree، complete

النطق بالإصطلاحي "عر" أو عري" أو "عرير" أو "عار" .. نخ، مستحيل يوصل
أو يربط بالمعاني دي خالص!

انما بمجرد ما تتطبق قواعد علم الصرف، تتحل المشكلة وتستوي المسألة!

• علا، يعني فوق


• عالي وعلالي، يعني الشجر العالي، ومنه جنة "العلالي"!

• "العليل" الهوا الي جاي من الشجر العالي!

• عال العال، يعني تمام التمام كامل من مجاميعه!

التصريف بيوصلنا للنطق المصري القديم، ويربطه بكلامنا المصري الحالي

2022 / 7 / 6



1375 ليلة الخروف

الشهر المصري ثلاثين يوم بالتمام!

كل يوم من أيام الشهر له رمز!


وكل رمز له طقوس بتعمل ف نفس اليوم!

بمرور الزمن اتلخصت الطقوس دي كلها بقت عبارة عن عادات!

يوم نزور الخالة والعمة "نفتيس"، يوم كلنا نسرَح الغيط نساعد أبهاتنا زاي
أولاد "حورس" الأربعة، يوم نطلع السطوح نتفرج ع السما "نوت" ونراجع
أسماء ومسالك النجوم .. نخ، الحضارة والأخلاق والضمير ماجوش بالصدفة،
ده شغل وتنظيم وتدريب كل يوم، ميات وآلاف السنين بنفس طويل، يمكن
عشان كده أما حصلت الإحتلالات والغزوات، وانتهت التدريبات وبطلت

واتغيرت العادات نحمدت الحضارة شوية وانظفت نارها الموجهة، لحد ما
 نفتكر تاني ونشتغل تاني، لازم هنرجع للسبق ونفوز بيه كمان!
 المهم كان النتر "غنوم" هوه رمز يوم 28 من كل شهر!
 ولأن "غنوم" بهيئة راس الخروف، كان رمز لصناعة الخلق، من طينة صلصال
 أسوان، عمل كل حاجة علا عجلة الفخار!
 كانت طقوس نهار يوم 28 لعب للأطفال بطين الصلصال، وتنتهي الليلة بطبخ
 وأكل لحمه خروف "غنوم"!
 "غنوم" كان بيعت صورة منه كل شهر، تنطبخ وتجهز وتتوزع، وكأن نتر الخلق
 والإبداع، كان بيضحي بنسخة منه!
 ليلة الخروف، اتدهورت مع الغزو، وبقت ليلة الوزه أو الفرخة .. إنما فضلت ف
 الوعي ليلة ل العيلة واللمة، وكان بتلخصها سعاد حسني (فاطنة) ف الزوجة
 الثانية: وتبقا ليلة يا عمدة!

2022 / 7 / 8



جبر .. جابر

1376

اسم وظيفة كهنوتية

فيها حاجة غريبة، متعرفش إن كانت مجرد وصف لحالة بصيغة المبالغة أو الكناية، ولا كانت حاجة حقيقية، بس مفيش تفاصيل كتير عنها! الجابر ده، ينقل الرسائل، وموصوف بالطير! فيه ثلاث حقايق خاصة بالجابر:

١ - إنه انسان

٢ - إنه مختص بنقل الرسائل بين البرابي وبين الكهنة!

٣ - إنه ينقل الرسائل بسرعة (هيئة) الطير.

طبعن عم الاصطلاحى بتاع القاموس ريج دماغه وكتب انه طير وبس، ونسي مخصص الانسان!

قاموس تاني كتب انها وظيفة كهنوتية وبس!

قاموس تالت شرح إن الجابر مرسال (بوسطجي)، وسكت!

- الجملة الكاملة اللي فيها الكلمة بتقول بالحرف؛ إن: ال "جابر" الطير وصل رسائل الكهنة والبرابي!

2022 / 7 / 10

1377 نقرش



بارضو الفعل المتلزنق "نقرش"، حسب القاعدة رقم ٣٦ من قواعد اللغة المصري، المشروحة ف أول جزء

من كتاب #بنتكلم مصري

فعل متلزنق / ملزنوق (التزاقى)، يعنى متكون من لزنق فعلين!
أفكركو بالأفعال اللى سبق شرحها:

* خان + نسر = خنسر

* فتت + فرك = فرتك

* شخر + خرم = شخرم

* باع + عزق = بعزق

* نخر + خرب = نخرب

* خطا + خرف = خطرف

* خرر + نبش = خربش

* قرط + قطف = قرطف

* فل + عس = فلسع (لحفنة)

* هرا + بدد = هربد

* حف + نتف = حنتف

* قرط + قطم = قرطم ... نلخ!

نقرشة، يعني تفاصيل الزخرفة أو الزينة

الفعل "نقرش" متكون من فعلين مصري أصلي: نقر + نقش

* "نقر"، يعني نقط كثير أو حفر حفرات صغيرة كثيرة ، وده فعل متصرف

من إسم أداة التصفية والنخل، يعني زاي مصفاة أو منخل، ومن الفعل "نقر"

اسم الحفرة الصغيرة "نقرة"، ومنه كان اسم أداة النقر ف الغيط "منقرة"،

وممكن يكون منها اسم آلة الإيقاع "نقر-زان"، حتا "منقار" الطيور اللي بتنقر

وتلقط بيه أكلها من الأرض والشجر!

* "نقش"، يعني رسم أو دهن!

2022 / 7 / 12



Gardiner's list codes

V22-V28-G43-Z3A-F34-
Z1-Z7-Z3A

Transliteration

mh ib

Translation

Faith, confidence

الإيمان ف القلب وبس

1378

المظاهر والشكليات عمرها ما كانت إيمان!

عرفنا إن مصر مكنش فيها ملك إسمه "فرعون"، ولا وظيفته "فرعون"!

وأما تحب تقول الملك فلان بلغة المصري القديم، تقول:

نسو خوفو أو نسوت حتشبسوت .. حقا خوفو أو حقات حتشبسوت .. نلخ!

نفس الحكاية بالنسبة للدين، مفيش حاجة اسمها ديانة رع، ولا ديانة بتاح!

بلاش نحكم الثقافة المصرية القديمة بمعارفنا الحالية!

وان المصري القديم كان بيعرف تعاليم ومبادئ النترو المقدسين بأنه إيمان،
حاجة بتملا القلب!

محو-ايب/ محيب

القلب المليان/ ملو القلب = إيمان

بالمناسبة عمرك قريت أو سمعت عن حد اتعاقب عقوبة دنيوية بسبب الإيمان
المصري القديم؟

العقوبات الدنيوية بسبب مخالفات وجرايم دنيوية مش دينية!

لا كان فيه حاجة إسمها "ازدراء"، ولا كان فيه حاجة اسمها "ردة"!

مادام الإيمان ف القلب يبقا تصلي ع النبي وتجد يسوع وتجل موسى، وكل من له

نبي يصلي عليه!



2022 / 7 / 15

1379 عنب . عنابي . عنبر

صديقنا الأديب [Nabil Hamed](#) يقترح تدريس نصوص الإبداع من اللغة
المصري، وجاب مثال من شغل الشاعر العظيم صلاح جاهين، وأنا موافقه

بالتأكيد، لأن #دراسات الهوية المصرية لازم تتأسس ع اللغة المصري،
وأشعار وقصص المبدعين المصريين!

اللغة المصري هوية، والهوية عنوان الوطنية.

احنا دلوقتي ف موسم العنب، وأقدم نصوص وصور عن العنب اتسجلت هنا ف
مصر، وكان اسمه اللي لسة بنستخدمه، وبنغنيه: العنب العنب العنب، وبنوصف
بيه الحالة:

الأشية عنب (معدن)!

ويتصرف من العنب اللون العنابي، اللي بيغنيه كرم محمود:

عنابي عنابي يا خدود الحليوة!

كلمة "عنبر" الفراخ و"عنبر" البط، وكان "عنبر" المساجين، معناها = قفص!

بالمناسبة ملهاش علاقة بالـ "عنب"، بس عشان جيب بعض ف القاموس،

اقتصاد ف مجهود قص الصور يعني!

2022 / 7 / 20



يحتفي .. حفاوة

1380

مبنستخدمهاش كتير ف كلامنا الحالي، لأن شكلها


من الكلام المتستف بتاع المتعلمين!

إنما يكون ف علمكو كلكو، إن الكلمة دي وألوف زيتها، كلام مصري أصلي،
دخل معاجم العربي عن طريق ديوان الانشاء، اللي كان بيصيغ الرسائل
والكتب أيام أحمد ابن طولون والاخشيد والفاطمين .. نلخ!

حفا يحتفي محتفي حفاوة

من الجدر؛ "حف / حفو" = احترام/ ترحيب/ مباينة

2022 / 7 / 21


Gardiner's list codes
V28-I9:D54
Transliteration
<i>hf</i>
Translation
The range (of hills, of lion)
Grammar type
Noun
Translation
To roam (of hills, of lion)

جدر ثاني للفعل "حف"

حف حفيف حفاة محفة

المخصص مختلف، والمعنا = يطوف/ يحوم/ يحدد نطاق

أو مجال

بالمناسبة بيتكرر نفس الجدر، بنفس الحروف بس

بمخصصات ثانية منها اسم تعبان، اللي مع التصريف باللفظة بقينا نقول عن

صوته: "فخ" "فخح"!


2022 / 7 / 21

1381 من تصاريف أوزير: الوصول

لازم نتعود نحرر الأسامي -واللغة- المصرية من التصاريف اليونانية بالذات!

أهو مرة نخطها بين قوسين، مرة نطنش، كده يعني!

- ليه؟



لأنها بتضيق المجال الطبيعي للتصريف!

عشان كده، ممكن اللي بيتابعوني يستعجبو إني

نادر أوي لما أستشهد بمرحلة الكتابة القبطي،

رغم إنها مرحلة مهمة، ومن انتاج صلب اللغة المصرية القديمة، إنما التصريف والمصطلحات اليوناني مسيطرة عليها بشكل كبير، بيتوه وبيشتت وبيلخبط اللي عاوز يعرف أصل الكلمة!

معظم كتّاب المصريين -بسبب تأثير التصريف اليوناني- زانقين إسم "أوزير" ف خانة الزين، يعني بيتصرف "أوزوريس" و"أوزير"، و"وزير"، و"أزر" و"أزار"، و"عازر" و"عازار"، و"عوزير" .. نلخ! وده كله صح، انما نسينا حاجة مهمة!

- إيه؟

التصاريف الطبيعي اللي وصلت لنا ف أسامي بلاد منسوبة له: "بوصير"، و"أبوصير"؟ .. تصاريف الإسم مع الصاد يعني، أهملناهم ليه؟

الملك "أوزير"، والنتر "أوزير"، رب مملكة الحياة بعد الموت، أو "عزرائيل" ملاك الموت ف التصريفة العربي والعبراني المشهورة، تأثيره كبير وخطير ف اللغة

المصرية حسب أوصافه وصفاته الي بدعها وأنتجها الخيال الشعبي المصري
لآلاف السنين!

تخيلو النتر المدبوح، المتقطع أربعناشر حنة، يتوصف ف كتاب طلعة النهار
"برت-ام-هرو" بأنه رب القوة؟ god of strength?

قوي لأنه قدر يتعامل مع أسوأ الظروف، وحول الجريمة الي حصلت ضده ل
انتصار للحق والعدل، أسس مملكة "المصير"، للمحاكمة والحساب والثواب
والعقاب .. قلب السلي لإيجابي! ودي قمة القوة!

شوفو مع الجدر اللغوي "وسر/ وزر/ وصر"، مخصص وعلامة الأسد، معنا
القوة، ومعنا القيادة، ومعنا الرابط و"أواصر" المحبة، وكان صوت اللام!
أهو ده يبقا "الزعيم الخالد" بصحيح، آلاف السنين مرت وتأثيره واضح ف ثقافة
وأخلاق مجتمعه، وكل الي كتب بعده عن الضمير والأخلاق ف العالم كله
إتأثر بيه، وحتا لما المجتمع المصري إتغير وضعف بالإحتلال والغزو، فضل تأثيره
ف صلب اللغة!

المهم إن "أوزير" أو نقول "أوصير" بقا هو هزمة "الوصل" بين عالم الحاضر وعالم
الغيب، يعني بقا: "واصل" و"موصول"، الرابط بين الدنيا والآخرة، "الوصلة"
و"التوصيلة"!


وف فلسفة الصوفية، "الوصول" يعني ذات الصوفي تمتزج مع المقدس!

مجرد ما نطبق التصريف الطبيعي الي معانا ف كلامنا الحالي، ونزود مع الزين
تصاريف الصاد، حنعر - كمان- جات منين التعبيرات دي كلها: "صار"،
و"يصير"، و"صيورة"، و"مصير" .. نلخ!

مش عارف ليه، مش مسداً إن رتبة ال "صول" من لغة أجنبية، دي رتبة
مطولة ومستقرة معانا، رغم إن المفروض إنها تركي، بس لأن الرتبة دي
بالذات، علامة وصل وربط بين الرتب العسكرية، بين الضباط والعساكر،
حاسس بأنها من ريحة لغة مصر، وبالمناسبة فيه ألفاظ كتير استقرت ف لغات
التركي واليوناني والعربي، زاي لو تفتكرو البوست بتاع كلمة "خان"، بس أصلهم
وجدرهم من مصر!

2022 / 7 / 22

1382 وحاشة . توحش



رغم الشبه أو الجناس اللفظي إنما
المعاني مختلفة!

• حاجة "وحشة"، يعني مش حلوة!

ريحة وحشة .. بدلة مبهدة ووحشة .. كلمة وحشة .. نلخ!

• إنما "الوحش" وصف الحيوان البري القاتل القوي!

لدرجة انه يتحول لوصف كويس، زاي "وحش الشاشة"!

واجري جري الوحوش، غير رزقك لم تحوش!

الإثنين من جدور مصري أصلي:

وحس (وحش) = قاهر/ قاتل


وحسوت (وحشوت) = قذارة/ سو

الإثنين بالسين ف الجدر الأصلي، إنما حسب قاعدة شقلبة حروف المخرج الواحد

بالتصريف، عارفين إن السين بتتشقلب مع الشين: شمس/ سمس .. مستشفا/

مشتشفا .. سفة/ شفة - وبين العبري والعربي والمصري: شالوم/ سلام!

2022 / 7 / 23



1383 فتح الفتوح

حرف الحه، هو الحرف اللي بيفتح الكلام،

ومن ضمن معانيه -لوحده كده- الفتح والتبشير!

عشان كده اتكونت منه مصطلحات كتير، زاي تصاريف الحاصل والمحصلة

والمحصول .. كلهم نتيجة دمج أداة التبشير "حا" + الفعل/ الحدث "سر"،

بالتصريف بتتشقلب الره مع اللام، وتتشقلب السين مع الصاد، تبقا "حا" +

صل" = حاصل، يعني بداية الفعل/ الحدوث/ الفاعلية .. نلخ!

أفكركو بس بأدوات التباشير، اللي سبق واتكلمنا عنها، ومشروحة ف أول جزء من كتابنا "بنتكلم-مصري" القاعدة رقم (132) صفحة (139)، اللي هيه عبارة عن ثلاث حروف من نفس المخرج الصوتي: ع + ح + هـ

• عاكتب/ عاشرب/ عالعب

• حاكتب/ حاشرب/ حالعب

• هاكتب/ هاشرب/ هالعب

بالتبادل بين الثلاث حروف دول، اللي لازم تتعامل معاهم كأنهم حرف واحد، لأن أصواتهم بتطلع من حثة واحدة، بنفس التأثير والوظيفة، والفرق بس ف العادات اللغوية اللي بتتشكل نتيجة اختلاف الزمان والمكان والطقس والجينات وكل عوامل التأثير!

حسب قواعد النحو العربي اسمهم "أدوات الإستقبال"، وحسب قواعد النحو المصري الحالي اسمهم "أدوات التباشير"، والأدق لو نعتبرهم: "مفاتيح الكلام"! المصري القديم عبر عن حرف الحة، بصورة الحبل، لأنه رباط يربط الكلام، إنما كتير أوي نلاقه بيرجع الحة لوظيفتها الأساسية ف فتح أو افتتاح الكلام، برمز بوكيه الورد، اللي هوه مش مجرد ربط، إنما وصال ومحبة!

• حاضر .. حا + در (ضر) = جواب فوري/ سرعة الرد (الحضور)

• حاسب .. حا + سب (سيب) = تنبيه/ تحذير (الحساب والمحاسبة لهم جذر تاني مخصوص)!


• حامل .. حا + مر (مل) = بشارة الحب/ نتيجة الحب
كل حرف ف اللغة المصرية، كان له لمسة، وله معنا، وله فلسفة، مش مجرد حرف بيعبر عن صوت وبس!
كل جذر مصري قديم، اتصرف واتحور بعشرات التصارييف والتحاوير، ف كلامنا الحالي وكلام غيرنا!

عشان كده لازم كلنا نهتم بـ [#دراسات_الهوية](#) المصرية
وعشان كده لازم كلنا نحاول ونساعد وندعم [#تدريس_اللغة_المصري](#)
الإستعداد للمستقبل بكل أدوات العلم والتكنولوجيا كويس أوي ومطلوب
أوي أوي، بس الأساس يبدأ من الهوية!
تدريس ملخص أو مدخل عن مراحل تطور اللغة المصرية من أقدم مراحلها
لغاية المرحلة الحالية!

تدريس ملخص تطور حروف الكتابة المصرية، ودلائل وجودها ف حروف
الكتابة الإنجليزي والعربي وغيرهم!
مطلوب مقرر دراسي وطني، يعالج أمراض شيزوفرينيا الهوية!

الحه فتح ومفتاح، ودراسات الهوية المصرية فتح الفتوح! 2022 / 7 / 24

1384 إ لا .. إ لا .. إلاه



مش متأكد إن كان المصريين بس، اللي
-ساعات- بينطقو اساميهن المتصرفه من
لفظ الجلالة "الله" بكسر الألف!

بس عندنا أسامي وألقاب بتنطق كده:

عبد إلاه!

صحيح دلوقتي -مع الإنتشار الوهابي والسلفي والإخواني- بيكتبو الأسامي دي:
عبد الله!

اوعا تسمح لحد -أي حد- يصحح كلامك ولا لهجتك ولا لغوتك ولا إسمك
اللي وارثه أب عن جد!

لو سمعت كلامه، كأنك بتصدق وبتختم وبتوثق ف الشهر العقاري إنك غبي
جاهل وأهلك اللي ورثوك الإسم ده أغبيا وجهلة، دي النتيجة الطبيعية لأي
حد معندوش معرفة ولا ثقة بنفسه ولا هويته ولا لغته!

المصري القديم، عرف الإله القوة الكبيرة القوية الجميلة، ومجسدهاش ولا
وصفها، مجرد إداها إسم كودي أو رمزي (إر - إرر/ إل-إلل)!
الترو هوما اللي اتجسدو ف تماثيل ورموز من الطبيعة!

الرموز المقدسة الي فيها جزء من صفات القوة الكبيرة أوي دي، سماها "نتر"،
وممكن تتنطق "نذر/ نظر" بمعنا الرسول النذير الناظر!

يقارع وبتاح وأوزير وحوور وإست وغنوم ونيت وسيشات وحتحور وآمن ..
نخ، مجرد مرسلين منذرين نظارا!

المصري الحالي الي علا طبيعته -مهمن كان دينه الي ف البطاقة- عارف ربنا
الواحد القوي الكبير العالي أوي والجميل أوي والحنان أوي الرحيم أوي أوي،
عارفه ومتأكد بضميره وقلبه كده، من غير أي واسطة ومن غير وصف بإيد
ورجل ومناخير!

المصري الحالي الي علا طبيعته -مهمن كان دينه الي ف البطاقة- برجماتي، يمشي
أموره يعني، أو يعمل مواءمات زي بتوع السياسة، ماشي مع الشكليات
والطقوس والشعائر، يصلي شوية ويزكي أما يقدر يصوم مع الناس ويحج
ويقدس، معندوش أي مشكلة، ويلطع زيببة أو يدق صليب، ميمنعش
بارضو، بس جواه عمران وعارف طريقة يكلم بيها ربنا، وقت الشدة والحاجة،
من غير أي واسطة!

يعني المصريين ف الأساس ربوبيين (ربانيين)، عارفين ومتأكدين ومقدسين
مولاهم الرب الكريم، وفيه علاقة مباشرة -ف السر- بينهم وبينه، مش بس


كده و كان العلاقة الربانية دي لها طقوس وندور ووعود متبادلة بين الإنسان وربه!

الإله الخالق الكبير، اللي أقوا وأهم من كل النترو والرسل والأنبيا والأوليا والمقدسين، اللي ملوش وصف، اللي مفيش حاجة زايه، اللي ملوش شريك، اللي محدش يقدر يعزله ولا يحجبه ولا يعمل وصي عليه = إلّا - إللا - إلاله من غير مبالغة، أعتقد إن الجدر المصري ده: "إل - إلّا - إلالا - إلاله" اللي لسة ف كلامنا بصور مختلفة، هو الأصل للجدر الأرامي والسرياني "ئيل" اللي بقا ناهي أو ملحق ع الأسامي: إسماع-ئيل / جبر-ئيل .. نل!

مش بس كده، فيه نص مشهور من الإنجيل، مفروض إن السيد المسيح قاله وقت الصلب ف صورة عتاب باللغة الأرامية:

"إيلي إيلي لما شبقطني / شفختني!" يعني إلهي إلهي
ليه سيبتني!

2022 / 7 / 29



1385 نتيجة .. ناتج .. إنتاج

الإنتاج الزراعي بالعموم، وإنتاج كل غيط (فدان)، كان هو حديث المدينة وحديث كل ساعة ف الزمن القديم!











































وسيلة الإعلان السنوي عن حجم المحصول الزراعي والحيواني بالأرقام والأصناف والأحجام، كانت عبارة عن منحوتة حجرية أو بردية!

المنحوتة دي كان إسمها "نتيجة"، متصرفه من إسم القلم أو الأزميل اللي بتنكتب بيه "نتجاً"!

النتيجة أو نشرة أرقام المحاصيل، بقت كناية عن أي "نتاج"، مادي أو معنوي، ومحصلة أي "انتاج"!

أهم صورة للتواصل اللغوي مع الجذر "نتج/ نتجا"، بنشوفه مع إسم "النتيجة" اللي لسة بنعلقها ع الحيطه، عشان نعرف الشهور والأيام، بالظبط زاي النتيجة اللي كان بيعلقها كل فلاح عن محصول الغيط بتاعه.

2022 /7 /30

sefu |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |

1386 صوفية

زمان أوي - ف بداية شبابي- سمعت إن الإيمان المصري القديم كان إسمه "صوفية"، وكان فيه مرشد سياحي طبيعي اسمه "حكيم العويان"، من بتوع نزلة السمان يقول ويردد الكلام ده!

سألت "حكيم"، طب إيه حكاية ديانة رع وديانة أوزوريس وديانة آمون وآتون وبتاح وخنوم وإيزيس .. نخ؟

مجاوبش عن السؤال، إنما قال: المصريين طول عمرهم "صوفيين"! مرت الأيام وبدأت أبحث بنفسي ف اللغة المصرية القديمة، لقيت إن كلام حكيم مبعدش عن الحقيقة!

شوفو معايا كده نتيجة الأبحاث ف الكام جملة اللي جاين دول:

• "صوفية" جذرها اللغوي من الكلمة المصرية "سفي / صفي / صوفي" = اللطافة / الرحمة .. ونفس الجذر بتنوع المخصص = الإحسان / الحكمة .. وكان نفس الجذر بمخصص ثاني = الوصول / الإندماج!

• اليونانيين طبقو معاني كلمة "سوف" بس ضافوها مع كلمة "فيل" يعني شعور أو محبة، وطلع مصطلح "فلسفة" أو "فيلوسوفي" = محبة الحكمة، وبقا فيه مدارس وطوايف كلها بتردد المعاني والأفكار دي!

- اللاهوت الصوفي واللاهوت الروحي المسيحي بطوايفه الكثير، كانت أفكارهم كلها حوالين أفكار الصوفية بالمعاني المصرية القديمة .. اللطافة/ الرحمة/ الإحسان/ الوصول والإندماج مع الخالق القدير.
- الرهبان اللي ينعزلو ف الأديرة والكهوف، مكنش بس هروب من ظلم، وإلا بيقا مفيدش فرق بين الناسك الزاهد وقطاع الطرق اللي بارضو ينعزلو، الرهبانية ف الأصل أفكار صوفية بغرض الوصول والإندماج مع القدير!
- يعني أفكار الصوفية استمرت مع اليونانيين، ومع اللاهوتيين الروحانيين، بس عمرها ما سابت مصر!
- أول مرة يظهر مصطلح "صوفية" مكتوب بالحرف العربي النبطي، كان مع "ذو النون المصري"، ابن أنحيم اللي مزج أفكار الإيمان المصري القديم مع الأديان الجديدة وطلع الصوفية للنور.
- ذو النون أو "زنون" حسب ما بينطقه المصريين، ومعناه = صوت المحيط الأزلي نون، له كتاب اسمه: "حل الرموز والأرقام في كشف أصول اللغات" مليون أفكار إيمانية مصرية صوفية، يعني لطافة ورحمة وتواضع وحكمة، ومليان علوم لغة، والدارس المصري ف [#دراسات](#) الهوية المصرية أكيد هيستفيد وهيقدر يستوعب (من وعب بطريقة الكهنة المصريين) كتابات شامليون

وبروجش وبريستيد وأحمد كمال باشا وغيرهم من اللي كتبوا ف اللغة المصرية القديمة وتجلياتها الحالية.

• فكرة "الأديان" كانت غاية عن المصري القديم، يعني لا دين رع ولا دين أوزوريس، كان كلها مجرد "طرق" للوصول للعقيدة الإيمانية الواحدة، برب واحد اسمه "إللا"، وحساب واحد ف محكمة "أوزير"، ونعيم واحد ف جنة "عالو" وخلود واحد ف غيطان "يارو"، يعني كانت كلها طرق ودروب للوصول للخلود، بتكل بعض.

• الحكم ع الإيمان المصري، أو الأفكار الإيمانية المصرية يكون ع العموم، الغالب ف التطبيق من ألوف السنين، مش بالفترات النادرة والشاذة، أو فترات الإحتلال والسيطرة الأجنبية.


التطرف يسكن ويعشش ف البلد أما تغيب المعرفة، يعني شوية معرفة وتفهم تغنينا عن التطرف اللئيم

2022 / 7 / 31

[Engy Yahia Hafiz](#) فعلا كان العويان يرددوها دائماً المصريين صوفيين شكرا لحضرتك على الإسناد اللغوى.

[Yousef Awyan](#) الله يرحمك يا أبى وشكرا يا أستاذ سامي على البحث الجميل.

1387 إيسا إيسا إيسا



من أغاني الليلة الكبيرة:

اسعا اسعا اسعا .. خذلك

صورة ستة ف تسعة

ومن الأمثال (أمثال):

اسعا يا عبد وأنا أسعا معاك

بالتأكيد كلمة "سعا" وتصاريف السعي للرزق والسعي ف ذكر الله .. نلح،

موجودة ف العربي، بداية من النص المقدس ف القرآن الكريم!

إنما طالما جدر الكلمة من المصري القديم، الهيروجليفي أو غيره من مراحل

الكتابة، ولسة موجودة بتصاريدها ف كلامنا الحالي [#اللغة المصرية](#) تبقا الكلمة

مصري، ونكتبها حسب قواعد المصري!

• يعني حكاية الألف المقدرة دي (ألف كده وكده)، اللي عاوز يطبقها ف

الكتابة العربي هوه حر، انما ملهاش أي علاقة بالكتابة المصري!

• كان حكاية الألف اللي بعد واو الجماعة، دي ممكن تتطبق ف العربي، إنما


ملهاش أي علاقة بالمصري

• نكتب زاي ما بننطأ، الألف ألف واله ههه والله ته.

• اكتب حسب لهجتك ولغوتك، عشان توضح هويتك.

بلاش نمشي ورا القطيع، ونلتزم بحاجات كثير متخصناش، يعني مجهود ضايع
وكان غلط!

2022 / 8 / 2



1388 نوح

من النواح والنياحة!

أصلها من الجدر المصري:

نوح = سكران/ هذيان/ خرفان .. نلح

تخاريف السكران بسبب الشرب، خصوصن لو النوع معتبر، ويمكن مخصص
المائة وزهرة اللوتس يقول إن كان فيه نوع جامد من عصير اللوتس!

فيه نص من سفر التكوين (9 / 20) عن النبي نوح يقول:



"وابتدا نوح يكون فلاح، وزرع عنب، وشرب خمرة العنب واتعرا"

أكيد انتو عارفين بقية الحكاية، ان عورته (أعضاءه الجنسية) ظهرت وواحد
من اولاده شافه ولعنه .. نلح!

أسامي كثير من شخصيات العهد القديم ممكن نلاقيها أصل من اللغة المصرية
القديمة ليه؟

ف الغالب خدوها الكتبة اليهود بتوع مكتبة اسكندرية، أصحاب السبق ف كتابة
أول وأقدم نصوص معروفة!

2022 / 8 / 5

Ium' , the sea, a large
lake, applied to Lake Moeris ; Heb. ים, Copt.
ⲉⲓⲟⲩⲉ ; , i.e., "the sea,"
whence the Arabic Al-Fayyūm الفَيَّيم .

1389 الفيوم

أحلا بلد، ف لطافة جوها، وكرم أهلها.


سبع سواقي بتعي، ووادي وشلالات الريان، والفنانين اللي ف قرية تونس،
وهرم هواره، وهرم اللاهون أو الراهون، وقصر التيه، وقصر قارون، وبحيرة
مر-ور، اللي نطقها اليونانيين موريس واللي بقدرة الأصولين بقا اسمها بحيرة
قارون، ل كوم أوشيم ومتحف آثارها اللي صحتلي معلومات كثير، وفيه شرح
لملاح مهمة للشخصية المصرية، ده غير بقا جمال وطيبة واجتهاد شعبها.

مخبيش عليكو ان اللي بكتبه أنا أو اللي سبقوني أو الأثرين وعلامات المصريات
عن تصحيح معلومات آثار وأسامي الفيوم، ميجيش حاجة -للأسف- قدام
شيخ واحد يتربع ويقول، إن الفيوم يعني ألف يوم!

عمومن، أهو احنا بنعمل اللي نقدر عليه، ومسير اليوتيوب والفيس وجوجل
-رضي الله عنهم وأرضاهم- يعالجو ويصححو التوهان والتضليل اللي اتبلينا بيه
من زمان!

صورة جذر إسم الفيوم، من قاموس الهيروجليفي = البحر!
مع أداة التعريف القديمة "ب"، اللي بتتبادل أو
بتتقلب بالتصريف مع الفه، يعني ف + يم = ال بحر

2022 / 8 / 7



1390 قلم المحضرين

تنبيه للسادة المستشارين رؤساء المحاكم، المهتمين
بالهوية المصرية.

الحفاظ ع الوظائف المصرية القديمة، بنفس أساميها اللي من جدور أو مصادر
مصرية أصلية.

مهنة "المحضر" من أقدم المهن المصرية، روما اتعلمتها من مصر، وتركيا اتعلمتها من
مصر!

مهنة "المحضر" فعل حضاري مهم للتواصل بين الشعب والإدارة!


دلوقتي بعض رؤساء المحاكم بيغيرو الإسم، لـ "معاون تنفيذ!"

الحفاظ ع الأسامي القديمة، جزء من حراسة الهوية المصرية

الإسم علامة تجارية، يحفظ حقوق الملكية الفكرية ف مهنة من أقدم المهن
الحضارية ف العالم.

السلبيات مش ممكن تتعالج بتغيير الإسم، اللي بيثقل ثروة ثقافية!
السلبيات تقل أو تنتهي بمنع أسبابها وبالرقابة والتفتيش وتحديث أدوات العمل!

2022 / 8 / 9



1391 فاء .. فاض .. فايظ .. فايذة

وعلاقتهم بتصريفه "فرعون"!

الجدور اللي ف الصورة تعتبر تمرين ع التصريف.

يعني شوف الجدور واضحة وضوح الشمس، وكلها ف دايرة معاني الزيادة
والإرتفاع والمغلاة!

كل مجموعة بشرية اتعاملت مع الجدور، وصرقتها حسب بيتها وزمانها ورحلتها
الحضارية:

فاء/ أفاء = الزيادة ف الخير (شوفوها ف القرآن)

فاض/ يفيض/ فيضان = الزيادة وتجاوز الحد

فاظ/ فايظ = زيادة ع السلفة (ربا)

فاد/ فايذة = منافع زيادة/ فلوس زيادة

كل دي تصارييف، وغيرها كان كتير، يحكمها شرطين:

1- استقرار وجود الحروف الثابتة (بتصاريدها من شقلبة وخفنة وإهمال وزيادة .. نلخ)، يعني الحرف الثابت يكون ف الجدر وف التصريفة.

2- استمرار دايرة المعاني.

بمناسبة الكلام ف موضوع "فرعون"، حببت أجب نمودج للتصريف، لأن الكلام ف موضوع فرعون لازم وبالضرورة تتكلم فيه عن التصريف، ليه؟

1- لأن كلمة "فرعون" بنفس الشكل كده مش موجودة، لا ف علم الآثار، ولا ف علم التاريخ، ووجودها الوحيد والحصري ف النصوص الدينية: (التوراة/ الانجيل / القرآن/ الأقدس/ التذكرة .. نلخ).

2- انكار وجود "فرعون" ف الآثار والتاريخ، معناه التكذيب أو الإحراج للمؤمنين، وبالتالي خلق توتر وشك متبادل بين العلمي والديني!

3- كان الحل -بسوء أو بحسن نية- ف تثبيت كلمة "برعا" واعتبارها الجدر الطبيعي - بنفس طريقة الجدر اللى بعرضها كل يوم، ومنها الجدر الوارد ف الصورة- يعني "برعا" تتصرف تبقا "فرعون"!

4- حسب علم التصريف، مفيش أي مشكلة إن "برعا" تبقا "فرعون"، حسب العادات اللغوية للشعب اللى وردت عنه التصريفة دي، يعني الشعب الآسيوي العبراني، اللى عنده أسامي من نفس التصريفة: شمعون/ شيمون/ شمشون/

سعدون/ جدعون/ سمحون .. نلح، حتا نفس "فرعون" موجود لقب عشائري
آسيوي لغاية اللحظة دي.

5- طب الشعب الآسيوي العبراني خد الجدر المصري "بر-عا" وصرفه اززاي؟
وإماتا؟ ممكن نراجع الفصل بتاع أسباب الشبه بين العربي والمصري.

6- تبقا المشكلة فين؟ المشكلة ف وظيفة ال "برعا"، أكثر من نحسميت ملك
مصري قديم، مفيش فيهم لا إسم ولا لقب ولا وظيفة ملكية، يعني لغاية
الأسرة ثلاثين مفيش خرطوشة واحدة فيها "برعا"، وحتا لو اتوجد واحدة ولا
اتنين، تبقا حاجة شاذة ونادرة ميصحش تتعمم ولا يتقاس عليها!


7- خراطيش ال "برعا" بطليي او "روماني"، قبل كده كانت وظيفة مهمة، بس
مش ملكية، يعني مدير مراسم أو ناظر يبقا "برعا"، ومن غير خرطوش!

8- يفضل خراطيش الحكام الأجانب -بعضهم- يونانيين ورومان وممكن أجنب
غيرهم، وبالتالي تبقا النصوص الدينية اللي أكدت إن فرعون حاكم مصر
مكدبتش، إنما زاي قبيز ما حكم مصر والإسكندر وبطليموس وقيصر وعمر
ابن العاص وسليم الأول أهو كلهم حكام أجنب حكمو مصر!

9- هنا تبقا نظرية "فرعون" حاكم أجنبي، هكسوسي أو غيره، ممكن تتقبل،
رغم إن مفيش عليها أي دليل أثري مباشر، مجرد قرين لغوية صرفية.

2022 / 8 / 11

1392 عشا .. عشاء



وجبة العشا، كانت زمان الوجبة الرئيسية، يعني الوجبة اللي فيها زفر أو لحمة أو
ع العموم طبخ!

بتكلم عن حياة الفلاحين، طول النهار ف الغيط، ووجبة الغدا اللي جايينها
معاهم ف ربطة الزوادة، بتكون ع الخط أوع المدار بتاع الساقية أو تحت ضل
شجرة .. نلخ، فكان الغدا يعتبر وجبة تصبيرة لغاية ما يرجعو بيوتهم!

- عشا، بالمصري، وعشاء بالعربي

جدرهم من اللغة المصرية القديمة: عشا = أكل / وجبة!

- أنا جبتلك الفطار ونسيت أجيبك العشا

- قال له يا خوفي يا بدران ليكون دا آخر عشا

ف كل الأحوال، العشا وجبة ختامية، عشان كده منها التعبير بالكناية عن انجاز
أو اتمام صفقة، ييوس إيده وش وضره ويقول: كده اتعشت!

2022 / 8 / 12

1393 غريب .. متغرب .. غربة

الغربة موش منسوبة للغرب الجغرافي، لأن الغربة ممكن تكون ف الشرق أو الشمال أو الجنوب.

الغربة = تغيير

المتغرب = اللي غير مكانه

الغريب، مش اللي راح ناحية الغرب ، الغريب اللي غير ناسه، وحول مكانه، وحور حياته عن مجراها الطبيعي!

ويبقا الحاجة "الغريبة"، يعني اللي مش طبيعية!

كل ده نقدر نفهمه ببساطة من الجدر المصري المكتوب بالحرف الهيروجليفي:

غرب = تغيير/ تحويل (تحويل)

كلمتين بقا ف ودن حباينا اللي عايشين جو التصحيح الالكتروني، كل ما يشوفو كلمة غلط ف الاملا حسب العربي اللي اتعلموه يطلعو بالماسك بتاع العلامة الفهامة المصححاتي!

ببساطة، حضرتك بتقرا النص ومفيش ف دماغك غير العربية الفوصحا، حاول (حاور) تتعود تقرا النصوص المصري، وف دماغك المصري اللي كلنا بنتكلمه،




عشان العربي حاجة والمصري حاجة ثانية، وقواعد القراءة والكتابة بالعربي

حاجة وبالمصري حاجة ثانية خالص!

متنقدش لغة حسب قواعد لغة ثانية!

متحاكمش اللغة الوطنية بقوانين لغة غريبة أجنبية!

2022 / 8 / 13



1394 سبعة .. سبوع .. أسبوع

السبعة والسبوع من الجدر الهيروجليفي:

سفخو = سبعة

مع ملاحظة إن علامة واو الجمع بتتصرف مع نون التأكيد، وميم الجمع، وبالمذ

بتتصرف مع الهه!

يعني -من غير زعل- نقدر نعدل ع الخواجة ونقراها متصرفة كده:

سفخن أو سفخم أو سفخه

ده الأصل اللغوي المصري

نشوفها بقا اتصرفت ف الآرامية والسريانية بقت بالشين: شفحه

وبالعبري: شفع

ورجعت للشين بالعربي والمصري الحالي (اللغة): سيع / سبعة


من ناحية أوربا ف اللاتيني: سبت، اللي منها سبتمبر، يعني الشهر السابع حسب
الترتيب الروماني القديم.

وبعدين ترجع شقلبة الي الثقيلة مع الفه ف الانجليزي وتقرب من أصلها
المصري: سفن

كل شقلبات الحروف مفهومة ف حدود القاعدة الأساسية: شقلبة حروف
المخرج الواحد، يعني السين مع الشين، زاي شجرة وسجرة عادي، والفه مع البه،
زاي يعقوب وياكوف بارضو عادي، وجمع نون التوكيد أو المد بالهه، كل ده
عادي وعادي العادي كان!

الي مش عادي بقا شقلبة الخه مع العين .. دي تفسيرها مش من قواعد
الصرف، لا فيها شقلبة ولا خلفنة ولا اقتصاد للجهد بالإهمال ولا ولا، يبقى
فاضل إيه ؟ فاضل العادات اللغوية الجينية، يعني شقلبة الخه مع العين الأرامي
أو الله اللاتيني مسألة عادات لغوية بتحددها اختلافات جينات اللغة عند كل
مجموعة بشرية!

2022 / 8 / 18



1395 ناي

الناي: موسيقت مصر!

أقدم وأبسط آلة للموسيقا

* من أهم صفات وزير (أوزوريس)، عزف الناي لتجميع حبايبه!
من أسامي الناي:

• صبا

• مات - ماد/ ماط

• وجع


* الصبا ومنه اسم مقام موسيقي خزايني، لغلبة صوت الناي فيه.
أما تسمع الآلات الموسيقية بتعزف مقام الصبا، يتهألك إن الآلات بتبكي،
لأن مقام الصبا خزين أكثر من أي مقام ثاني ف درجة الحزن!
* المات، ده الإسم اللي اتذكر ف أسطورة أوزوريس، ومنه تصارييف المد
والمط، يعني التطويل، والمدا والمادا .. وكل مادا حلاوته تزيد!
* الوجع، وده مش محتاج شرح للتعبير عن مرار وعذاب الصد والهجران وكل
وجاع القلوب!

الناي المصري هو الجدر لكل آلات النفخ، يعني من القصبة والشبابة
والأراغيل البوص لحد الفلوت المعدن .. كله من الناي !

كلمة "ناي" نفسها من جدر مصري أصلي، كناية عن الصوت الني الطري إلي

بيسكن ف القلوب! 2022 / 8 / 20

1396 أسامي للولاد والبنات



أسامي شخصيات رواية رادوبي، أحداثها ونطق
الأسامي فيها من عصر الأسرة (6) الساتة:
أولاد ورجالة:


سنفرا/ وزير/ تحوتي/ بتاح - فتاح/ عطفني/ زنون/ باقي/ مينا/ حابي - حبيب/
كرم - كريم/ باتا/ بنو/ بانوبي/ سمير - سامر/ جاسر/ ونيس/ نوري - نور/
نعمر - نارمر/ حسي - حصي/ تي/ يبي/ محتب/ أئوم - آدم/ مينو/
حمص/ حمو/ حور/ رمزي - رامز.

بنات وستات:

ستوتة/ ستيتة/ نبية - نبوية/ حوة - حوا/ آسية - أزة/ حصة/ بات - بت/
نباتا/ سمر/ حتحور - هاتور/ نيت - نية/ ست الدار/ مارية - ماري/ نبيتو/
زيزت/ زبدة - زبيدة/ حنوعة - نوغة - نوجة/ ضي - ضيا/ صيام صباح/
سنفرة/ تاورت - تاولة - تولة/ نجفة/ إبانا - إبانة/ كنة/ بطرا/ تاتويا/ سومة/
مروت - مروة/ وداد/ سوسن/ هانو - هنا - هنية/ رادوبي/ تيتي/ ريماء/ ريام.

2022 / 8 / 20

1397 حذر .. محذور .. حظيرة



الحظر = المنع، ولأن أصل وجدر الحظر، من الكلمة المصرية "حتر"، بمعنا الحجز، وبالتحديد مكان حجز الإحصنة!

الحصان كان أهم سلاح عسكري في العالم القديم، عالم الإمبراطورية المصرية، عشان كده حتا مكان حجز الحصان كان مكان شديد الأهمية والخطورة والسرية، واتوصف المكان ده بالجدر "حتر"! الجدر الأصلي "حتر" انتشر، واتصرف بنفس طريقة التصريف المصري، ببدا الجدر بإسم، وبعدين يطلع منه الفعل "حظر" "يحظر" "يخطر" "يحظر"، وإسم الفاعل "حاطر"، وإسم المفعول "محذور"، ودلوقتي اسم مكان حجز الحيوانات: "حظيرة"! حتا السجون كان اسمها حظيرة، وبعدين بقت مزرعة! يبقا نستفيد من دراسة الجدر "حتر" ثلاث حاجات:

1. التصريف ببدا من الإسم!
2. شقيلة حروف المخرج الواحد، يعني السين والشين، والسين والزين، والسين والصاد، والسين والظه، ومعاهم من نفس المخرج ف أقرب مكان، الته والذال والضاد والظه .. نل!

3. تبديل وشقيلة الحروف، مسألة بيئية وجينية، يحددها المكان والزمان والجينات، يعني كل العوامل اللي بتتحكم ف العادات اللغوية!
 من هنا نقدر نفكر ف التصارييف اللي طلعتها نفس الجدر، بشرط الإلتزام بالشرطين بتوع التصريف: 1- استمرار الحروف الثابتة ف الجدر والتصريفية، 2- استمرار دايرة المعنا بارضو ف الجدر والتصريفية.
 يعني تصارييف "حصر" و"حصري" و"محصور" .. نلخ، كان "حسر" و"حاسر" و"حسرة" .. نلخ!

2022 / 8 / 26



1398 وسعة .. وسعاية

صديقنا هيثم شرابي [Hythm Shraby](#) ف تعليق له وصف بيوت الفلاحين القديمة، وبان من الوصف إن الصالة الكبيرة كان بيتقال عليها "وسعة"!
 كان من ذاكرتي عن بلدنا بلقاس، إننا كنا بنقول عن الميادين والأراضي الفاضية اللي كنا بنلعب فيها؛ "وسعاية"، يعني رايح الوسعاية، جاي م الوسعاية .. ييلعبو ف الوسعاية .. نلخ!
 الكلمة اللي ف الصورة هي جدر وأصل التصارييف دي وغيرها.


بس فيه مشكلة، الجدر اسمه "وسخت / وسخة"، بحرف الخه مش العين، وهنا
 منقدرش نقول حصل شقبة لأن الحرفين مش مخرج واحد!
 صحيح إنهم مش من مخرج واحد، لأن العين ف أعماق الحلق، والخه ف بداية
 سقف الحلق، يعني فيه مسافة كبيرة بينهم!
 انما فيه قاعدة تانية نادرة شوية (لأنها جينية) لكن منتشرة، وهيه السبب
 المباشر ف تبديل صوت العين مع الخه، وكان صوت القاف مع الهمزة، إسمها
 قاعدة الهروب (الزحلقة) بالشقبة، يعني الحرف بيهرب من مكانه ويروح لمكان
 تاني ف نفس المنطقة لأسباب جينية وبيئية!

لو مطبقناش قواعد الصرف، مش هنقدر نوصل كلامنا القديم بنطقنا الحالي.

وسخة بهروب الشقبة = وسعة

القاف بهروب الشقبة = همزة

2022 / 8 / 27



1399 محشة

المحشة أداة لقطع النباتات!

الفلاحين عندهم أدوات كثيرة بتساعدهم ف شغلهم، وكل حاجة لها إسم، حسب الحجم والشكل والغرض، الأعباء بقاء، إن أكثر الحاجات دي لسة بنفس شكلها القديم، وبنفس أو تصرف من إسمها القديم!

المحشة سلاح كبير، والشرشرة سلاح وسط، والشقرف سلاح صوغير! فتفكر إيه بقاء اللي يخلي الفلاحين اللي قاعدين ف غيطانهم بقالهم آلاف السنين، يغيرو كلامهم؟

ده بس عشان الجماعة المثقفين والمتعلمين والمتنورين اللي لسة فاكرين إن المصريين غيرو لغتهم!

المصريين مغيروش كلامهم، والفرق بين شكل كلام جدودهم المتسجل بالحرف الهيروجليفي، وكلامهم أو لغوتهم الحالية، مجرد تصرف، والتصرف ممكن يحصل ف نفس الزمان ونفس المكان، ما بالك بقاء أما تمر آلاف السنين؟ الحروف اللي بتطلع من مكان واحد ف الجهاز الصوتي، بتتبدل والأدق انها بتتشقلب مع بعض!

الحلق بيطلع منه مجموعة حروف ثابتة، إسمها حروف الحلق.


من أبعد مكان ف الحلق بيطلع صوت الهه (هـ)، والهمزة (ء)، والحه (ح)، والعين (ع)، عشان كده الأربع حروف دول بيتشقلبو مع بعض حتا ف كلام

الشخص الواحد، تلاقيك مرة تقول: "هكتب"، ومرة ثانية تقول "حكتب"، ولو من الصعيد الجواني هتقولها: "عكتب"!

الجدد: "معشة" عبارة عن سلاح معدن، الخواجة مترجمه ل سيف أو خنجر، أو أداة للتقسيم والتقطيع!

العين اتشقلت مع الحة، و"المعشة" بقت "المحشة"، نفس الكلمة بنفس المعنا، وب نفس الغرض نشوفها مع الفلاحين ف ضم الرز وحش البرسيم وغيره، وميمنعش ساعة الخناقة تدافع عن نفسك بالمحشة والشرشرة اللي ف إيدك!

2022 / 8 / 28



1400 صورة الموت

المصري القديم عبر عن الموت بكلام كثير، بس عمره ما عبر عنه بمعنا النهاية الكاملة؛ فقد، ضعف،

توحد، كمون، غياب، اترحم أو حتا اتوزع بنفس المعنا الساخر اللي ممكن نستخدمه دلوقتي، انما معاني النهاية الأبدية أو الفناء والانعدام .. لأ

* مت / موت / ميت

* رعمت / رحمت / رحمة

* عرت / علة

* باقت / فاقت / فاقد / فقيد

* واح / وح

* قبح / قبع

* مني / منية

* وزح / وزع

لغاية ما نوصل لمعنا الرحيل "خبيت"، المستخبي، وهو قريب من معنا الفقيد، لأن المفقود هنا لازم موجود هناك، والمستخبي مسيره بيان، والراحل من هنا لازم تكون نهاية رحلته هناك، يعني الحكاية كلها نقلة من مكان لمكان، من زمان لزمان، من حالة لحالة، من وضع لوضع، من صورة لصورة .. نلخ!


صورة الموت دي، مصر نجحت ف ابتكارها، وصدرتها للوجود!

وأعتقد انها صورة إيجابية، ساعدت الإنسان ف الصمود ومواجهة صعوبة الحياة، الأمل ف بكرة، آخرة الصبر، جائزة العمل الطيب .. نلخ!

وصول المصري القديم للفكرة دي -سواء بالتجربة والتفكير أو بمساعدة من نذر الخالق القدير- بقول ان وصول جدودنا للفكرة المهمة دي ، كان نوع من الوعي والإدراك، وسبب من أسباب ظهور فنون التعبير بالنحت والرسم والكتابة والأدب والشعر والموسيقا والأغاني .. نلخ، وسبب رئيسي من أسباب استمتاعنا والعالم كله بالآثار ..

صورة الموت عند المصري من أسرار قوة الشخصية المصرية
وكان الثقافات اللي اتبنت الصورة دي، بارضو بقا من أسرار قوة شخصيتها،
سواء المسيحية أو الاسلامية، أو غيرهم!

2022 / 8 / 29



1401 عبر .. عرب .. عبل .. علب

المصري القديم وصف الآسيويين اللي كانوا بييجو مصر بالوصف ده:
عبرو/ عبرو

ومنه ال "عبر" و بالخفنة "عرب"، وبالخفنة والشقلبة "عبل" و "علب"!
الأربعين عشيرة الهكسوسية مكنوش كلهم أغنيا وأمرأ، دي كانت عشيرة
آرية واحدة متسيدهم وبتفتري عليهم، والباقي غلابة ييشغلو بلقمتهم
وبيتسخرو!

ف بداية تسللهم وتسربهم من الحدود المصرية كانوا زاي عمال التراحيل، عشان
كده اتوصفت العمالة الآسيوية بالاسم ده، والغريبة بارضو إن اتوصفت بيه
كأن عمالة القبائل الغربية اللي كانت ف المجاعات بتيجي من ناحية ليبيا!
يعني وصف العايبرو كان وصف لحالة مش جنسية! حالة دخول وعبور
الأجانب للعمل أو الرعي وطلب المعونة!

من الجدر "عبرو"، اتصرف اسم الجنس العبراني واللغة العبرية الي عايشة دلوقتي أيام مجدها وبقت لغة رسمية ولها حرف رسمي!

من نفس الجدر "عبرو" اتصرف إسم الجنس العربي واللغة العربية الي من حظها اتكملت وبقت لغة القرآن الكريم، وفيه دلوقتي اثنين وعشرين دولة منسوبين ليها، وكان اثنين وعشرين لغة بينكتبو بحروفها، منهم اللغة الي بكتب بيها دلوقتي، آخر مرحلة من مراحل اللغة الي اديتهم الإسم والحرف، أقصد مرحلة اللغة المصرية الحالية؛ "اللغة المصري"، بالاضافة للكردى والصومالي والفارسي والأردو وغيرهم!

تصاريف الجدر "عبرو" الي بيعبرو حدود مصر، مش بس بقت أسامي قوميتين مهمين دلوقتي، العبرية والعربية، إنما اتصرف منه وصف حالة البدائية والعشوائية "عبل"، يعني يقولك خدها بعلها، يعني بحالتها الأولانية، ومنها أسامي شخصيات وألقاب "عبل" و "عبله"، حتا بيوت الفقرا الخشب الي ميقدروش يعملو خيمة، والعبوات الي كانو يياخدو فيها أجورهم أو صدقاتهم، ولما اتمكنو وسيطرو وحكمو بقو يياخدو الفردة والجزية ف "علب"!

2022 /8 /30

1402 مملكة الحواديت



كلمة حدوتة وجمعها حواديت،

أصلهم تصريف من الجدر المصري المكتوب بالهيروجليفي:

حديث، بنفس النطق اللي لسة ف كلام أهالينا، حراس الهوية الحقيقيين، اللي
مرحوش المدارس بتاعت التعليم العروبي!

حديث: يعني كلام الناس / كلام الشعب

لأن عندنا: مدو، يعني كلام مكتوب، ومنها "مضو" و"امضا"!

وكلام الحكم والمواعظ كان اسمه: "صوفي" من الجدر "سفت"!


كلام الناس بقاء، وبالتحديد حكاياتهم ونواديرهم، كان لها مناسبات، ولها
رموز، ومهرجانات، يعني مملكة فيها ملك ومملكة وأمرا ووزرا وموظفين وشعب!
ملك مملكة الحواديت/ الفنان المبدع "خنوم"، ومملكة الجنادل والشلالات
"عنقت"، والوزير السفير "بس"!

عشان كده بنلاقي رب المرح "بس"، من ألقابه "حتيت"، وبنفس اللقب نقرا
عن "عنقت"، ونشوف "خنوم" بيستدعي الإيتين دول بالذات ف مهرجان
الحواديت، اللي بيتعمل يوم 21 بشنس، تالت عاشورا ف ف أول شهر من شهر
فصل "شمو" الصيف!

الحكاية دي عاملة زاي أما ستك تيجي م البلد، وتقع العيلة كلها -صبيان
وبنات- حوالها يسمعو حوادثها!

لو الأصل "حديث" تبقا حديس "حديث"، مجرد تصريفة!

2022 / 8 / 31

nabḥnu , to bark, to
bay (of a dog); Heb. נָבַח, Arab. نَبَح.

1403 نبج

نباح الكلب، أو هوهوة الكلب بتكرار وإلحاح!
جدرها من أقدم مراحل اللغة المصري المكتوبة بالحرف الهيروجليفي، وبقت
كناية عن أي صوت بشري عالي مزجج بتكراره وإلحاحه!
للأسف ساعات بحس وأنا بتكلم عن موضوع التقويم المصري، اني "نبج" لما
صوتي "اتنبج"!

من سنة 1997 حسبت سنين التقويم، وطلعت أول نتيجة للسنة 6239!
* الفكرة عجبت اصحابي، ووافقوع النتيجة دي، وفرح بيها أستاذي محسن لطفي
السيد وأصدقائي ف الصالون بيومي قنديل وطلعت رضوان وكمال فريد وأحمد
عقل ومحمد نوح ومحمد عبد الدايم ومحمد البدري وشريف طه وجمال البلم وعبد
الرحمن الألفي وثروت حسنين وعلي شوشان وحسين زهدي وأحمد صليحة

ونافع قطب واسماعيل وصفني وينت شوقي ونشوى الشرقاوي وهدى هدارة وإيمان الجابري، وغيرهم، وشجعوني اني أكرها كل سنة!

* وأما كتبت ع الإنترنت سنة 1998، أيد الفكرة وساعد ف نشرها عادل درويش من لندن، وعادل جندي من باريس، ونجيب سليم من كندا، وشادي عوجة من أسيوط، ووائل نواره من حزب الغد، وبارضو غيرهم كثير! * كان الدكتور عماد أبو غازي كتب مقال ف الأهرام بيطالب بالإحتفال بالنوروز القبطي، باعتباره إمتداد طبيعي للتقويم المصري، وأما ظهرت الفكرة أيدها وكتب عنها ثاني!

* سنة 2000 انضم الدكتور وسيم السيسي للصالون، وعجبتة فكرة الإحتفال بالتقويم والسنة المصرية، وبدأ يكتب عنها ف روزا اليوسف!

* بظهور الفيس بوك ٢٠٠٤، انتقلت الفكرة نقلة كبيرة نشرتها ووثقتها، وكان المرحوم محمد بكير وأمنية طلعت وغيرهم متحمسين للتقويم المصري!


* سنة ٢٠٠٧، مع إيهاب قاسم ومازن موصطفا، حفلة القرية الفرعونية، احتفال براس السنة المصرية ٦٢٤٩، عملت نقلة كبيرة للفكرة وثبتها، وبقت واقع محدش يقدر ينكره!

* الصراحة مساحة إهتمام كبيرة من الأفراد والجمعيات والمؤسسات، وحتا بعض المحافظين اهتمو 2012، 2013، 2014 محافظ المنيا ومحافظ الدقهلية ف سنين الثورة، الي كان يرافقني فيهم المرحوم الدكتور رضوان علام!

* ٢٠١٤ بصيص أمل ولمسة وعي من جمعية شروق مصر وشركة صادكو، دخلو مسألة الهوية المصرية ف نشاطهم، من خلال احتفال راس السنة والأعياد، تقريبا دي الجهة الوحيدة الي خدت الموضوع بجدية واهتمام!

* كان عندي أمل -بعد السنين الطويلة دي- إن الحصاد يكون مناسب للمجهود والمدة الطويلة -خمسة وعشرين سنة- وان حد ثاني وتالت وعاشريشيلو معنا ويساعدو، أو الدولة تاخذ بالها إننا بنتكلم عن التقويم الوطني بتاعها، يعني رمز مهم للهوية الوطنية، وتقوم بدورها!

2022 / 9 / 2



1404 ثاني: عبر .. عبور

زاي عادة اللغة المصري - ف كل

حاجة- مصدرها الطبيعة، الأسمي والأوصاف، اللغة والحروف، العادات والطقوس، الأعياد والأمثال .. نلخ!


بارضو "عبرو" وصف لحالة المرور والعبور، مش الإقامة والإستقرار!


قبل كده عملت أكثر من بوست عن جذر كلمة "عرب" وكلمة "عبراني"،
وقلت إن أصلهم من الجذر "عبرو/ عابرو" بمعاني = الآسيويين/ العمال
الأجانب/ عمال التراحيل/ الأجانب .. نخ!

* وان حكاية عبور ترعة الفرات دي، صوروها كأنهم عبرو المانش!
النهاردة بعرض نفس الجذر، من زاوية ثانية بتأكد نفس المعاني، انما القاموس
قديم من بداية القرن العشرين وفيه قناعة عند علمات المصريات بعلاقة الجذر
المصري بالإسم المنسوب للبرانيين، واللي اتفرع منه تسمية العرب!
وبتأكد إن نسبة "عبر" و"عابر" مجرد أسامي لشخصيات خيالية مفيش أي
إثبات عن وجودها التاريخي، حيلة بدائية قديمة بتمارسها الشعوب لسد الخانة أو
قفل باب السؤال الوجودي عن الأصل!

المصري القديم كان بيوصف كل حالة من طبيعة الحالة، وهنا وصف حالة
الناس اللي مش مستقرين ف مكان، ومش مربوطين ببلد، ورحالة بين هنا
وهناك بالوصف ده: "عبرو"، ومنه ف كلامنا الحالي تصارييف العبور يعني المرور!

2022 /9 /4

sent , foundation; Copt. Ⲛⲓⲣⲉ.

Sent , Tuat VI, a warder-god.

1405 سند

فيه عرب اسمهم "سند"، وفيه عبر اسمهم "سند"، وبارضو فيه سبأ اسمهم "سند"!

عادي عادي عادي، بس من قديم الزمن وفيه مصريين اسمهم "سند"، يعني قبل العبر والعرب والسبأ ما يظهرو، واللي حاب يعرف السبب، يقرأ الفصل بتاع أسباب الشبه بين العربي والمصري!




الجدر "سند" من أقدم مراحل اللغة المصرية القديمة:

سند = أساس / دعم

سند = الناظر (الداعم) الحارس

من كلام عبفتاح موصطفا، ولحن بليغ حمدي، متعنا الشيخ النقشبندي بإيتاله الخالد "مولاي": من لي ألوذ به، إلاك يا سندي

2022 / 9 / 5

thupar  , horn, trumpet;
pet; 
trumpet bearer, trumpeter; compare Heb. .

1406 الطبله والطار

طبل طبل علا طبلي، خليك

حنين داب طبلي

اسم الطبلّة، وإسم الطار

وجود الإسم، بنفس وظيفته ونطقه

الطبلّة آلة ايقاع، وكان الطار (الدف)، خدو الكناية اللي بدأت بالبوق!

يعني الإسم موجود، والإختراع من تاريخ الوجود

- المشي طاب لي، والدق علا طبلي

أول حرف بشكل جبل متني، القواميس بتنطقه (ث) □

من زمان مستريحتش للنطق ده، وجربت كتير لغاية ما استقرت أنطقه (ط)،

مع تصارييف الطه الطبيعية، اللي مش من ضمنها خالص حرف الله، لأن

المصريين عمرهم مانطقو الحروف البين-سنانية، اللي بيطلعو فيها لسانهم، لأن

عندنا تطليع اللسان عيب!

يعني تطليع اللسان مش من العادات اللغوية المصرية بتاعتنا

لاحظو كان إن الصورة من قاموس طالع سنة 1920، وانكتب قبل كده!

حصل تطور ومعارف كتير من وقت طلوع القاموس للنهارة

- بالمناسبة بقا .. لا كلية الآثار ولا وزارة الآثار ولا المجلس الأعلا للآثار ..

نخ، طلعو قواميس، ولا دعمو حد من اللي يقدرو يطلعو قواميس، ف نفس

الوقت كل العلما والباحثين اللي اشتغلو ف المصريات من الأجانب، كانوا


مدعومين بالكامل من الكليات والمعاهد والمجالس والمتاحف بتاعتهم!

- كل الحروف اللي القواميس بتنطقها: ره (ر) لازم نجربها مع اللام، لأن واضح إن جدودنا كانوا متقدمين ف علم الأصوات، وعارفين حروف المخرج الواحد اللي بيتشقلبو!


خرط/ خلط .. فرق/ فلق .. تحوير/ تحويل .. نلخ! 20 / 9 / 2023

1407 لغة .. لغوة

كلمة "لغة" مش عربي، العرب خدوها ف العصر العباسي من اليوناني:
لوغو/ لوجو/ لوجوس



أو خدوها من المصري عن طريق ديوان الإنشاء، قبل كده مظهرتش الكلمة



دي ف اللغة العربي، لا قبل ولا بعد الإسلام!
اللغة ف العربي، من اللسان، عضو الكلام، اللغة
ف الإنجليزي من الأسلوب والطريقة، أما اللغة
ف المصري القديم من التواصل والمعرفة!

المعنا المصري اللي اتختت منه "لغة" قريب من معاني بنستخدمها دلوقتي:

لغة العلم/ لغة الحاسب/ لغة التفاهم/ لغة الحوار/ لغة الجسد .. نلح

كلها أدوات تواصل ومعرفة وفهم وتعبير وتأثير

الجذر الأساسي لكل تصارييف اللغة، من اسم -زاي العادة- ايزيس سوتيس

أو است-سبتت، ربة المعرفة!

شقلبة طبيعية بين الره واللام + شقلبة طبيعية بين الخه والغين

إر-غات = إلغات/ إلغة

رخت = لغت/ لغة

2022 /9 /21



1408 حتا

حتا، أداة ربط للتبرير والمقارنة، أصلها من الجذر الهيروجليفي "حتا" = مكسر/

مبهدل/ متقطع .. نلح

وصف لأسوأ حالة!

- حتا ازيك، مستخسرها مبيقلاهاش

لسة بنوصف بيها كسر الرز: "حت"!

حتا، ف كلام المصريين مفهوم من أصلها إن اللي بعدها أقل ف القيمة والعدد:

اديني شوية بيض، "حتا" لو خمسة!
 متصرفة ف العربي "حتى" أداة لجملة الغاية
 حتا تصل/ حتا تقرا/ حتى آخر العمر ..نلخ!
 ميزة اللغة المصري إنك تقدر توصل للمعنا الأصلي، لأنها اللغة الوحيدة، اللي
 نقدر نوصل لأصل جذورها ومصادرهما!
 اللغات الثانية صعب يلاقو أصول للكلام، خصوصن الأدوات، ولو سألت
 يقولك: هيه كده!
 وده مثال للرد الرسمي عن أصل الأدوات:
 "ويرفض النحاة تعريف الأدوات ويقولون أن لا أصل لها في العربية"
 2022 /9 /23



1409 البراد والابريق

وصف البراد، غريب بالنسبة
 لإستخدامنا الحالي، لأن البراد عبارة
 عن حاجة بنسخن فيها السوايل،
 ودلوقتي مرتبط بغلي الشاي!

رغم إن كلمة "تبريد" جذرها من "برت" فصل البرد، إنما بارضو "براد" تصريفة من نفس الجدر، ليه؟

لأن المختلف ف تصميم البراد هوو البزبوز، اللي يسرب ضغط بخار الماية من ناحية، ومن ناحية ثانية، بنكب منه السوائل بالتدريج، فتاخذ فرصة لتوزيع حرارة السائل، يعني بتبرده، إن كانت دي العلاقة بين اسم البراد ووظيفته، إنما هنشوف ف مكان تاني (1539) إن إسم البراد متصرف بالخفنة من إسمه المصري "دراب"، وهنا له وظيفة ثانية غير التبريد، وهيه التقلب!

عندنا براد، وعندنا لبريق، من آلاف السنين، وموجود نمماذج منهم ف المتاحف، والباقي مرسوم ع الحيطان القديمة!

توثيق للملكية الفكرية!

- من امنا الكلام ده؟

من ألفين وربعميت سنة قبل الميلاد، الصورة من توربة بتاح حوتب، وزير الملك اسسي، من الأسرة الخامسة!

2022 /9 /23

1410 بداية السنة المصرية

التقويم المصري يبدأ من سنة ٤٢٤١ ق.م، وهو تاريخ أقدم دورة فلكية للنجم سبت يوجد بعدها أدلة وقرائن على معرفة قدماء المصريين للتقويم.

كل اللي عملته سنة 1997، اني ضفت وجمعت سنة التقويم الميلادي الجديدة، مع سنة البداية 4241 ق.م.

ولأن السنة المصرية بتوافق سنتين ميلادي، من حادش سبتمبر، بنضيف السنة الأطول.

$$٦٢٦٤ = ٢٠٢٣ + ٤٢٤١$$




$$6265 = 2024 + 4241$$

الصورة من مقدمة بقلم الدكتور سليم حسن ، أول جزء، موسوعة مصر القديمة.

وصورة كلمة "نتيجة" تصريفة أصلي من جذر مصري أصلي، زي ما سبق!


2023 / 9 / 24

2022 / 9 / 25



1411 بربا .. برابي

بر-با، مكان عظيم ف مبناه، وف قيمته ف المجتمع المصري القديم!
البربا، مش كنيسة ومش جامع ومش معبد، محدش بيروح يصلي فيه!
البربا، فيه موظفين متفرغين (وعاب)، جزء من مسؤولياتهم ديني، إنما المهمة الحقيقية ليهم إدارة المجتمع، خبرا ف الزراعة والتعليم والقضا والطب والفلك والرياضيات والكيميا والعمارة والفنون ..
نخ!

Per-âbu , B.D. 26, 2, "house of hearts," the Judgment Hall of Osiris.

بيوت الملوك كانت كبيرة وواسعة، بس زاي بيوت بقية المصريين بتبني بالطين، لأسباب صحية وبيئية ودينية، البرابي كانت بتبني بالحجارة، عشان تعيش آلاف السنين!

بر-با = بيت الروح

بر-ابه = بيت القلوب، بكسرة الجمع زاي ما ينطقها الفلاحين.

جمعهم برابي أو بريابات

بيقا تقول "بربا" وبلاش كلمة معبد!

- الكتابات القديمة كانت بتستخدم كلمة "بربا" و "برابي" و "بريابات"

زنون المصري والمقريري والطبري والدميري وغيرهم.
الصورة من أول كتاب عربي اتكلم عن مصر بالتفصيل:
فتوح مصر وأخبارها، ابن عبد الحكم.

2022 / 9 / 27

1412 تابع الجملة الإسمية: الأمثال!

اللي فاكر بوستات الجملة الإسمية ف اللغة المصري، أو قراها ف أول جزء من
كتاب [#بتكلم-مصري](#)

وصلنا فيهم إن من ملاح اللغة المصري:

- الجملة بتبدأ بإسم، ف الماضي والحاضر والمستمر، إلا حالة فعل الأمر!
- المصدر أو الجدر، أصله إسم!
- دلوقتي بنوضح كمان إن الأمثال الشعبية، بتلتزم بالجملة الإسمية، تناويع بين المبتدا والخبر!

• الحداية، متحدفش تكايت!

• الحرامي، إيده بتاكله!

• الطمع، يقل ما جمع!


• المستخية، تكسر المحرات!

• الرجل، تدب مطرح ماتحب!

حتا الأمثال اللي يتيألك إنها فعلية، هتلاقيها جملة خبرية، يعني بارضو اسمية:

يموت الزمار وصوابه بتلعب!

عاش النصراني ومات، ومأكلش لحمه برمها! 2022 / 9 / 27



1413 محلة

اسم المحلة كده شكله

عربي، انما الحقيقة إن الإسم من الجدر المصري الأصلي "محور/ محول"، رغم إن فيه جدر ثاني أصلي "حر/ حل"، ممكن يتصرف بصيغ الفاعل والمفعول، "محل"، و"محلة"!

الجدور المصري بمعاني محال الإقامة والاستقرار!

إنما الجدر "محور/ محول" كان خاص بإقامة واستقرار الطيور، وحمam التربية ف الأبراج ع الخصوص!

بقا كناية عن أي إقامة وأي إستقرار!

محل الإقامة/ محل السكن/ محل الحضري والفكهاني .. نلخ!

2022 / 9 / 30



1414 صلصة

تشكيلة لحوم حمرا


وجبة لحوم مخلوطة

ثالثت / طالست / سالست / صالصة

* واضح إن الجدر المصري اتطور واتصرف ف معظم اللغات، عشان يعبر عن الوجبة الاحتياطية، اللي بتتقدم مع الوجبة الأساسية، الفتو (فلتو)، أو حات، اللي منها (حاتي) طباخ اللحمة ... نخ!

* تشكيلة (خلطة) اللحوم، فضل منها معنا التشكيلة أو الخلطة، بالظبط زاي "كاشار/ كشري"، اللي فضل منها معنا أكلة بالبهارات الكثير، الإسباني!

2022 /10 /5



Gardiner's list codes
D46:N37-D21:X1-G27-N
25
Transliteration
dšrt
Translation
The Red Land, desert

1415 دشلوط

الظهير الصحراوي لمدينة ديروط محافظة أسيوط.

دشرت/ دشلت/ دشلط/ دشلوط

التصريف ف كل الاتجاهات، المهم الإلتزام بالشرطين:


* استمرار الحروف الثابتة

* استمرار دايرة المعنا

دشرت اتصرفت ف اللاتيني والانجليزي desert

واتصرفت ف المصري الحالي لاسم قرية قديمة إسمها: دشلوط

2022 /10 /8



Gardiner's list codes
N37-D58-N35:W24*Z1-
Z9:Y1-Z7
Transliteration
šbn
Translation
To associate with

1416 شبانة .. أشبين .. شبل

أصلها "شبن" اسم لعملية التهجين والمزج بين الأصناف والأنواع، قبل ما يطلع مصطلح الهندسة الوراثية، ولو عندنا وعي معقول وطبيعي بجدور كلامنا، كما صممنا ع

المصطلح الأصلي بتاعنا "أشبنة"، اللي بيثبت سبقنا الحضاري، وإن المصريين أول ناس مارسو "الأشبنة" يعني الهندسة الوراثية!


- زاي العادة، الجدر شبن، بمعنا المزج لتحسين وتطوير الأنواع، اتصرف منه أفعال، زاي "شبنو" اللي ف الصورة فعل يساعد/ يرافق/ يشارك .. نلخ، بخصص علامة الإكس، يعني الإختلاط والمزج والمشاركة!

اتصرف منه ف كلامنا الحالي "اللغة المصري"، لقب وإسم "شبانة" الي واضح
ان له علاقة بمهنة الأشبنة، وكان اتصرف منه، الأشبين والأشبينه، المرافقين
المساعدين للعرسان ف حفلة الفرح!

يعني "أشبين" تصريف من جذر مصري أصلي، حتا لو موجودة ف السرياني،
بارضو المصري الأقدم!

- كان تصريف النون بالشقبة مع اللام، الي مشهورة عندنا ف جون/
جول - سماعين/ اسماعيل .. نخ، توصلنا لتصريف "شبل" يعني نتيجة علاقة
الراجل والست، حتا لو الكلمة دلوقتي منتشرة ف اسم جرو (شبل) الأسد بس!

2022 / 10 / 10



1417 طمس .. مطس .. طمث

البوست فيه صورتين لكلمتين، نطقهم القاموس
الخواجاتي بطريقة واحدة: طمس، والأدق إن
النطق الاصطلاحي: ثمس، والنطق بتاعي: طمس
جبت الصورتين مع بعض عشان أؤكد:

١- إن اختلاف الحروف واختلاف المخصص معناه اختلاف النطق والمعنا،
مهما كان الي كتبه الخواجة!

٢- كان الصورتين دول بالنطق الاصطلاحي والنطق التصريفي بيوضحو علاقة قوية ل اللغة العربية باللغة المصرية القديمة!

طمس، يعني غطا أو خبا أو دفن، ومنها بالخفنة ف الفلاحين "مطس"، بالتبادل مع "غطس"، يعني دفن الجسم ف الماية!
وبالمناسبة منها كان تصريفة "دمس"، يعني القرن المدفون، طريقة تسوية الفول بالدفن في نار مخصوصة، ومنها كلمة مدمس!

يقا الفول المدمس = الفول المكور بالنار المدفونة!

ف الصورة الثانية نفس النطق الاصطلاحي

"طمس"، بحروف ومخصص مختلف، بمعنا

الحاجة الحمراء، وصف الدورة، أو النزيف الأحمر

الشهري، وواضح من ضمن المعنا كان، إنه مش

مجرد نزيف، دي عملية تغطية للبويضة اللي

متخصبتش، والأدق دفن رسمي لمحاولة تخصيب فاشلة

* علاقة اللغة المصري، بكلامنا الحالي علاقة ثقافية وحضارية، مش مجرد

كلام والسلام!



* علاقة اللغة العربية باللغة المصرية بارضو ثابتة، وإلا تفسر بإيه وجود الكلمة بنفس المعنا من آلاف السنين وبعدين تظهر ف القرآن الكريم: فاذا النجوم طمست .. ربنا اطمس على أمواهم .. نطمس وجوها .. نخ؟

2022 / 10 / 11



1418 يا حلو صبح

البدرية مقضية

ارتباط طلوع الشمس وظهر نور الصبح، مع
إنجاز الأعمال والحصاد

واضح ف المثل الشعبي: الشغلانة البدرية مقضية

كمان عدد كبير من الأغاني بتحتفل بالصباحية وطلوع الشمس

من سيد درويش: طلعت يا محلا نورها شمس الشموسة

لغاية ما يقول: صبح الصباح فتاح يا عليم

أم كثرهم: الشمس أهي طالعة وضحاها، والطير أهي سارحة ف سماها، يا للا

معاها يا للا معاها، يا صباح الخير يا اللي معانا، يا اللي معانا، الكروان غنا وصحانا

وصحانا

وشادية: شمس بانت من بعيد، جاية ومعاها يوم جديد، يجعل نهارنا نهار سعيد

وأحلام: يا نسمة الصباح، يا معطرة الجناح
إنما يفضل محمد قنديل هوه ملك أغاني الصباح:
يا حلو صبح يا حلو طل، يا حلو صبح نهارنا فل
صبح يا جميل، يا جميل صبح

ارتباط طلعة الشمس والصبحية، من أقدم النصوص، أغاني ف صورة ابتهالات
دينية للشمس، وتواشيع للكوبرا ربة الحصاد (رع-ننت/ رنوت):
ده نص من متون الأهرام - فصل 573، بتصرفي وترجمتي الخاصة لـ "اللغة
المصري":

اصحي بالسلامة، يا نور الإبتسامة
يا حلوة بزيادة، يا ملكة السعادة
يا معمرة الغيطان، يا محققة الأمان
مكانك ف العلالى، فوق الجبين تلالي.


- الصورة الهيروجليفي كلمة "صبح" بخصص البهجة والسعادة

تحية خاصة لكل اللي اسمهم متصرف من الجدر المصري "صبح"

صباح وصباحة وصبحي وصبحية وصبوحة

وصبوحة ومصباح ومصبح ومصبوحة .. نلح

2022 / 10 / 14


Gardiner's list codes P1
Translation Ship load
Transliteration imw
Grammar type Noun
Translation Ship, boat

1419 يوم .. يوماتي .. أيام

ودارت الأيام، ومرت الأيام

فيوم من الأيام

يوماتي، بسلم عليك

كلامنا الحالي (اللغة المصري) تقدر تعرف أصله وفصله!

كل كلمة جذرها إسم، وكل إسم له دور!

كل حاجة لها سبب، قولة هيه كده وخلاص دي عند أي لغة ثانية، مفيش

ف المصري الكلام ده، لا احنا اتعلمناها كده ولا نزلت م السما ولا طلعت م

الأرض!

كله بالتطور الطبيعي والتصريف والكثايات، كلامنا أصله أسامي لها قصص

وحكايات!

اليوم دلوقتي عبارة عن وحدة زمنية بنقيس بيها الوقت من ساعة طلوع

الشمس، لساعة طلوعها مرة ثانية، يعني المسافة بين طلعتين للشمس!

حكايات جدودنا بتلخص مسيرة الشمس دي، المسافة بين الطلعتين، كأنها

رحلة بحرية يقضيها الملاح "رع" كل يوم مع المساعدين بتوعه، راكبين مركبة!

المركبة دي من أساميا:

يمو/ يومو/ يوم

يبقا كلمة "يوم" الحالية، عبارة عن كناية اتصرفت من إسم قارب أو مركبة
بتوصل "رع" ف رحلة بطول المسافة بين طلعتين للشمس!

يوم العيد

يوم الفاتحة

يوم كتب الكتاب

يوم الملكة

يوم الفرح


يوم الصباحية

يوم السوق

يوم القبض

يوم رجعتك بالسلامة .. نلح

2022 / 10 / 15



1420 اسورة .. غويشة

كلمة اسورة، بمعنا الغويشة المميزة، جدرها المصري القديم: "SWT"، بمعنا زينة

نفس الحكاية مع كلمة غويشة من الجدر غوشا، حلية وزينة شخصية

أنواع الأساور والغوايش عند جدودنا:

يوعو .. شاقو (قواش / غواش) .. محتبة / مخطبة .. مدام / متام .. انست ..

استن .. عجس .. طاو .. بيل


الأسورة التعبان دي كانت ف كل البيوت، اسمها الشعبي: مباريم

خلخال بقاء، من الجدر "خرخر / خلخل" حزام جلد يتربط ف الوسط وطرفه

بشخايل عند الرجلين، زاي الديل!

والصورة من كتاب وليم نظير: العادات المصرية

2022 / 10 / 15



1421 غضب .. غضبان






الغضب انفعال شديد وإثارة وسخط


وغيظ، يوصل للغلط، لدرجة القتل!


جدور اللغة المصرية القديمة، عبرت عن الغضب، بمخصصات العنف، بنفس
الصوت المنطوق دلوقتي، وبمعاني خطيرة، زاي اسم سكينة الدبح والقتل، أو
عملية الدبح والقتل نفسها!

ف كلامنا الحالي فيه تصارييف كتير للغضب، أقلها الزعل الشديد، يعني لما يقولو
فلانة روحت بيت أبوها غضبانة، يعني زعلانة من جوزها!
لو كل جوز بقا عرف أصل الكلمة، هيجلي باله كويس، ويعرف ان مراته
قصرت الشر، ولو فضلت بغضبها هيشوف سخمت!

2022 / 10 / 17

s-men — , P. 635, M. 510, N. 1092,
, P. 636, 637, M. 512, 514, N. 1095,
1097, — , Rec. 30, 187, , to
establish, to fix firmly in position, to establish one-
self; caus. of ; Copt. **seine**, **seent**.

smen-smen , T. 398, M. 400,
to establish, be established.

smen , order, foundation.

1422 زمن .. زمان

قراية الهيروجليفي محتاجة انك تغوص

ف نوايا الكاتب القديم

يعني الكاتب كان عارف بالتأكيد

عادات نطق الكلام، وعارف إن لكل صوت مخرج، بيجير النطق حسب

عادات كل مكان وزمان!

يبقا كل ما تشوف علامة الترباس

الهيروجليفي، صرفها مع مخارج حرف السين!

س / ز / ص / ش

سمن / زمن / صمن / شمن

شوف بقا معاني الكلمة، ف أكثر من جملة، وبأكثر من مخصص

التأسيس / الأصول / الترتيب / البقاء / التجارب

دي كلها معاني وصفات للزمن

يبقا النطق الأقرب لنية وقصد الكاتب القديم، حرف الزين!

زمن، مش سمن، ولا صمن

ده اللي بقصده بالنطق التصريفي، مقابل مدرسة النطق الإصطلاحي!

كلامنا الحالي (اللغة المصري)، متواصل وبيكمل كلامنا القديم!

مش مهم خط الكتابة، الأهم النطق

غير التسجيل، حروف الكتابة مجرد وسيلة للتعبير عن المنطوق، يبقا النطق هو

الهدف وهو الأهم!

تاني:

حرف السين، ف شكل الترباس، ممكن يتنطق حسب المخرج: (س) أو (ز) أو

(ص)، وكان ممكن يتنطق حسب شقيلة المخرج: (ش)، ومنه الشامانية، يعني


الطقوس الزمنية (القديمة)!

المهم المعنا، المعاني هيه اللي بتحدد النطق، القاموس مجرد عامل مساعد!

1423 كلامنا بلدي، مش عامي

متقنين كبار، وشعرا كبار، يصنفو الكلام: (فوصحا)، و(عامية)!

أما أهلنا الطيبين بيصنفوه: "نحوى" و"بلدى"!



طَبَّ الأَبْنُودِي وفؤاد حداد مكنوش يعرفو، ويقولو عن شعرهم "عامي!"

أومال عم سيد حجاب (المثقف الكبير) مشي ورا كلامهم ليه؟

اوڦاڪو ٿڪونو ڦاڪرين "عامية" دی ڪلمه ڪوڀسه؟

"عامية" دي شتيمة ف كلامنا القديم، عشان كده أهلنا الطيبين

مبيستخدموهاش ف كلامهم الحالي (اللغة المصري)!

المصريين الشعبيين، والأدق المصريين البلدي، يصنفو الكلام بين:

• "نحوي" للكلام الصعب التقليل المجلد!

• "بلدي" للكلام الشعبي الخفيف المفهوم!

طب الحكاية دي أصلها إيه؟

المصريين القدماء استخدموا الجدر "عامو" للتعبير عن أرذل الناس من المحاييس والمهاويس، والمشردين الآسيويين، وكان المرض والجرب الآسيوي! بتنوع بسيط ف المخصص بقت الكلمة "عامو" ف الكتابة تتقال عن عمال الفلاحين والصيادين والشحاتين .. نلح (زاي الجدر اللي ف الصورة)!
الحكام والإداريين الغزاة عرفو الكلمة من المتعلمين القدماء بتوعنا، ووصفوها
الشعب المصري كله (العوام)!

فضل الوصف ده، تنقله الدواوين والمتعلمين لغاية ما وصل لنا!
لاحظ ان متعلمينا بس اللي بيوصفوا كلامهم وشعرهم بالعامية!
الناس تقول شعر شعبي .. شعر بدوي .. نلح، وتيجي هنا تلاقيهم بيقلو شعر عامي، والمتقنين يعملو مسابقات ويفرقو جوايز للمتفوقين ف الشعر العامي!
* المصريين الشعبيين الطيبين، من غير ما يعرفو، بس بحسهم الطبيعي، مبيقولوش "عامية" بيقلو كلامنا بلدي، زاي مطلع موال كلامنا بلدي بتاع محمد طه:


كلامنا بلدي لكن غالي وفيه ثمرة
لو تفتكرو البوست بتاع جدر "برت/ بلد"، بمخصص راجل وست، وبمعنا الناس الشعبيين، يعني "بلدي" = الناس الشعبيين/ الجماهير

وكان الحس والوعي المدفون والمنقول ف جينات المصريين، جيل ورا جيل،
خلاهم يعبرو عن كلامهم صح، ومينخدعوش بكلام الدواوين!

2022 / 10 / 20

بعد نشر البوست ده ع الفيسبوك، الشاعر الكبير جمال بخيت زعل مني، وبعث
تعليق عتاب ناشف شوية، المهم إن رأييه كان إن ممكن يكون أصل كلمة
"عامية" وصف قديم مش كويس، إنما واضح إن الكلمة اتطورت، وده طبيعي ف
اللغة إنها تتطور وتأخذ أبعاد ثانية، ويتهيا لي إن زعله كان عشان ذكرت أسامي
رموز شعرية كبيرة وكأنهم مقصرين!

الحقيقة ده رأيي محترم، إنما للأمانة المعاني الواسعة اللي لها علاقة بتصاريف
كلمة "عامية"، زي "عام" و"عمومي" .. نلخ، لهم جدور مصرية خاصة!



1424 كل .. كلهم .. كلنا

* النطق الإصطناعي الاصطلاحي الحرفي:

جرو = كل all

* النطق الطبيعي التصريفي الصوتي:

كلو = كل all

نفس النطق ف أغنية عدوية:

- كلو علا كلو

بارضو مع الست أم كلثوم:

كل نار تصبح رماد، إلا نار الشوء

ومش هننسا عبوها:

كلنا بنحب القمر، والقمر يحب مين؟ 2022 / 10 / 21



1425 روح .. راح .. ريح

جدور التصارييف دي بمعنا المرافقة والملازمة والمزاملة

والمصاحبة .. نلح!

يعني الحروف الثابتة هنا حرفين اتنين: (ر)+(ح)

* الحروف المتحركة بقا حسب التصريف بالعادات اللغوية، تفتتح بمد الألف،

وتتكسر باليه، وترفع بمد الواو!

* فاكرين سهير البابلي ف دور سكينه، أما بتقول ل عبال:

- تعا ف ريحي


* الروح ف صورها القديمة (كا) و (با)، أشكال مرافقة وملازمة ومزاملة

ومصاحبة للنفس!

* فعل راح، بارضو مرافقة وملازمة ومزاملة ومصاحبة لمكان أو زمان أو إنسان أو جماد أو حيوان!

- رايح أجيب الديب من ديله

2022 / 10 / 23



1426 صوماج .. كوماج .. عاشورا

دول ثلاث أسامي بالتبادل والكليات بيعبرو عن الأسبوع المصري القديم!


صوماج: أسبوع من عشرينام، والشهر فيه ثلاث صوماجات!
كوماج: العاشر، ارتبط بنوع من العيش ييتخبز ف اليوم العاشر، يعني ثلاث خبزات ف الشهر!

عاشورا: اختصار "عاشورانا" طبق حلو



كان ييتقدم أول يوم ف الصوماج، بقا كناية عن الصوماج كله، ويبقا الشهر فيه ثلاث عاشورات!

تقول صوماج، تقول كوماج، تقول عاشورا .. الثلاثة كانوا بيعبرو عن الوحدة الزمنية اللي بتقسم الشهر لثلاث وحدات!



1427 ميامر .. أمور .. ميموري

من عجائب الجدر "مر"

ونخلي بالنا أوي من المخصصات والحروف، عشان مش

كل ما القاموس يكتب "مر"، يبقى معناها حب!

"مر"، تتنطق وتتفهم حسب المخصص وحسب الجملة!

هنا "مر" بمعنا جديد خالص نوفي، ومظنش حد كتب

عنه قبل كده:

مر = متابعات / مذكرات / ماثورات / سوابق .. نلخ!


متابعة "أمور" وماثورات مهمة وعظيمة، زاي السيرة

الشخصية!

منها "ميمر" وجمعها "ميامر" ف الثقافة المسيحية، يعني مذكرات القديسين، ومنها

"ميموري" الأوربية يعني ذاكرة memory!

2022 /10 /29



1428 استعباط

ربنا يصبرنا لغاية ما يبقا عندنا "مجمع اللغة المصرية"!

لسة مجامع اللغة العربية بتستحل كنوز اللغة المصرية وبتنسبها لنفسها!

الجدد المصري: عبت / عبط

موجود بأشكال حروف ومخصصات مختلفة، تقريبا بنفس المعاني الي بنستخدمها دلوقتي، تعبط حاجة يعني تلف عليها وتمسكها جامد، اتنين معبطين ف بعض، وعييط القرية المقدس ، بالعبط يعني كتير ومن غير حساب، يستعبط فلان يعني يمثل عليه، والعبط التمثيل الطقسي، زاي التمثيل الي أيام الحج، حتا لعبة التحطيب إسمها كده "عبط"، لأنها معركة تمثيلية!

Cbt تمسيل / تمثيل

Cbt خير كتير / قرايين

Cpit بركة / مقدس

Cbwt لفة / مسكة الحية

Cbt لعبة التحطيب



يعني التمسيل (التمثيل)، مجرد (عبط)، ولاحظو إن الطقوس الدينية ف كل الأديان، القديمة والحالية، مجرد تخيل وتصور للاتصال والحوار التمثيلي!

kens Pap. 3027, 4, 7, the placenta, the "after-birth."

كنيسة 1429

الكنيسة مكان اجتماع

لممارسة الطقوس الدينية!

* تقدر تقول إنه أهم مكان طقسي مسيحي

• (المندي) مكان تجمع طقوس الصابئة (صبّة/ صباو)!

• الكنيس / الكنيسة، مكان تجمع للطقوس اليهودية!

• الكنيسة، مكان تجمع للطقوس المسيحية!

البحث عن أصل كلمة "كنيس" و"كنيسة"، بين كلمة يونانية "الكليسيا"، وبين

الكلمة السريانية "كنشا" مكان الاجتماع!

صحيح ان الكنيس والكنيسة والكليسيا والكنشا أماكن للاجتماع، انما طب

الاجتماع ليه؟ واشمنا المكان ده بالذات اللي يجتمعو فيه؟

- لازم يكون فيه قيمة إيمانية سابقة، ورمزية طوطمية بتحفز وتشجع وتدفع

للتجمع الطقسي الإيماني الديني!

- الجدر المصري القديم "كنس" المكتوب بالحرف الهيروجليفي، من قبل ما تظهر السريانية للوجود، وبالتأكيد من قبل اليونانية بكثير، يعبر عن الرحم/ بيت الولادة/ المشيمة!

- الصابئة أو الصبة أو صباو، صناعة مصرية بواسطة الفلكيين المصريين "صباو"، أما عبرو عن مكان اجتماعهم، استعارو كناية "مندي" مكان صهر المعادن/ أو مكان الرضاعة، اللي بعد كده بقا مكان الطبخ، كناية عن تجهيز وإعداد المؤمنين!

- يبقا الجدر المصري "كنس"، اتصرف ف القبطي "تي-اكليسيا/ تي-اكليسيا"، وظهر ف العبري "كنيس" بتأثير الكتبة اليهود العاملين في مكتبة الإسكندرية، وظهر ف اليوناني "اكليسيا"، كناية ميلاد المؤمنين!

- الكنيسة قبل ما تكون مكان اجتماع، هيه مكان ولادة، وتجديد الميلاد بالنسبة للمؤمن المسيحي أو اليهودي!

عادي عادي عادي .. لو كلمة "كنيسة" أصلها مش مصري، مفيش أي مشكلة، انما أكيد فيه مشكلة أما يبقا الموضوع مش محسوم، وكله تكهنات، رغم إن قدامهم جدر مصري واضح، وتفسيره معقول، بيتجاهلوه ليه؟ ولا لسة السلفيين اليهود والمسيحيين يقولو علينا وثنيين؟

2022 / 10 / 31

1430 شهادة المنشأ



ف كتّابي "الكانة، كيف بدأت الحضارة"،
وصفت قصة بداية المظاهر الحضارية، وإزاي
مفيش أي حضارة تانية لها نفس القصة، وإن
المظاهر الحضارية دي مش ممكن وكان يستحيل انها تبدأ ف أي مكان ثاني!
مبالغة؟

حبة شجاعة؟

شوفينية؟

- ماشي، شوف دي كان:

ف القانون البحري، والقانون التجاري البحري، والقانون الدولي الخاص،
مصطلح بيعرفه المستوردين والمصدرين ومكاتب التمثيل التجاري ف القنصليات،
اسمه: "شهادة المنشأ"!

الشهادة دي أهم ورقة بتطلبها البنوك والجهات الرسمية قبل اعتماد أي عملية
تجارية، بتصدر معتمدة من الغرفة التجارية لكل بلد ينتج أو يصنع أو يصدر
سلعة أو بضاعة معينة!

ف المظاهر الحضارية متقدّرش تعمل "شهادة منشأ" لأي مصدر حضاري، إلا
أما تفوت علا مصر، يعني كأن "مصر" دي هيه الغرفة التجارية العالمية اللي
بتعتمد مصدر أي مظهر حضاري، حتا ولو أصله مش مصري!
- بس كده؟

- لا، الوصف التفصيلي بقا لشهادة المنشأ، تلاقيه ف تكوين اللغة المصرية!
- إزاي؟

اللغة المصرية ف إبداعها الكوني للتسجيل بالمضو-نتر (الهيروجليفي)، واخدة
حروفها من الطبيعة، من ناحيتين:


- أول ناحية: حروف الكلمة لازم يكون لها علاقة بالصوت بتاع الكلمة!
- ثاني ناحية: كل كلمة لها مخصص أو رمز عمومي، بيلخص معناها، ويحكي
حكاياتها، أصلها وفصلها!

طب هل ده متاح او موجود ف أي لغة ثانية معاصرة للهيروجليفي؟
مفیش معاصر أو منافس إلا الكتابة المسمارية ل اللغة السومرية والأكدية،
عبارة عن أشكال هندسية من شكل المسامير، وأعتقد إن صعب تستنج المعنا
من شكل المسمار، وبالأساس مفیش فيها حكاية المخصص اللي يحدد المعنا!

- يبقا اللغة المصرية القديمة، المكتوبة بالمضو نتر (الهيروجليفي)، هيه اللغة الوحيدة ف الكون الي تقدر تمارس دور الغرفة التجارية الدولية ف اصدار "شهادة منشأ"، لكل كلمة، كل فعل، كل إسم، كل صفة، كل أداة .. نلح! شوف بقا كلمة "منش" وبالأدق "منشي"، الي منها كل تصارييف "النشوء" منها "منشأ" وعلامة كل شئ! حتا اسم بلد "منشية"!

الجدر "منش/ منشي" معناه علامة تمييز/ علامة تجارية، وبارضو كان إسم للخرطوش، المستطيل البيضاوي الي بيوضح اسم وصفة الملك، مع كلمة "شن"!

2022 /11 /1



1431 جنازا .. جنازة


الجنازا، أذية، وحزن، وأسية

اللهجات بتنهى المد باله المفتوحة أو المتسكنة أو المكسورة، عشان كده نطق "جنازا" بقا "جنازة"، ف كلامنا الحالي، وف العربي والعبري!

كلمة ف ودن الحاجة: الكلمة فيها مخصص الحزن والغم محدد معناها، وأصواتها واضحة، كل حرف صوته ينفطاً لوحده، سيادتك استبعدت حروف وكتبها "جنس"، ليه؟

وبمناسبة تصميمك استبعاد حروف مخرج السين، رغم إن سيادتك بتعمل ده ببساطة ف كل لغاتك الأوربية، بتكتب بالسين: vist وبتنطقها بالزين: vizt فيزيت، طب بتوهنا إحنا ليه؟

2022 /11 /4


Gardiner's list codes
S14
Transliteration
<u>ḥd</u>
Translation
Silver, money

1432 العملة المصرية: حج

لا نقول "جنيه"، ولا نقول "شيكل"
ولا "دينار" ولا "ريال" ولا "درهم"

نقول: حج

أقدم مصطلح مصري، إن مكنش أقدم مصطلح كوني، للتعبير عن الفلوس،
هو ال "حج"!

- حج، بالتصريف يبقا "حق"، أو "حأ"!

عاوز حجي = عاوز فلوسي / أتعابي / حقوقي / مستحقاتي .. إلخ!

بمناسبة انهيار الـ "جنيه" قدام كافة العملات، لدرجة إن الشيكال الإسرائيلي

دلوقتي يساوي سبعة جنيه! حاجة تزعل، مش كده؟

مع كل الإقتراحات من زيادة الإنتاج والتصدير، عشان يرجع للجنيه قيمته!

أعتقد جه الوقت والأوان عشان ترجع العملة المصرية لإسمها المصري "حج"،

بدل الإسم الإنجليزي "جنيه" المنسوب للذهب الغاني!



- يمكن رجوع الإسم المصري ينفخ ف صورة العملة المصرية!

أهم العملات ف مصر القديمة:










• حج

عملة من الفضة، بدأت ف زمن المبادلة بقطع من الفضة

• شيكار

shaker , Rev. 13, 49, 14, 64, Rec. 30, 115, money, tax, hire, wages ; Copt. .

مقدار عبوة، ومنها كلمة "شيكارة"

shaker , IV, 715, 
, IV, 775,   , a kind of precious stone, rings, ring money (?); Copt.    (?)

الآسيويين قلدوها وصرفوها لـ

"شيكال"


• سبيكت / سبيكة

عملة من خليط المعادن

• سحتوب

قطعة واحدة من أي معدن 2022 / 11 / 6

1433 مناخ .. بيئة


Gardiner's list codes Y5:N35-Aa1-U22:Y1
Translation Potent (of king), rightful, trusty (of officials), efficacious (of commands)
Transliteration <i>mnḥ</i>

بمناسبة مؤتمر المناخ، متفكروش إن كلمة "مناخ" أو
كلمة "بيئة" مصطلحات غريبة، ممكن مبيستخدمهاش
الشارع كتير دلوقتي، لكنها مش غريبة عن أرض

مصر، وسبق واستخدمها كتّاب مصريين تراشيين (إبن إياس/ القلقشندي/
الدميري ..نخ)، وقبلهم استخدمها ديوان الانشا المصري من أيام الدولة المصرية
المستقلة الطولونية!


المناخ = المجال الآمن / الموثوق

البيئة = الطبيعة

من الصور جدور كلمة مناخ، وجدور كلمة بيئة، وبقول
جدور مش جدر، لأن اللي ف الصورة مجرد نموذج!

جدور اللغة المصرية أساس كلامنا، وكلام معظم لغات
المنطقة اللي محوطانا!

2022 /11 /7


Gardiner's list codes D58-M17-G1-X1:W10-F 18-A2
Translation Nature, character, qualities, virtue
Transliteration <i>bit / bît</i>

1434 سبعة (7)، وسبع سماوات



بالحرف الهيروجليفي:

سفخ = (7) سبعة

الفه بتثقل مع البه، والحه بتهرب من مكانها
وتظهر مع أعرق أصوات الجهاز الصوتي!

يعني "سبع" و"سبعة" متصرفين عن "سفخ" و"سفخو"!

- سبع سواقي/ سبع-ترواح/ سبعوع/ أسبوع/ سبع لفات ...

واحدة من نظريات المصري القديم بتعتبر حقايق الوجود سبعة:

• كان أزلي كبير اسمه "إر/ إل/ إللا"، متكون من حاجات كتير ملهاش حصر
ولا نهاية!

• بعث للوجود نور، ف صورة الشمس "رع" الكاملة التامة "أتم"!

• "أتم/ آدم"، بان للوجود ف صورة طير "بنو"!

• ال "بنو" طلع من مائة المحيط الأزلي "نون"، ووقف ع ال "بن-بن/ بان-بان"،

وباض بيضة كبيرة!

• فقست البيضة وطلعت "بتاح"، وكل حي طلع م البيضة = "بتاح/ فتاح"!

• "بتاح" بداية الخلق بالنية والإرادة .. بالأمر والإرادة يكون (إنوي اتا بس وسيب الباقي ع اللي خلقك)!

• خلق الأرض "جب" ف صورة تور، اتجوز سبع سماوات بقرات حتحورات أمورات، ومن كل نوع طلع سبع تنوع!

سبع بقرات سماوات + (تور/ أرض/ شمس) + كان أزلي "إر" = تاسوع
* يعني توحيد وتثليث وتربيع وتخميس وتسديس وتسبيع وتثمين وتتسيع .. كله بدأ من هنا .. الواحد ف الكل، والكل ف واحد .. الأصل بتاعنا ومن عندنا إيه بقا حكاية السبع سموات؟

• إما انها حقيقة، وفيه بالفعل فضا عبارة عن سما متكونة من سبع طبقات أو سبع درجات سماوات، أو خلطة من سبع عناصر .. نخ (الجدد المصري سما = مخلوط/ ممزوج)

• وإما إنها مجرد كناية وتصور باطني، يعني مفهوم رمزي، لتبسيط المجهول! معارفنا الحالية بتقول إن مفيش حاجة اسمها "سما"، وإن اللون اللي بنشوفه ده عبارة عن شكل الغلاف الجوي بتأثير شروق وغروب الشمس، وإن الكون عبارة عن "فضا" كبير، بحر (نون) ملوش نهاية، يسبح فيه خليط مجرات ومجاهل (ثقوب) ونجوم وكواكب وأقمار ومذنبات وشظايا بملايين الملايين والمليارات .. لا ليهم سقف ولا نهاية!

• ممكن تعتبر كل نوع من أنواع مجرات الفضا "سما" .. وتبقا السموات السبعة أنواع من المجرات!

• أو تراجع تصنيف طبقات الغلاف الجوي، وتخليهم سبعة، وتقول إن ده المقصود بالسموات السبعة!


• أو تريخ دماغك، وتقول زاي جدك، إن الفضا عبارة عن سبع سموات، وخلاص!

خبرة الجدد، حكمة ووصية واستشارة مجانية، إوعا تهملها أو تنساها، لو مفهمتهاش خليها كده لغاية ما ييجي وقتها، حطها ف حدوتة، افرح بيها واسعد اللي معاك .. غيرك عمل كده، وعمل م الفسيخ شربات .. ثقافة وسياحة وطرايف ومزارات!

- أعمل مدينة للفضا والمجرات، حوطها بأكبر سبع بقرات حتحورات .. كل بقرة ف مدار، جواها وبراهها فسحة ومزار، متورجل وطفاطف وموتوسيكلات .. والكون والفلك يتشرحو ف السبع لفات .. مولد كبير وتساکر وزیارة وكرامات!

2022 /11 /8









1435 غيرة .. غل


Gardiner's list codes
T28:D21
Translation
Dregs, underside, bottom, low lying land
Transliteration
br / brw
Grammar type
Noun
Translation
Lower, underlying, having

الغل والغيرة، الإلتين وحشين

مشاعر تحتانية/ واطية/ سفلية

مهما كان استخدامهم الحالي مختلف، انما جذرهم واحد!

kher 
under, having or possessing something; Copt. ⲉⲕⲏ, ⲉⲕⲏⲓ
kheri 
U. 552, P. 77, 
 , under, subservient to, a person or thing under something, lower, the lower part; Copt. ⲉⲕⲏⲓⲉ, ⲉⲕⲏⲓⲉⲓ;  , face downwards;  =  , downwards;  , under the favour of.

غر = تحتاني/ جواني .. ورا الكلام

(كلام متداري/ شعور متداري/ حماس

متداري/ احساس مدفون .. نخ).


عارفين كلنا قاعدة تبديل أو شقلبة

حروف المخرج الواحد، الره واللام بقا

مش بس مخرج واحد، الكاتب القديم تعامل معاهم وكأنهم حرف واحد، بقا

ال "غر" = "غل"!

2022 / 11 / 10


Gardiner's list codes
Aa18-Z1-D58-G29-G1-Z 4:D21-Z1-M2:Z2
Transliteration
sbr
Translation
Twigs, shoots, tendrils, wine, alcohol

1436 صبر .. صبور .. صبار

فرجه قريب

جدر كلمة صبر من المصري القديم ، بين معنيين:

*ضرورة الوصول/ قرب الوصول

أو

*اسم نبات/ فرع نبات/ نوع بيرة

أنا ميال لاسم النبات الي منه "الصبار" إسم النبات

الصحراوي المعروف بقوته واحتماله للعطش وكافة الظروف الصعبة! ليه؟

لأن القاعدة إن كل الجدور المصري أصلها أسامي، ومن الأسامي بتتصرف

الأفعال والصفات والأدوات وأسامي الفاعل والمفعول والكنايات .. نلخ!

2022 / 11 / 11



Gardiner's list codes

M17-V28-E1

Transliteration

ih

Translation

Bull, ox, oxen, cattle, herds

1437 يا "إيحا"

أو بصوت شادية "ريا وسكينة"

يا إبييحا .. يا تلييحا .. ياللي الشيطان يئولك يا

أبييحا

الإيحا، هو القادر البخيل

أصل الإيحا، إسم التور، فحل البقر والجاموس، الدلوع الي كل وظيفته ف

الحياة ينطع البهايم!

لا يتعلق ف ساقية ولا محرات، ولو عيل فكر يركبه يرميه، ولا ناخذ منه شوية
لبن ولا بيولد ..

الفلاحين حياتهم م النجمة شغل وشقا، واللي يقعد يتفرج ويتمنظر عليهم يبقا
حمل تقيل

ولهم تشبيه بليغ عن الشخص اللي مش يشاركهم، إنه بعيد عنهم ومش فاهم
حياتهم، يوصفوه بإنه: تور الله ف برسيمه


واضح إن أصل المثل، من أيام تيران البرابي اللي كانت:

- أكل ومرعا، وقلة صنعة

إسم التور "ايحا"، بقا كناية عن قلة العطا مع القدرة، يعني البخل!

- لا تركي ولا فارسي، لا عربي ولا عبري، كلامنا أصلي مصري

2022 /11 /13


Gardiner's list codes O29-U28-E23:D40
Transliteration 'dr
Translation Assistant, Helper, Aide
Grammar type Noun
Additional info Epithet of Amun and Min

1438 عضل .. عطل .. عتل .. عصر

علمت اللغة المصرية القديمة احتارو ف نطق علامة شرارة

شطاطة النار، أو شرارة الولاة القديمة!

تاني شكل من شمال الصورة


بعضهم ينطقوه (چ) جيم متعطشة، وبعضهم ينطقوه (دج) حرفين الدال والجيم، مدغومين ف بعض!

كأن ف القواميس القديمة، وقاموس أحمد باشا كمال، تلاقيهم بيصرفو نفس الحرف مع الزين (ز) والذال (ذ) والصاد (ص) والظه (ظ) والضاض (ض) والظه (ط) والته (ت) والدال (د) والجيم (ج)!

الغريبة إنك ممكن تلاقي تصارييف مناسبة لكل حرف من دول، مع نفس الجدر، وبنفس المعنا، أو ف نفس دايرة المعنا!

طيب، يبقا الصح إيه؟

ويبقا الحل فين؟



- الصح ف كل دول!

- والحل، حسب منهجي، اللي

بكره ف بوستات كتير وكل ما بتيجي مناسبة، إن الحل ف النطق التصريفي،

المدرسة اللي بدعها أحمد باشا كمال، وكلنا تلامذة ف المدرسة دي!

- النطق التصريفي (أ) بيان إنه عكس النطق الإصطلاحي (ب)، إنما

الصراحة إني شايفهم مكبلين لبعض، ومينفعش نعلم اللي بيدرس طريقة واحدة

منهم وبس، لازم كلنا نتعلم ونجود الطريقتين مع بعض، إن كنا بالفعل ناويين

نوصل كلامنا الحالي بجدور كلامنا القديم، بجد!

- التمهيد الي فوق ده كان ضروري، عشان نقدر نقرا الكلمة الي ف الصورة دي بالطريقتين، مع تصارييف حرف رمز شرارة الولاة و كان تصارييف حرف رمز البوء و رمز الأسد :

(أ) - طريقة النطق الإصطلاحي = ع (دج)ر/ ع (چ)ر.
(ب) - طريقة النطق التصريفي = عزر/ عزل - عذر/ عدل - عصر/ عصل
- عطر/ عطل - عصر/ عضل - عطر/ عطل - عتر/ عتل - عدر/ عدل -
عجر/ عجل .. نلخ!

ناخد من كل التصارييف دي إيه؟

نصفيهم إرزاي؟ والأقرب للصح إيه؟

المسألة مش بالشكل، ولا عشوائي، إنما بالقانون والقواعد!

القاعدة بتقول إن العلاقة بين الجدر والتصريفة بتتحدد بشرطين:

(1 تواصل الحروف الأساسية + 2 استمرار دايرة المعنا)

طيب الحروف الأساسية (بتصارييفها) موجودة، وكلها متواصلة ف الألفاظ الي عرضناها فوق دي، يبقا فاضل الشرط الثاني، عن ضرورة استمرار التصريفة ف نفس دايرة المعنا بتاع الجدر الأصلي!

نشوف كده مخصص الكلمة، الإيد الي ماسكة عصاية ال(حق)، دليل القوة/
الغضب/ العنف/ الإجبار/ الإلزام .. نلخ!

كأن نحلل الحروف نفسها، لأن الكاتب القديم مكنش عشوائي، كان يختار الحروف اللي لها علاقة بالمعنا:

أول حرف (شكل عامود) رمز للقوة والسند والثقة، ثاني حرف (شرارة الولاة) رمز للإنتشار القوي، أو قوة النفاذ وحرارة الحماس (يظهر معناها بالخفنة ف جدور لإسم نباتات عطرية نفاذة، زاي اسم الزعفران)، ثالث حرف (الأسد) بارضو رمز للقوة (ملك الغابة)!

يعني دائرة المعنا (حسب رمزية الحروف والمخصص) كلها مع مستلزمات القوة (ظاهرة ومباشرة أو محسوسة وباطنية)!


أنا شايف إن كل التصارييف اللي فوق دي من كلامنا الحالي متواصلة مع النطق التصريفي للجدر، ولها علاقة بدائرة المعنا!

حتا التصارييف اللي شكلها بعيد عن المعنا، زاي "عطل" اللي منها "عطلة" يعني أجازة، لو فكرنا انها بارضو لها علاقة بالقوة، قوة التوقف، تخيل لو عريبتك (عطلت) يعني باظت ووقفت، لا بمزاجك ولا بمزاجها، فيه قوة قاهرة أجبرت العربية ع الوقوف، وعشان تصلحها محتاج قوة أكبر، متخصصين ومعدات ووقت ونفقات = قوة!

عزل وعذل وعصر (عصير/ عصارة) وعطل (عتلة/ عتال) وعضل وعطر نفاذ وعطل .. نلح

تنويه القاموس لإسم طقس ديني له علاقة ب النتر أمن (آمون) والنتر مين،
 سايب أثر عن وظيفة كهنوتية بنفس الإسم، ممكن نلاقيها ف أسامي شخصيات
 أسطورية لها علاقة بالقوة الفعالة والسلطة النفاذة، الملك (عصران) والملك
 (عطلان) ف الحواديت، وممكن يكون منها إسم (عطيل) بتاع شيكسير، اللي
 كان من عينة الكّاب العظام اللي مفيش حاجة عندهم عشوائي!

2022 / 11 / 19



1439 أباتي .. أماتي

لسة أهالينا ف الصعيد محافظين ع #اللغة=المصري

بيقولو أباتي وأماتي

لسة المصريين مع لغوتهم متواصلين

بنفس الطريقة اللي لسة جزء كبير من المصريين بينطقها، كان جدودنا بيقولو





عن أهاليهم: أباتي

ده النطق الصحيح للكلمة اللي ف الصورة

لازم نجرب أول حرف مع الألف: م/ ام - س/ اس - ب/ اب .. نخ

عشان لو مجموعة تانية يقولو: أبهاتنا أو جدودنا، مفيش مشكلة .. كله كلام مصري أصلي، إنما المشكلة لو نطقناها انجليزي ولا تركي، الأحسن نعود ولادنا وأحفادنا ع الكلام المصري!

2022 / 11 / 20

Āa rek (Āa-lek) 



 the "Island of Philae," at the south end
 of the First Cataract; Copt. ΠΙΛΑΚ, Arab. بلق.

1440 بولاق . بلقاس . بلقس

أسامي البلاد صعب أوي متابعة تصاريدها ف كل العصور
 خصوصن لو بلاد متطرفة (ف الأطراف)، أو جزر وأحواض نقعات بعيدة!
 الكتاب القدم، كانوا إما ينقلو قصص وحكايات أسطورية عن أسامي
 البلاد، يا إما يجتهدو ويفسرو حسب معارف عصورهم!
 • كتاب المصريين اكتشفو طريقة للربط بين الجدور وتصاريدها من ملاحظة
 تكرار الأسامي!

يعني اسم "أون/ عون" العاصمة القديمة، اتكرر كثير، وكل مرة يحصل تصريف
 يغير من الاسم، زاي التصريفة الأخيرة لـ "أون" = (عين) الشمس، اللي بقت
 "عين" شمس، يعني جدر مصري متصرف مع ترجمته العربي!

بارضو اسم "أثريب / أثريب" من العواصم القديمة، اللي منه تصريفة "يثرب"، ف الجزيرة العربية، كمان اسم "طيبة"، واسم "واست"، اللي باقي منه تصريفة اسم مدينة "الواسطة" بيكتبوها بالعربي: "الواسطى"!

• السير والس بدج، لاحظ إن إسم "يالاق" -بحرف اللام الصريح مع شكل الأسد- متكرر كتير ف أسامي جزر نيلية، ونقعات وسط البراري، وقام بمتابعة تصاريف الإسم، لقاها متضافة ف القبطي مع أداة المكان "با"، عشان تنطق كلها "بالاق" أو زاي ما وصلنا "بولاق"، ولأن أداة المكان "با" أصلها "بر" اللي موجودة ف أسامي الشهور بالصيغتين، دليل إنهم بيتبدلو مع بعض، يعني "بر-مودة" وبعدها "بر-خنسو"، اللي بننطقها دلوقتي "بشنس"!


حصل إيه؟

تكرار أسامي الجزر النيلية وأحواض نقعات الترع والمناليل ف البراري، ظهر فيها اسم "بالاق"، ومع العصر البطلمي، وضحت تصاريف من نفس الإسم مع السين (س) أداة التنوين اليوناني، ومنها "بلقس" و"بلقاس"!

الخلاصة: اسم "بولاق" بأقرب نطق من نطقنا الحالي، عبارة عن تصريفة قبطي متكونة من الأداة "بر/ بل" + الجذر المصري الهيروجليفي "يالاق/ يلاق"، ومن التصريفة القبطي ظهرت مع السين اليوناني: "بلقس" و"بلقاس"!

* عشان كده الجغرافيين المحترمين اللي سجلو أسامي البلاد، ومنهم "جمال حمدان" و "محمد رمزي" يستاهلو التخليد، بتمثال أو اسم قاعة ف كلية أو منحة جامعية ..
نخ، بس بلاش تغيير الأسمي ، وياريت يطلع قانون يجرم تغيير الأسمي،
واعتبار أسامي البلاد القديمة كنوز أثرية، زي كل الكنوز الأثرية!

2022 / 11 / 22



1441 قدم .. قادم .. قدام

الجدر "م-قد" مع التصريف باللفظة = "قد-م" = ف الإتجاه/

حوالين الإتجاه/ قريب من الإتجاه/ مع الإتجاه .. نخ

بمخصص حركة الرجلين/ القدمين، بمعنا القادم = الي جاي

* فيه جدور تانية صريحة من غير التصريف باللفظة، إنما المخصص هنا حدد

المعنا بكل وضوح

2022 / 11 / 23



1442 قرص .. قلص .. قلش

تقريص .. تقليس

تأريص .. تأليس

تجريس .. تجليس

جدرهم اللي ف الصورة بمعنا = تشويه / تشكيل / دفن
اتكلمو واكتبو مصري، وبلاش "أرص" و"مألسة"!


حاول كده تترجمهم عربي:

قرص = لدغ / مسك جلده وأذاه

ألس / قلس = تهكم / استهزاء / تشويه .. ودلوقتي يقولو: تنر!

ألش / قلش (قلشان)

2022 / 11 / 28



1443 فاق .. تفوق .. متفوق

سواء التفوق يعني النجاح والسبق



أو الافاقة من النوم أو الغيبوبة

كلها حركة ونقلة سريعة من حالة لحالة!

حتا "فوق" يعني النقلة من تحت!

2022 / 11 / 29

منديل 1444



منديل الحب

منديل المأذون

منديل قماش

منديل ورق

منديل بأوية

منديل الوسط

منديل عروة الجاكتة

منديل ليلة الدخلة

المنديل السحري

• منديل أو خريطة

من كلامنا الحالي والقديم: "منديل" من الجذر "ندل" يعني مسكة أو قبضة أو حوزة قماش للنضافة، ومنه "نادل" يعني ماسك/ مساعد ف المسك والمسح والتنظيف.. نلخ!

"منديل" تصريف بصيغة المفعول، يعني الميم بادية او بادية أو سابقة زيادة ع الكلمة لتوصيل معنا المفعول، زاي "مفتاح" من الجدر "فتح"، و"منشار" من الجدر "نشر"، و"مخراز" من الجدر "خرز" .. نلخ!

كمان كنا بنستخدم مكانها كلمة "خريطة" من الجدر "خرط" يعني حنة قماش ممسوكة أو مربوط فيها حاجة، وكان نفكها ونشاور (نلوح) بيها للمسافرين! متنشوش تصريف الره واللام بالشقلبة كأنهم حرف واحد، لأن مخرجهم واحد: ندر/ ندل .. مندر/ مندل

• "منديل الست"، أشهر منديل ارتبط بأم كلثوم، بقا علامة بتميز حضورها!
• "منديل الأوية" اللي ميز هدموم البنات والستات زمان، يعني المنديل المتلون والمتزين، تميز وشياكة، ووقت اللزوم نضافة وفرشة وربطة الأمانات أو تتحزم بيه وترقص .. نلخ!

أصل كلمة منديل، من جدر مصري أصلي، ولو موجودة ف لغات تانية، هتلاقيا بمعاني مختلفة!

يبقا الهدف إنك تعرف أصل كلامك، عشان تقدر تفرق بينه وبين الأجنبي، "محرمة" أو "كلينكس" .. نلخ!

"منديل" بالعربي، ملهاش مصطلح، لأنهم عرفوه متأخر، يقولك:
نسيج قماش يسمح به .. نلخ!

"منديل" بالعبري = "ميت" מֵיִת

يعني اللفظ ملوش جدر ولا أصل إلا ف [#اللغة_المصري](#)

- وافرش "منديك" ع الرملة، وأنا ألف وأجيلك ع الرملة

2022 / 12 / 2



1445 تلبية الحجاج: ال جد دايم

الحج المصري القديم كان ف مدينة "أيدوس" / مركز

البلينا/ محافظة سوهاج

مكان دفن راس النتر "وزير"، أو "الأوزيريون"!

لسة فيه حجاج أجنب بيتددوع المكان، اسمهم "العبادة"!

• معاد الحج بيكون يوم 15 كيهك، لمدة أربعاشريوم، بتنتي طقوس الحج

يرفع عمود ال "جد" يوم 28 كيهك.

طقوس الأربعتاشريوم، مشروحين ف كتاب جديد #الحج_الأبدي، وكان

بالتفصيل ف الطبعة الثانية من كتابي [#الأعياد](#)

• المهم ف البوست ده، أو الجديد، هوما كانوا بيقولوايه؟

أو إيه الجملة اللي كانت بتتردد علا لسان حجاج أيدوس؟

يعني الحجاج المسلمين دلوقتي بيقولوا: الله أكبر كبيراً!



وبصراحة معرفش الحجاج المسيحيين يقولو إيه!

• طب حجاج الأوزيريون كانوا يقولو إيه؟

بالنطق الإصطلاحي، زاي القواميس:

R dD DM

بالنطق التصريفي، بطريقتي:

L dD DAYM

ال جد دايم .. ال جد دايم .. ال جد دايم


يعني الأحفاد مغبروش كتير:

الله يا دايم، انتا الدايم، ولا دايم إلا الله

الله يا دايم، انتا الدايم، ولا دايم إلا الله

الله يا دايم، انتا الدايم، ولا دايم إلا الله

2022 / 12 / 2



1446 ست الكل .. سيد الكل

كلامنا وتعبيراتنا الحالية متسجلة من آلاف السنين

مش بس بنقول وبنردد معانيها، لأ احنا بنكررها بالمعنا والحرف!

المشكلة إن الخواجات بتوع القواميس مكش ده من أولوياتهم

حتا لما حاول أحمد باشا كمال ينشر الترجمة بالتصريف حاربوه ودفنوه مشروعه،
وده معناه إن العمل الفردي محصوله ضعيف، مهما كان عظيم بوزن باشا محترم
ومثقف كبير، يبقى لازم العمل الجماعي، العمل المؤسسي!

- الصورتين بالنطق الاصطلاحي:



١- نب-ر-جر = سيد الكل

٢- نبت-ر-جر = ست الكل

- الصورتين بالنطق التصريفي:

١- نب-ل-جل = سيد الكل

٢- نبت-ل-جل = ست الكل

واضح إن النطق التصريفي قرب الصورة، صح؟

طب لو طبقنا كل قواعد الصرف، ونطقنا اداة الربط (ر/ ل) مع الألف،
وده مفروض نجربه ف البدايات، لأن دي عادة لغوية أساسية: محمد/ امحمد -
منازع/ امنازع - مهاود/ امهاود .. لو فاكرين فيلم صراع في النيل، البطل كان
إسمه "مجاهد"، وكان أحمد الحداد يقولها: امجاهد!


وكان لو صرفنا الجيم مع حروف مخرجها الواحد هنوصل للكاف:

١- نبت-ال-كل = ست الكل

٢- نب-ال-كل = سيد الكل

2022 / 12 / 2

1447 قص .. مقموصة .. كمش


Gardiner's list codes
D28-Z1-Aa15:D36-Aa18 -Z1-Z9:D40
Transliteration
<i>kms</i>
Translation
Weakness, error, cowardice

القمص, غضب أو زعل مكبوت

يقولك فلان مقموص، يعني زعلان بس محدش

يعرف السبب!

نشوف جدرها المصري القديم نلاقه بمعنا الضعف

والعجز والجن!

فيه إتجاه لنطق شكل الايدين المرفوعين بالقاف (قا) مش بالكاف (كا)


أعتقد نطق الكلمة دي بترج القاف، لأن تصريفها ف اللهجات المصرية مع

الهمزة/ أمص (بحري)، ومع الجيم/ جمص (قبلي) بيأكد انها بالقاف (قا)

وبشقلبة السين مع الشين، "كمش" و"كماشة"،

و"إنكاش"، وده الوصف الدقيق للمقموص!

2022 / 12 / 3


Gardiner's list codes
U23-D58-D46:N26-O49- A1-B1
Transliteration
<i>ꜥbdw</i>
Translation
The Inhabitants of Abydos

1448 أبد .. أبدي .. أبدية

الإسم الأصلي لمدينة أبيدوس: أبدو

سكان أبيدوس: أبديو

حجاج أيدوس: حجو-أبدي

إسم أيدوس -من غير السين اليوناني- يترجم وظيفتها باعتبارها مقر رأس
أوزيريس، دار البقاء والدوام، ورمزه علامة الجد، ونداء الحجاج: الجد دايم

2022 /12 /11



1449 خصم

خصوم الهوية المصرية

إدارة جاهلة + وهابية + أعرابية

*الإدارة الغبية اللي بتبدل أسامي المهن والحارات والعزب والكفور، من غير
وعي بالأسامي اللي أصلها من اللغة المصرية!

*الوهابية وأعوانها الكثير، اللي شايفين الوطن حفنة من تراب، ووظف ف مصر!
*الأعرابيين اللي أشد كفراً ونفاقاً، وماشين ف سكة تعريب مصر أم آلاف

السنين من قبل ما يظهرو للوجود!

• شباك، مش نافذة

• مطل، مش نافذة

• طاقة، مش نافذة

*محضر، مش معاون تنفيذ

• جامع، مش مسجد

• مصلية، مش مسجد

• زاوية، مش مسجد

*محضر، مش معاون تنفيذ

• جنينة، مش حديقة

• بستان، مش حديقة

• روضة، مش حديقة

محضر، مش معاون تنفيذ

• راح، مش ذهب

• مشي، مش ذهب

• غار، مش ذهب

محضر، مش معاون تنفيذ

يفط مكاتب المحضرين اتغيرت، من محضرين السيدة، ومحضرين زينهم .. نلح

بقت معاونين تنفيذ كذا،، طلع إن دي أوامر باشا كبير ف وزارة العدل!

الباشا إياه ده، واللي زيه، هوما المقصودين بكلمة الإدارة الجاهلة!


ناس وظايف ومناصب ومنفوشين ع الفاضي، ثقافة ميح، الوهابيين والأعراب

واكلين دماغهم، خصومتهم للهوية المصرية، خصومة جهل مركب!

جناب المدير ميعرفش إن كلمة "محضر" من جذور اللغة المصرية القديمة!
 وسيادته ميعرفش إن مهنة الـ "محضر" باللفظ والمعنا، مهنة مصرية قديمة، قبل
 العثمانيين والعرب والرومان والبطالمة والفرس!
 وبالتأكيد المستشار ميعرفش إن "محضر" من ألقاب أنوبيس، الدراع اليمين
 مساعد أوزير قاضي القضاة!

بالنطق الإصطلاحي: خصم = ضريح وهمي
 بالنطق والترجمة التصريفي: خصم = مكان الوهم / مكان الكذب ... مخصص
 المكان عليه علامة النفي!

2022 / 12 / 17



Gardiner's list codes
 U1-G1-F40-Z7-E23-Z1-V
 12:Z1
Transliteration
 mꜣwr / mwr
Translation
 Write

1450 موال

الموال أصله مكتوب

حكاية مكتوبة

منظومة

مسطورة

موار / موال = كتابة / مكتوب

مخصص العقدة أو الربطة، يقول إن الترجمة اقرب للحبكة، يعني حكاية مكتوبة

محبوكة، قصة لها حبكة!

آلوف الموال آلو

موال موال .. عاشق بقيت موال

وقصتي بتتقال


بتوع التوثيق فين؟

بتوع التراث العالمي فين؟

ولا عصر عثماني ولا عباسي

الموال أصله مصري

2022 / 12 / 19




1451 قضا .. قضاة

محكمة، من آلاف السنين عندنا محاكم ومؤسسة للعدل

قضاة وميزان ومجلس للحكم والفصل ف المنازعات، من آلاف السنين قبل

الميلاد، ودلوقي أعداء الهوية المصرية يجاربو عشان مصممين يرجعوننا لمرحلة

المصاطب العرفية!




كتب بريستد ف كتابه فجر الضمير، ص 40:

"وإننا نجد الاعتقاد بوجود إله يهب الحياة للطيب، ويقدر الفناء للخبيث، واردةً في المسرحية المنفية، التي كتبت في منتصف الألف الرابع، قبل الميلاد، أما فكرة المحاكمة في الحياة الآخرة، وقد أخذت تتحدد بوضوح مطرد امتد إلى ما بعد عام 3000 ق.م، فلم تكن الفكرة في أقدم أشكالها تفترض حضور جميع الناس أمام المحكمة، إنما افترضت محكمة عدالة كالتي توجد على وجه الأرض يحضر أمامها الأفراد لإصلاح الخطأ"

حتا قاعدة: "المتهم برئ حتا تثبت إدانته"، متاخدة من أسلوب المحاكمة! كل الناس هيتحولوا لكائنات مقدسة "نثرو"، مباشرة بمجرد انتقاهم من حياة الدنيا لحياة الآخرة، ماعدا الي فيه شك ف أعمالهم، بتعتقد لهم المحاكمة، ويا إما ينبحو وياخدو براءة ويروحو ع العالو واليارو، أو يفسلو وياكل قلوبهم "عمموت"، ومصيرهم الهلاك!

محكمة الآخرة، زاي محاكمات الدنيا لغاية دلوقتي، لازم ممثل اتهام وقايمة ثبوت
وقيد ووصف للتهمة، وده بيبرر وجود شخصيات معاونة للقاضي أوزير، أنوبي
وتحوت وشاي .. نلخ!

2022 / 12 / 22



1452 إسم .. أسامي

الإسم حالة

ف أصل اللغة المصرية، الإسم مش مجرد مصطلح

متعاد ومتكرر!

الإسم حالة!

الإسم عنوان بيوصف ويبيعبر، مش مجرد يافطة والسلام!

اللغة المصري تقدر تسميها كده: "لغة الأسامي":

- كل فعل مصدره إسم
- كل صفة مصدرها إسم
- كل كناية أصلها إسم
- كل أداة ربط، بارضو أصلها إسم
- الجملة المصري، إسمية مش فعلية!

أية، تقدر تقول إن اللغة المصري لغة الأسامي!

ف قواعد اللغة، لازم نفرق بين لغتين:

اللغة التركيبية، اللي فيها تنوين وتشكيل الكلمة يحدد وظيفتها.

واللغة التحليلية، اللي مكان الكلمة بس هو اللي يحدد وظيفتها.

• اللغة العربية، لغة تركيبية، بتعتمد ع التشكيل والتنوين!

• اللغة المصري، لغة تحليلية، بتغير مكان الكلمة حسب وظيفتها!

ف وظيفة الإسم، بارضو نقدر نفرق بين لغتين:

الإسم الإصطلاحى: نتيجة التكرار والعادة (ديموقريطس)!

الإسم التوقيفى: إسم صحيح بيعبر عن الحالة (هيراقليطس)!

• اللغة العربية، الأسامي فيها إصطلاحية، هيه كده وخلاص!

• اللغة المصري، أساميا توقيفية، كل حاجة إسمها موقوف عليها!

يبقا الشبه اللي بين العربي والمصري، شبه ف الألفاظ والأصوات، مش ف

القواعد!

الشبه اللي بين العربي والمصري ف الألفاظ، نتيجة الأسباب اللي شرحناها ف

فصل مخصوص قبل كده، وإن الآرامى اتكون وإتشكل ونضج ف مصر وقت

الإحتلال الإستيطاني الهكسوسى، ومن الآرامى إتشكل العربى والعبرى!


2022 /12 /28

1453 اللغة المصرية الحديثة

تروي سيرة الطاهر قصة السلطان « الظاهر بيبرس » الملك العادل صاحب الفتوحات ملك مصر والشام وقواد عسكرياً ومشاهير أبطاله . وصل الأمير بيبرس إلى عرش مصر في الشهر الأخير في العام ٦٥٨ للهجرة وتوفي في الشهر الأول من العام ٦٧٦ ؛ واستمر حكمه أكثر من سبعة عشر عاماً بقليل حسب التقويم القسري (أي ما بين ١٢٦٠ م - ١٢٧٧ م) . والمؤلفات الكاملة التي تتناول سيرة بيبرس نادرة في المكتبات ولقد اجتمعت في الواقع النسخة الوحيدة الباقية في مصر .

يتألف الكتاب الذي ابتعته من ستة أجزاء من قطع الربع ، ولكنه مقسم اسمياً إلى عشرة أجزاء ويوضع أجزاءً من نسخ مختلفة . ونجمل في الواقع مؤلف السيرة وعمره ، وهي مكتوبة باللغة المصرية الحديثة البسيطة وانطلاقاً من مبدأ توجيه السيرة إلى العامة . ومن المحتمل أن يكون النسخون أدخلوا تغييرات كبيرة عليها فحدثوا لغتها . وأما أقدم أجزاء النسخة التي أمكنها فوضعت منذ أكثر من قرن . وسأقدم للقارئ العزيز لمحة موجزة عن مضمون الجزء الأول

٤١٠



اللغة السبعنتاني الي بنتكلها ف مصر، دلوقتي ومن حوالي ألف سنة، وبالظبط ف الألف السابعة حسب التقويم المصري، مسمهاش اللغة العربية، وملهاش علاقة باللغة العربية، غير حروفها النبطي، الي متاخدة ف الأصل من حروف المصري الديموطيقي!

اللغة السبعنتاني الي بنتكلها دلوقتي، هيه دي آخر مرحلة من مراحل تطور اللغة المصرية!

* اسمها الصح بالعربي: اللغة المصرية الحديثة!

* اسمها الصح بالمصري: اللغة المصري!

* اسمها بالغلط المقصود منه الإهانة: العامية!

شوفو أشهر كاتب مستشرق انجليزي ف القرن تسعناشر وصفها بإسمها العربي:
اللغة المصرية الحديثة!

وهو بيوصف اللغة اللي انكتب بيها أشهر السير الشعبية وقتها:
سيرة الظاهر بيبرس

ياريت نتحرر بقا من الكذب اللي اتعلمناه ف مدارس التعريب الإلزامي، ونبتل
نحتقر لغوتنا، لأن "عامية" من "عامو" يعني همج/ حوش/ لمامة/ أراذل/ محابيس
.. نلخ!

قولها بالمصري: اللغوة المصري

أو حتا قولها بالعربي زي الخواجة: اللغة المصرية الحديثة

2022 /12 /30



1454 مسا التماسي

مساء الخسارة والمجهود الضايح

لو عايز تعلم طالب في الكلية، مبادئ اللغة
المصرية القديمة، هتلقا لطريقة النطق

الاصطلاحي، يعني حسب القواميس الأجنبية، والكتب الأكاديمية، مفيش
أي مشكلة، ولو مؤقتا!

انما لو عايز تعلم أطفال، أو حتا كبار، ويهمك توصل بين القديم والجديد، يبقا لازم تختار الكلام اللي يقرب المعنا، واللي يحقق التواصل ده!

النطق الإصطناعي الاصطلاحي الحرفي، خطر علا تحقيق التواصل، لأنه بيعمل حاجز، واللي يسمعك بتكلم بالطريقة الاصطلاحية، بيفتكر كلام الهنود الحمر والاسكيمو، يعني بيطلع الكلام ملوش علاقة بالمصري الحالي!

النهاردة ف ندوة الدكتور وسيم سمعت تجربة اتبذل فيها مجهود كبير لتعليم الهيروجليفي للأطفال، انما الست بتعلمهم إن مساء الخير = جرح نفر ترجمة مساء من اللغة المصرية القديمة لها أكثر من معنا، ومنهم الكلمة اللي ف الصورة: مسوى

بالذمة الأقرب لفهم المصري الحالي، للتعبير عن زمن المساء، كلمة "جرح"، ولا كلمة "مسوى"؟

- لو حقيقي اتنا قاصد توصل ومتقطعش بين مراحل اللغة المصرية، يبقا لازم تختار الأقرب!

كلمة "مسا" متصرفة من الجذر "مسوى"، لأن حروف الحركة بتتبدل أو بتتشقلب مع بعض، كأنهم حرف واحد!

بالمناسبة اللي بنادي بيه ده مش اختراع، الانجليزي عمل كده، فين انجليزية شكسير من دلوقتي، وكان العربي نفسه عمل كده، حتا لغة القرآن الكريم،

أول إسم اتعرفت بيه الحالة المرضية دي، هو: الجلطة!

- ليه؟

- أصل كلمة "جلطة" أو جدرها اللغوي، كناية وتشبيه من إسم

نبات طبي كان بيتعمل مرهم!

النطق الإصطلاحي: جارتا

النطق التصريفي: جالطا

Medicinal plant and the unguent made from it

دي بالظبط حالة الكتلة الدموية اللي بتسد الشريان أو الوريد، كتلة لزجة!

يعني اللزوجة والجليطة كناية من إسم وشكل المرهم!

دليل جديد إن اللغة المصرية هيه لغة الأسامي، جملتها اسمية، وأفعالها وأسامي

الفاعل والمفعول وصفاتها وأدواتها متصرفين من الأسامي، وعشان كده أد ما

نقدر لازم نحافظ ع الكلام والأسامي المصرية

المواعين اللي متغسلتش كويس:


- مجلطة! يعني لسة فيها آثار الدهون!

قلة الذوق والبجاجة:

- جليطة (كناية)

جليطة النطق الإصطلاحي بقاء، إن شكل الأسد اللي مفروض بيعبر عن حرف
اللام متكرر ف نطق الكلمة، وصاحبنا مطنش ومصمم ينطقها بالراء!
ربنا يعافينا ويحمي أهالينا وحبايبنا من الجلطة والجليطة!

2023 / 1 / 4



1456 عيب .. عايب .. معيوب

العيب نقص عن الطبيعي

النقص بالقذارة أو التلوث

والنقص بالكسل والإهمال

وعامة النقص خروج عن الأصول

العيب، من خصوصيات الإنسان، يعني الحيوانات بتتصرف حسب غريزتها،
مهما كان المكان والزمان!


العيب والعيوب، من الجدر المصري اللي ف الصورة:

عيبو = قذارة/ نجاسة/ تلوث

مخصص القرن الحيواني، دلالة لفعل الحيوان الطبيعي من غير مراعاة للقواعد
الإجتماعية البشرية!

- إن طلع العيب من أهل العيب، مبيقاش عيب!

1457 حلق .. حلية



ترجمة المصري القديم من مرحلة الكتابة بالحرف الهيروجليفي، لها طريقتين:
أول طريقة: النطق الإصطناعي الإصطلاحي الحرفي، اللي هو نطق القواميس
والكليات، النطق الرسمي يعني، ورغم إنه مهم وضروري، إنما -زاي مانتو
شايفين كده- بيضلل ويتوه ويودي ف ستين داهية، لأنه يصعب التواصل بين
القديم والحالي، ويخلي النطق شبه نطق الهنود الحمر!
رغم عيوب النطق الإصطلاحي الكثير، إنما ضروري وعامل زاي الجواز
والدوا المر، لازم تشربه!

ثاني طريقة: النطق الطبيعي التصريفي الصوتي، يعني تصريف الكلمة حسب
قواعد علم الصرف لأقرب نطق معروف ومفهوم ف اللغات الحالية، العالم

الكبير أحمد كمال باشا، رائد الطريقة دي، وإن كان اجتهاده من خلال قاموسه المكتوب بالفرنساوي للعربي، واحنا كملنا طريقته بس خليناها من المصري القديم للمصري الحالي مباشرة، ولو فيه مجال لربط التصريف بالعربي أو العبري أو غيره، مفيش مشكلة! منقدرش نستغنا عن الطريقتين:-

*إن كان هدفنا الدراسة وبس، يبقا الإصطلاحي للدراسة والتصريفي للفهم!
*وإن كان هدفنا التواصل مع لغة جدودنا، وتعميق جدورنا وفهم الهوية المصرية، يبقا لازم الطريقتين مع بعض: الإصطلاحي والتصريفي!
شوفو الكلمة اللي ف الصورة:
بالنطق الإصطلاحي: حورك

بالنطق التصريفي: حلق .. ومنه الحلق والحلقة
ولاحظو إن حرف اللام الهيروجليفي بشكل الأسد 𐩌 بقا حرف اللولا ف القبطي، اللي أصله بارضو شكل أسد 𐩌

واتجرد من شكل الأسد حرف اللام العربي (ل / ل) واللاتيني (L)
تصريف الكاف مع القاف كثير، وأشهرهم كلمة: كا-هي-را، اللي بقت: قاهيرا
- الحلق زينة للحلاوة، وبياً كد المعنا الكلمة اللي بعدها: منظر، أو منظره، حلوة وحلية!



1458 قيامة

من الجدر المصري
المكتوب بالهيروجليفي:

قم km = التصرف
والمسئولية/ النهوض للعمل

بنستخدم تصارييف من

الجدر ده كتير أوي ف كلامنا الحالي [#اللغة_المصري](#)

جوم (ووم)/ قوم

ووم شوف شغللك

* من أقدم وأهم استخدامات الجدر "قم" ف وصف عملية استرجاع حياة أوزير

ونهبوضه، أو قيامة وزير: km wsr

قيامة أوزيريس بواسطة إيزيس ونفتيس الي بتوضحها الصورة من بربا دندرة

* ومن المصطلحات الدينية الحالية: يوم القيامة وعيد القيامة


قوم يا مصري

1459 قاموس مصري مصري

كتبت كثير وف الباب التمهيدي عن الكلام الي فيه حرف الره يبتقري لام،
زي الجدر "عر/ عل - عري/ علي/ عالي"، ومعناها الإرتفاع أو العلو
المره دي بكتب عنها عشان أشاوركو نعمل إيه؟

- القواميس مبتعترفش بحرف اللام، كل القواميس الهيروجليفي كده
كلهم مصممين إن المصري القديم مكنش بيعرف حرف اللام!

رغم إن نفس القواميس بتعرض الجدر الي بتعبر عن اللام بشكل الأسد
ويحصل تبادل بين شكل البؤ (الفم) وشكل الأسد، يبقى لازم كان فيه فرق!



كان لما بننطقها بطريقتنا التصريفية باللام
يبقا لها شكل ثاني، وبنوصل بسرعة للمعنا
من غير ما نحتاج ترجمة!

- طريقتي الي بفرق فيها بين النطقين:
• النطق الإصطناعي الإصطلاحي الحرفي:

عري/ عراري

• النطق الطبيعي التصريفي الصوتي: عالي/ علالي

دي بقت طريقة عشان نوصل لنطق مقبول، ومعاني مفهومة، وكثير من اللي معايا ف صفحتي ع الفيس بوك خلاص اتعودو عليها، بس لو هنحولها لقاموس، هيقا حمل ثقيل، إنا نعمل كده مع كل كلمة، ولو إن كتابة مقدمة بتمهد لشرح الطريقة دي، ممكن تكون كافية، وبيقا القاموس كأنه قاموسين، يعني مجهودين:

إصطناعي إصطلاحي حرفي + طبيعي تصريفي صوتي

ولا رأيكوايه؟

من ساعة صدور أول قاموس للهيروجليفي حسب ترتيب حروف الألفبيت اللاتيني 1857، اللي بالمناسبة دي بنجي فيها صاحب الريادة "صويل بيرش"، محصلش تجديد وفصل لنطق حروف المخرج الصوتي الواحد (ع/ح/ه - ر/ل - س/ز/ص - س/ش - ن/م - ن/ل - ب/ف ..نلخ)، حتا قاموس أستاذنا أحمد باشا كمال (هيروجليفي / فرساوي / عربي) كان التصريف فيه عشوائي، لأن الراجل كان كاتبه بخط إيده وملقاش مساعدة أو إعراف لغاية دلوقتي، حتا أما هيئة الكتاب طبعت زمان (مشكورة)، طبعته بعبله من غير أي مجهود للتنسيق، ونفس الحكاية ف الطبعة الألكترونية الأخيرة اللي أعلنت عنها مكتبة اسكندرية، وبارضو لها ألف شكر، إنما كان ممكن يتعرض بشكل أحسن، لأن

دي مؤسسات عندها ناس متفرغة وعندها امكانيات، مينفعش تشتغل بطريقة مكاتب التصوير وخلاص!

بالفعل محتاجين قاموس: مصري/ مصري .. مرحلة المصري القديم/ مرحلة اللغة المصري .. يفرق بين النطق الإصطلاحي اللي الكليات والقواميس الأجنبية بتشتغل بيه، وبين النطق التصريفي، اللي يعمل تواصل سريع بين المصريين القدام والمصريين الحاليين!

• أنا شغال ف ده من سنين، إنما بسرعة الزحلفة (سلحفة يا سيدي متزعلش)، ومعرفش الصحة والعمر هيسمحولي أكل ولا لأ، لازم مؤسسة، أو مجموعة تشتغل وتساعد!

- النهاردة يوم ميلاد أستاذ الجيل أحمد لطفي السيد، أول واحد قال إن اللي يتكلمه المصريين لغة مصرية مش لهجة ولا عامية عربية، رغم ان كان يكتب ويترجم بالعربي وكان كان رئيس مجمع اللغة العربية، يعني كان عارف كويس الفرق بين المصري والعربي، وعمل سلسلة مقالات بعنوان "مشخصاتي الأمة" سنة 1899 ف مجلة "الموسوعات"، وبعد كده ف جريدة "الجريدة" سنة 1907 يفرق فيها بين اللغتين، وكان كان بيتريأ ف مقالاته دي ع المتعربين اللي يقولو "سيارة" ودراجة" .. نلخ!

2023 / 1 / 15

— ١٥ —

□ ○ ● ● ● ~~~~~

إنما تعالو نشوف نفس الجدر اللغوي القديم أوي ده، تصاريفه اتمدت
واتشعبت ف نفس الدائرة، إززاى؟

• من غير شقبة: "قبر" بتعبّر عن المكان اللي بيثل أوضح وأكبر حقيقة ف
الوجود: الموت!

• بشقبة اللام: "قبل" بتعبّر عن المهمين اللي قبلنا!

• بزيادة ألف الحركة: "قابل" والمقابلة حدث مهم!

• بزيادة (مست) أدوات البوادي (السوابق): "مستقبل" و"استقبال" للتعبير عن
الأهمية الشديدة!

• بشقبة الكاف: "كبر" ومنها الكبير والأكبر والتكبير

مش محتاجين نكرر ف كل بوست عن أصول التصريف، إنما لازم نتعامل مع
شقبة حروف المخرج الصوتي الواحد كأنهم حرف واحد، بإعتبارها حقيقة
علمية لغوية وجودية!

بيقا لو هنعرض الجدر "قبر" ف القاموس المصري، أتصور تبقا الكتابة كده:

النطق الإصطناعي الإصطلاحي الحرفي: "قبر" = الأمر العظيم شديد الأهمية!

النطق الطبيعي التصريفي الصوتي: قبر/ قابر - قبل/ قابل - كبر/ كابر

2023 / 1 / 16

1461 بشر



ن.إح : pšr : mix, turn about
ن.ت.ص : بشر : تشويه/ تقطيع/ تحريف/ تفتيت
 (مبشور/ بشره/ مباشرة)
 • البشر (فتات/ قطيع من جنس الإنسان)
ن.ت.ص : فشر (فشار/ فوشار)
 • الفشار = الكداب/ الوهمي
 • الفوشار = درة قشرتها متشوهة
 النطق الإصطلاحي الحرفي = (ن.إح) // النطق التصريفي الصوتي = (ن.ت.ص)

الهوية الوطنية

الموضة دلوقتي، الدفاع عن البشرية عن الإنسانية عن الجلوبالية .. أي حاجة يعني، المهم تبعد عن قضاياك وقضايا وطنك!
 الجماعة بتوع الموضة السبوبة دي، الحكمة المصرية القديمة بتقول:

* إبدأ بنفسك

* إعرف نفسك

الهوية الوطنية قبل أي حاجة

ف كل الثقافات الطبيعية، الإلتزام بالوطن أولوية:

• الوطن قبل الملة، الوطن قبل الأصل والفصل!

• الكلام عن البشرية والإنسانية، أكثره هروب وتشيت! 2023 / 1 / 18

1462 عامل .. عامر

الجدد المصري القديم بينور وبيوض المعاني!
آدي مسل (مثل) من جدر مصري واحد، مكتوب بالحرف الهيروجليفي، من
قبل العربي بآلاف السنين!
أكثر من عشرين تصريفة من جدر واحد، وكل واحد يقرأ ممكن يضيف
تصاريف من واقع تجربته وخبرته وبيئته!

-33- 

عمار / عمال ʕmɜr / ʕmɜl

ح: wanderer, pilgrim, worker: ʕmɜr/ ʕmɜl
ص: عمار (عامر / عامر / عامرية / معمور / عمران / تعمير / اعمار)
ص: عمر (عمر / معتمر / عمرية)
ص: العمرة: وأتموا الحج والعمرة (قرآن)
ص: العمر: ومنكم من يُرد إلى أرنال العمر (قرآن)
ص: عمال (عامل / عمل / عملة / عمالة / عميل / عملية / معمول)

* ح = ن.إ.ح = النطق الإصطلاحي الحرفي

* ص = ن.ت.ص = النطق التصريفي الصوتي

حكاية اننا بنتكلم عربي مش مصري، دي أسخف كدبة وأكبر جريمة تزوير!

2023 / 1 / 20




ʕzt /ist

نطق إصطلاحي حرفي (ن.ا.ح): ʕzt /ist woman / isis
 نطق تصريفي صوتي (ن.ت.ص): است (الست)
 نطق تصريفي صوتي (ن.ت.ص): ست (ستو / ستات / ستاتي / ستوتة / ستيتة)
 نطق تصريفي صوتي (ن.ت.ص): عزت (عزة / عزيزة / عزازي / معزوزة)

- اسم إيزيس، تصريفة يوناني، زودت (س) سين!
- التصارييف الأجنبية مش كلها وحشة، ساعات بتزودع الأصل حلاوة!
- يعني -مثلن- اسم زهرة اللوتس بالنطق الإصطلاحي الحرفي: (سسن / سشن)، إتصرف بقا بالنطق التصريفي الصوتي: (سوسن / سوزان)!
- التصارييف مفيدة، بتمنع الملل وبتوصل للمعنا بسرعة، وبتوسع دايرة المعاني!
- انما ده ميخلناش ننسا الأصل، التصارييف المصري الأصلي!
- اسم إيزيس بالنطق الحرفي: [Ist](#) = woman /
- النطق التصريفي الصوتي (ن.ت.ص)
- لأن اللغة كائن حي!
- ولأن ظروف الكتابة تختلف عن ظروف القراءة بعد آلاف السنين

2023 / 1 / 21

1464 ستاموني



الستاموني مركز بلقاس - دقهلية

دلوقتي قرية الستاموني بقت مدينة!


أصل اسمها: سات-آمون

يعني بنت امون

بنفس الصيغة القديمة اللي ف الصورة

سات-نتر = بنت النتر (المقدس)

2023 / 1 / 21



1465 عامية

عامية، كان وكان

أرجع ثاني للكلمة عامية اللي

بقت لازقة ومتمسمة بمسامير، عشان متقولوش مصري، وبتتالي تنفصلو عن

أصلكو المصري!

العامية وصف غلط لكلامنا اللي جاي من عمق أعماق الزمان، كلامنا اللي

اتكون بجهد وعرق أجيال وأجيال، نفرط فيه بالساهل، وننسبه لغيرنا ليه؟

كلامنا الي أصله كلام مقدس (مدو-نتر) تدور الأيام وبيقا (عامي) يعني كلام المحاييس والأراذل واللمامة؟

صحيح اللغة بتطور، والمعاني كان بتتغير، إنما الحاجة الي أصلها شتيمة وتحقير وتهميش وشيطنة، يصح تغور مش بس تتغير!

- عملو عاملة، وارتكبو جريمة، وكذبو كدبة كبيرة، عشان متعرفش إنك مصري وبتتكلم مصري!

- والحقيقة إننا مصريين وكلامنا كلام مصري، عشان كده قول: اللغة المصري/ اللغوة المصري .. صعبان عليك أوي شوية التعليم الغلط الي اتعلمتهم، ولسة مصمم قول: اللهجة المصري .. قول أي حاجة بس بلاش "عامية"!

المصريين من آلاف السنين، بيتكلمو لغة واحدة، لها لهجات قبلي وبحري، وكلامهم الحالي متطور عن كلام جدودهم الأصلي، بقواعد النحو والصرف والألفاظ والأدوات والعادات والصوتيات!

2023 / 1 / 22

نطق اصطلاحي حرفي: ʕiʃ / ʕš meal, bread: عيش (عشا)

نطق نصريفي صوتي: عاش (عاش/ عايشة/ يعيش/ معايشة)

نطق نصريفي صوتي: عيش (عاش/ عيشي/ عيشة/ عيوشة)

نطق نصريفي صوتي: معايشة .. فإنْ لَهُ مُعَيْشَةٌ ضَنْكًا (قرآن)

ḥarak

1466 عيش

العيش والمعيشة وأكل

العيش والتعاش

- يا اللي هواك ف الفؤاد عايش

- يعيش يعيش يعيش

- المعاشات، والمعاش المبكر

العيش بعلامة الجمع، لغاية النهاردة، ملهش مفرد

*التحرر من جمود النطق الإصطلاحي الحرفي: (ح)

*الإستماع بحوية النطق التصريفي الصوتي: (ص)

- عاوز تكتب قصة أو شعر عن مصر القديمة، خد من التصارييف، اتمتع

بالنطق التصريفي الصوتي، هيطلع كلامك مفهوم، وهتوصل القديم بالحالي،

كفاية بغبغة، وكفاية قطع جدور الهوية المصرية، وكفاية حواجز بين مراحل

اللغة المصرية!

2023 / 1 / 24

ح: anw: cry, suffer, entreat, beceech: ص: عانو (بيعاني/ تعنية/ معاناة) ص: عنت .. ذَلِكَ لَمَنْ حَسْبِيَ الْعَنْتُ مِنْكُمْ (قرآن) harak

1467 يعاني .. معاناة

الي بيعاني م الدوشة

والي بتعاني م الوحدة

والي بيعانوم الزحمة

عانو = بكا/ ألم/ معاناة

- بعاني يا زماني

- فضلت أعاني

2023 / 1 / 24

ح: ٩rf combine, enclose

ص: عرف (عارف/ معروف/ عرفة/ عرفات/ عرفي/ معرفة/ معارف/ تعريف/ إعراف)

ص: علف (معلف/ علف/ تعليف/ معلوف/ معلوفة)

ص: حلف (حالف/ حلاف/ تحليف/ حلفان/ متحلف/ محلفة)

تصاريف

أفعال: بيعرف - بيعترف - بيعلف - يحلف

اسم الفاعل: عارف - عالف - حالف

اسم المفعول: معروف - معترف - معلوف - حلاف

أساسي: عرفة/ عارف/ معروف/ عرفات

صفات: معرفة/ معلوفة/ محلفة

صيغ: معارف - تعليف - تحليف

حلويات: معلوفة

harak

1468 عارف .

عالف . حالف

نفس الجدر ونفس

دايرة المعاني!

التصريف بقا ييفرع

وينوع ويبدع!

شقلبة حروف المخرج الواحد

الره واللام كأنهم حرف واحد

العين والحه كأنهم حرف واحد

خُذِ الْعَفْوَ وَأْمُرْ بِالْعُرْفِ وَأَعْرِضْ عَنِ الْجَاهِلِينَ

العرف هنا، اللي منه يعني اللي الناس تعرفه ومستقر بينها، يعني مصدره من

الناس مش من الحكومة أو القوانين الرسمية، زي العقد العرفي والأحكام

العرفية, وزى أما حد يسأل عن ناس ميعرفهمش ف ترد بإنهم من معارفنا أو
 دول من معارفهم أو من معارف الحاج فلان!
 وتبقا تصريفة "علف", عن الإيراد اليومي أو الأكل الروتيني اللي بيتقدم للبهائم
 كل يوم, واحتمال تخصيص التصريفة دي لوصف أكل البهائم والطيور مش
 البشر, لأن الأكل مفروض يتنوع مش يتكرر!

2023 / 1 / 28

1469 عضو . عضوية . عض . عضضة



ح: **limb, member of body: ʿtw** فرع/ طرف/ عضو ف الجسد

ص: عتو (عاتي) ظلم وراثي **arak**

ص: عضو (عضوية/ أعضاء)

ص: عض (عضة/ عضضة) المسك والضغط بالسنان

ص: عضد = تأييد كامل بكل الأعضاء

ص: عضود = متتابع ومتسلسل عضوي بالوراثة

الجذر المشروح ف الصورة سبق وإتشرح بشكل مختلف

- عضو ف الجسم أو عضو ف النادي

الشكل الجديد ده، عبارة عن صورة من قاموس (تحت التأسيس)

القاموس الجديد يترجم من المصري القديم للمصري الحالي
 ويلتزم بطريقة: النطق التصريفي الصوتي (ص)
 فائدة النطق التصريفي الصوتي، إنه يصور الجذر القديم ف أقرب صورة من
 مفاهيمنا اللغوية الحالية!

مع الإلتزام بقواعد علم الصرف وعلم الصوتيات
 أما العلاقة بين نطق القواميس (الإصطناعي الإصطلاحي الحرفي)، والنطق
 الجديد (الطبيعي التصريفي الصوتي)، ف بتتحدد بشرطين:
 1. استمرار الحروف الثابتة بين الجذر والتصريف.
 2. استمرار دائرة المعنا، ف الجذر والتصريف.

2023 / 1 / 29



1470 واو

العطف والجمع

حرف الواو (و) يا هوووه

حرف الواو المصري القديم

بنفس نطق وشكل حرف الواو النبطي والعربي

حتى اللاتيني أخذ دائرة الواو وعمل حرف الأوه (o)

المصري استخدم حرف الواو كثير، وحوّلها لأداة:

و = أداة ربط (عطف)

و/، = فاصلة بين الكلام المكتوب

و = أداة للجمع آخر الكلمة (سلامو عليكو)

و = أداة للجمع وسط الكلمة (توابل/ فواصل/ قوالب)

و = أداة تفخيم (ناكلو/ نحبو/ نستحمو .. نحنو فاروق الأول!)

السؤال بقا: السبب إيه؟

احنا -تقريين- عارفين فلسفة الكاتب القديم ف تحويل الكلمات لأدوات، يعني

-مثلن- اسم النتر "بتاح" رمز الخلق والإبداع بقا أداة إضافة شهيرة بتميز الكلام


المصري: "بتاع"!

طب كانت فلسفة جدنا إيه، ف تحويل الكتكوت، لأهم أداة ربط؟

- يمكن عشان الكتكوت بيمثل حلقة الربط والتواصل بين الأجيال؟

2023 / 1 / 31

1471 فائدة اللغة



نحس فوايد ل اللغة:

• تأثير

• تواصل

• معرفة

• فهم

• تعبير

نحس فوايد لدراسة اللغة:

• فلسفة وطرق التأثير

• فلسفة وطرق التواصل

• فلسفة وطرق المعرفة

• فلسفة وطرق الفهم

• فلسفة وطرق التعبير

يزيد محصول الفوائد الخمسة بالدراسة

وبتوسع مساحة الفائدة، كل ما يزيد عدد اللغات التي نعرفها

خصوصاً لما نعرف الجذر المصري "فد/ فاد/ فدت"

2023 / 2 / 3

تاريخ

ت = أداة تعريف

أرخ = معرفة/ نصيحة/ رأي

1472 تاريخ

التاريخ، وقبل

التاريخ

القرآن الكريم مفهوش كلمة "تاريخ"، وعبر عنه بـ كلام ثاني زي:

"نبأ" / "خبر" / "قصص من قبلكم" .. نخ!

الجماعة بتوع المعاجم، ملقوش لها أصل، فقالوا إنها من إسم ابن البقر الوحشي!

• كلمة تاريخ جذرها اللغوي من كلمة مكتوبة بالهيراوجليفي: "رخ" حسب

النطق الحرفي، ويمكن نقرأها حرفي بارضو: أرخ/ إرخ، بمعنا المعرفة والنصيحة

والرأي!

اتصرفت لكلمة "تاريخ" بإضافة التـه (ت) أداة التعريف القديمة!

ده مجرد تأصيل لكلمة "تاريخ" سبق وكتبت عنه!

الموضوع بقا عن تقسيم الزمن اللي فرضه علينا الأوربيين: قبل الميلاد وبعد الميلاد، وكأنه قبل التاريخ، وبعد التاريخ، وأما نشوف المقصود نلاقه ملوش علاقة خالص بالتاريخ، إنما المقصود قبل ميلاد المسيح وبعد ميلاد المسيح!

وكان وجود السيد المسيح هو نفسه التاريخ!

وده يبقا إيه؟ مفيش إجابة إلا إنه مجرد استعباط، وفرض بالتعسف!

• قبل السيد المسيح ما يتولد، كان فيه تاريخ ودول وملوك وفلاسفة وحروب وكتب وملاحم وأحداث كتير بآلاف السنين!

• ميلاد المسيح مش محسوم بين المسيحيين أنفسهم، ما بين 25 ديسمبر و8 يناير، والسنة نفسها فيها شك واختلاف كبير، حتا المسلمين كان مختلفين، عشان تفسير الآية: "هزي إليك بجزع النخلة"، والنخلة ما بتطرحش إلا ف أغسطس أو سبتمبر!

يعني حادثة مش دقيقة، ميزت شخصية دينية يختلفو عليها، إله ولا ابن إله ولا نبي ولا رسول، ولا ولا!

• التاريخ مفروض يبدأ بأهم حدث ف صناعة المعرفة والتاريخ، وله علاقة بالوقت والزمن، اللي هو: بداية التقويم!

- التاريخ مفروض يبدأ بحدث فلكي محسوب باليوم والساعة والدقيقة والثانية،
اللي يبدأ منه التقويم المصري، يعني اللي بتوافق سنة 4241 ق.م، وهنا بس بقا
جملة قبل التاريخ وبعد التاريخ، تعبير صحيح!
- أو يبدأ بتاريخ تأسيس أول دولة، توحيد الأرضين، يبقى قبل تأسيس أول
دولة وبعد تأسيس أول دولة!
- أو يبدأ بأهم اختراع ف الوجود، تسجيل الصوت بحروف الكتابة، عصر الكتابة
والتسجيل، ويبقا يتقال: قبل زمن الكتابة وبعد زمن الكتابة!

2023 / 2 / 4



1473 سور .. أسير

السور والسرة والأساور والأسير

كلهم تصارييف من جدر مصري،

بنفس دايرة معاني القيد والتقييد!

أسورة العروسة كناية الإرتباط، والأسرة يعني الناس المرتبطين ببعض، والسور

اللي يحدد الحدود، حتا التصوير يربط ويمجد الشكل!

2023 / 2 / 4

1474 نونو



نونو يا نونو برجالا تك

يا صغنونو برجالتك

دؤو له الهون ف الميكروفون

خلوه يسمع أصوات الكون

النونو وصف للطفل اللي لسة مولود، يعني بيبي زي ما يقولو دلوقتي، ويمكن يتوصف بيه الكبير اللي بيتدلح:

- لسة نونو!

2023 / 2 / 6



1475 وصفا .

وصوف . صفا . صفاء

كامل الأوصاف

أسامي كتير من الجدر "وصفا" اللي ف الصورة، ومعناه الحرفي = الماية الحلوة الصافية، زي مائة الآبار!

بقا كناية عن أي حاجة صافية ورايقة، حتا صفو الزمان، يعني روقان الحال
واستقرار السعادة والهنا، اللي بتتكلم عنه عبحليم ف أغنية: صافيني مرة، وكان
يتصور كل السعادة والهنا واضحة ف ملامح حبيبه: كامل الأوصاف!

2023 / 2 / 6



ج: **wsr** osiris أوزيريس

ص: و سر (سار / سير / سيار / مسار / مسيرة)

ⲗarak

ص: وزر (وزير / وزارة / توزيع)

ص: وصر (أبو صير / أبو صوير / صار / يصير / مصير / مصاير)

ص: وصل (واصل / موصول / مواصلة / توصيل / مواصلات)

ص: فسر (تفسير / مفسر)

ص: فزر (فزرة)

ص: عزز (عازر / معزور / عزرا / عازار / عزير / عزرائين / عزرائيل)

ص: أزر (أزار / بيازور / متنزور / متنزّر)

ص: أزل (أزلي)

1476 أوزيريس

(ح) = نطق حرفي،

بالعادات اللغوية اليوناني.

(ص) = نطق تصريفي،

بالعادات المصري.

أوزيريس كان شخصية

نادرة وتأثيرها كبير ف التاريخ الإنساني، ملك بس ملوش كرسي، رحالة سيار
يتنقل بين بلاد مملكته، سايب إدارة كرسي العرش لمراته حبيبته، (إست/
إزة) الست إيزيس!

جدع أسمراني جميل، طول بعرض، طيب ومحبوب

قوة دراعه ملهاش مثيل، يبسند المهزوم وبينصر المظلوم.

شايل ف إيده ربابة "كنور"، وف حزام وسطه "ناي"، بيعزف ويلحن ويقسم
عليهم وبهم الألحان والمواويل.

أوزير (وزير) نشر بين الناس علوم الزراعة، اللي اتعلمها من مراته ايزيس!

حكا الحكايات، وفزر الفوازير، وطمنهم ع المصير

- تصارييف إسم وزير، بتوضح ملاح معاني إسمه ووظيفته:

* السيار الرحالة

* وزير الأرض، لملك الكون الخالق المبدع (إر/إل)

* الصاير اللي بيوضح المصاير ويمحدد المصير.

* الواصل لكل مكان ولكل حي.

* اللي بيفسر ويوضح

* اللي بيقرر ويقرر

* العازر سند المعذور

* الأزور العزوة والسند

* الأزلي للأبد


2023 /2 /8

1477 ورد . وردة

صباح الورد

كلمة "ورد" جذرها مكتوب
بالحرف الهيروجليفي من
آلاف السنين، قبل الآرامي

والسرياني والعبري، وبالطبع قبل العربي!



حتا الخواجة مقدرش ينفي العلاقة بين الجذر القديم "ورتي" وتصريفه ف كلامنا

الحالي "وردي"، وإن كان بيعتبره عربي!

بتغنيها "وردة" ف أغنية "أوراق الورد"!

وبترقص وتلف بيها صفاء أبو السعود: وردي وردي وردي وردي!

وبيدل عليه عبوهاب: يا ورد مين يشترك، وللحبيب يهاديك؟

وعبحليم، واقف بين صحبة الورد شوف أجمل عيون وخدود!

أما أم كلثوم وزكريا أحمد فيحسمو الموضوع ف كلمتين اتنين:

- الورد جميل، جميل الورد! 2023 / 2 / 11

1478 مولة .. ملة




مولة السرير، وملة الدين
 الإيتين من جدر واحد، ودائرة
 المعنا واحدة

ده لوح خشب مادي، والثاني
 لوح فكري معنوي

* مولة السرير، تصريف مباشرة وجمعها: مولل!
 * ملة الدين، تصريف بالكناية، وجمعها: ملل!

2023 / 2 / 13



1479 نف . أنف . نفي

أنف، وتلات عيون
 ساعات يتيألنا إن كلمة معينة
 شكلها عربي، بسبب التعود ف

الكتابة الرسمي والتعليم العربي ف المدارس، لا الاكن أما نقلب وندور ف قواميس
 الهيروجليفي هنلاقي أكثر كلامنا من أصل وجدر مصري!

ساعتها هتحس كأنك لقيت لقية

حاجة غالية كانت تايهه عنك ورجعتك

كلامنا وكلام الناس والدول اللي حوالينا، هنلاقي جدوره هنا، ف قواميس
الهيروجليفي والديموطيقي والهيرايطيقي والقبطي، وكل كلمة معروف ومتسجل
أصلها اللي منقوش ع الحجر، أو مكتوب ف بردية!

عمري ما تصورت إن فيه علاقة بين فعل النف (من المناخير) ومعاني النفي
(عقوبة) يعني الطرد، أو النفي (قاعدة) يعني الإنكار والرفض!

بارضو زي ما عمري ما تخيلت - ف بوست سابق- إن فيه علاقة بين مولة السرير
وملة الدين .. بمجرد ما نوصل للجذر الأصلي للكلام والتصاريف بتظهر دايرة
المعاني وبيبقا الربط سهل، إحنا الأصل!

2023 /2 /15



1480 رمي .. مشي

رامي القوس

رامية القوس

رماية القوس

رمية بالقوس

"وَمَا رَمَيْتَ إِذْ رَمَيْتَ وَلَكِنَّ اللَّهَ رَمَى" .. قرآن كريم

ساعات الي بيقرا جدر كلمة قديمة مكتوبة لوحدها ف القاموس ميقدرش يربط بين معانيها وتصاريفها، إنما لما يشوف الكلمة من مصدرها ضمن الكلام أو ف جملة كاملة، أو زي الكلمة الي ف الصورة بتحدد وظيفة أو مهنة محددة، وهيه رمي القوس، كان سلاح ف الجيوش، يبقا مفيش مجال لأي غموض أو سوء فهم!

الرمي والرماة، بنفس النطق ف كلامنا الحالي

رمت-مشع = مشاة الرمي / كتيبة الرمي / الرماة

ومنه تصاريف كتير، يرمي / ترمي / أرمي / نرمي / رمينا / اترمينا .. نلح.

وأهم المراكز ف الألعاب الرياضية الجماعية: حراسة المرم!

نخلي بالنابقا إن الكلمة لها مخصصين اتنين، واحد ماسك قوس وسهم عشان معنا

الرماية، المخصص الثاني بقا الي مهم أوي (راجل وست)، يعني بيتفهم منه أن

الجيوش المصري القديم كان فيه مجندين ومجنذات!

2023 / 2 / 15

1481 مائة .. يمة .. تيمم .. فيوم

المائة واليمة والتيمم والفيوم

الجدر المصري "يم" يعني البحر, مظلوم ف الكتابة عنه, لأن الكتاب حصروه ف الربط مع نفس الكلمة وبنفس المعنا ف القرآن الكريم:

أَنْ أَقْذِفِهِ فِي التَّابُوتِ فَأَقْذِفِهِ فِي الْيَمِّ فَلْيُلْقِهِ الْيَمُّ بِالسَّاحِلِ

البحر ف كلام المصريين واخذ معنا الماية

الكثير, عشان كده بيتقال ع النيل: بحر,

والترعة الكبيرة: بحر, وطبعن البحر المالح:

بحر, ومنها بحيرة, يعني منطقة ماية كتير

وواسعة, وأما نوصف علامة فهامة نقول

عليه: "بحر العلوم" خصوصن أما نحب

نتبحر ف علوم معينة, يعني نكثر ونزود

معلوماتنا عنها!

من اليم, تصريفة يمة, يعني ناحية أو إتجاه!

ومن اليم, التيمم!

وأهم تصريفة بقا بتطبيق قاعدة اللخنة, يعني تبديل مكان الحروف, "يم" تبقا

"ماي" و"ماية", رغم إن فيه جدر مخصوص للماية "موي"!

2023 / 2 / 20



1482 بكرة .. بكارة .. بكارا



ج: morning, morning light: **bkara** الصباح/ نور الصباح

182. بكارا/ باكر

ص: بكارا (بكرة/ بيكر/ تبكر/ ابكر/ نبكر/ بكرنا/ بكر و/ تبكير/ مبكر/ مبكرة/ مبكرين)

ص: باكر (بكر/ بكارة/ بكري/ بكريّة/ بكارا/ بواكير/ أبكار)

ص: إبكار .. وَسَبَّحَ بِأَلْسِنَةٍ وَإِنْكَارَ (قرآن)

dictionary

بكارا, من الجذر "بكا-رع", يعني الصباح/ نور الصباح, اليوم الي جاي، المستقبل،
أوزي ما بنقولها دلوقتي: بكرة .. وزى ما بننطقها: بكرة!

ب ك ر ع

Gardiner's list codes
D58-D28-N5:N19

Transliteration
bk₃

Translation
Tomorrow, morning

بكارا

نفس معنا ونطق الكلمة الي ف القرآن الكريم:
بُكَرَةٌ وَأَصِيلًا

طبعن اللغة المصرية القديمة مكتوبة ومتسجلة قبل ما يكتب القرآن الكريم
 بحوالي أربعئلاف سنة، طيب الكلمة دي دخلت القرآن ازاى؟ الإجابة ف
 الفصل اللي ف التمهيد أو الأستفتاح, عن أسباب شبه العربي بالمصري!

سيبك من نطق الحاجة اللي مطنش الشمس رع، وقول ورايا:

بكارا/ بكرة = الصبح/ المستقبل/ بوكرة


وكان نغنيها مع عبـحليم حافظ:

بوكرة وبعـدو، بوكرة وبعـدو، والي وعدني هيو في بوعـدو، كلها بوكرة، كلها بوكرة،

بس وبعـدو!

2023 / 2 / 22

1483 ضاق .. ضاقت .. ضيقة



من الشعر الجميل المنسوب للإمام الشافعي:

ضَاقَتْ فَلَمَّا اسْتَحَكَمَتْ حَلَقَاتُهَا، فُرِجَتْ وَكُنْتُ أَظُنُّهَا لَا تُفْرَجُ

ومن أمثالنا وحكمنا خلاصة خبرة وتجارب آلاف السنين:

- وما فرج الا بعد ضيقة

احساسي إن الضيقة اللي كلنا فيها دلوقتي، بعدها فرج كبير!

مصر مقامها عالي، والمصريين لهم رصيد كبير ف تقديم الخير!

• ضيقة الرزق، يعني الدخل القليل

• ضيقة النفس، يعني خنقة وزعل

• ضيقة الصدر، قبضة بألم وغضب

• متضايق أوي، يعني زعلان وغضبان وقرفان

كل الحالات دي وغيرها، عبر عنهم جدنا المصري القديم بكلام كله ف نفس

دايرة معاني الدمار!

- داقت / ضاقت = دمار / تدمير

- داقا = دمار / متدمر

يضايق / تضايق / أضايق / نضايق / ضايقنا / اتضايقنا

الضيق والضيقة والمضايقة والتضييق كلها حاجات وحشة بتتعب وتدمر

النفسية وتحلي العلاقة بين الناس متدمرة!

- ربنا يصرف عنا الضيق والضيقة

"وَلَا تَكُ فِي ضَيْقٍ مِّمَّا يَمْكُرُونَ" .. قرآن كريم

2023 / 2 / 23



ح: to give: diwn/ diwnw عطا/ عطية/ سلفة
ص: ديون (دين/ مديون/ مديونية/ دائنية/ دييانية) .. تصارييف السلف
ص: الداين .. العاطي (اللي يبسلف)
ص: الديان .. الرب العاطي
ص: الديانة .. مديونية للرب العاطي
ص: الدين .. مَالِك يَوْمِ الدِّينِ (قرآن) .. يوم الحساب
ص: ديوان .. مؤسسة لتنظيم الحقوق (له وعليه)

1484 الدين

مركزية مصر، حقيقة
علمية، تاريخية أثرية!
* قاومها اليونانيون بإنشاء
مدينة ومكتبة

الإسكندرية، لسحب بساط قوة تأثير المدن والمكتبات المصرية ف منف وعين
شمس والأشمونين وطيبة وأيدوس ودندرة واسنا وأنحيم وأسوان وسمنود وتل
أتريب .. نلح!

* عاذاها وحاربها الرومان (1) بتكليف مجموعة من الكتبة اليهود لتزوير تاريخ
مصر، (2) بمنع وحظر الكتابة بالخط الوطني المصري، (3) قفل البرابي، (4)
قطع رجلين الحجاج لأيدوس، (5) تشريد وملاحقة الكهنة المصريين!

* المأمون العباسي جه بنفسه مع جيش جرار عشان يخمد ثورة الفلاحين
البشموريين، المتضررين من الضرائب والجزي، نهب كنوز مصر، وكسر فتحة
كبيرة ف الهرم، وقال لو قامت مصر تاني هنرجع كلنا للخيمة والغنم!

* دعم الإمبراطوريات الحديثة (أسبانيا/ البرتغال/ بروسيا/ فرنسا/ إنجلترا/ أمريكا ..) لنشر الديانات الإبراهيمية بقصص التكوين الخاصة بها، لتثبيت أستاذية وأبوة ومركزية اليهود!

* المخابرات البريطانية وضعت خطة نهاية "المسألة المصرية"، بترويح ودعم مركزية القصص التوراتية، وبهدف تنفيذ أغراضها، أسست ومولت ودعمت أهم ثلاث كيانات في المنطقة بالترتيب المتزامن:

جماعة الإخوان المسلمين/ جامعة الدول العربية/ دولة إسرائيل!

* المخابرات الأمريكية، التي استلمت الراية من البريطانية، بتدعم دلوقي المركزية الأفريقية (أفروسنترك) من ناحية، والاتفاقيات الإبراهيمية من ناحية ثانية، والإثنين بغرض محاولة قفل صفحة مصر!

كله كله إلا مركزية مصر

مصر علمت العالم، مؤسسات الدولة، تنظيم الجيوش، ترجمة الضمير لقواعد أخلاق وقواعد قانون، كل المهن والخبرات أساسها من مصر! بالفعل مركزية مصر، مرصودة ومحسودة، وبالبلدي مرعوبين منها!

- من أهم مظاهر مركزية مصر، اللغة

هنا بقا لازم أنه الزملا القوميون المصريين، والتيار المصري، وكل المتحمسين لمصر - حراس الهوية المصرية في كل مكان - من خطورة قضايا نسب اسم مصر

لرمز أجنبي، وثبتت كدبة الانقطاع، أو التسليم بنهاية الجنس المصري واللغة
المصري وأجنبية طقوسها وعاداتها وأعيادها، الحكاية واضح انها مجرد إعادة
تصدير، يبيعونا بضاعتنا مش أكثر!

حتا مصطلح "دين" تصريف من جذر مصري, لا عبري ولا عربي!

2023 / 2 / 24



Gardiner's list codes

M16-G1-G17-D36:Z4-D21:Z1-F
27

Transliteration

ḥꜣmr / ḥmr

Translation

Donkey, ass

1485 حمار .. حمال

الكتاب المصري القديم، ف العموم، وبمرور
الزمن، وتشابك العلاقات وتزايد الخبرات،
كان يدي للحاجة الواحدة أكثر من اسم،
حسب كل حالة!

هنا الحمار له أكثر من إسم ، منها "عا"، إنما أما يكون الحمار شاييل أو يتحمل إنه
يشيل، بالغ وقادر يعني، يبقا اسمه بالظبط زي ما بنقول دلوقتي: "حمار"!



Gardiner's list codes

E7

Transliteration


ʿ

Translation

Ass, donkey, you ass

من إسم الحمار بقا فيه كناية عن الشيل
والتحميل، بعد تطبيق قاعدة الشقبة الطبيعية
بالتبديل بين حروف المخرج الواحد، يعني بين
حرف الـ ره وحرف اللام: "حمال"، بكل

تصاريفها بقا: حمل/ حملة/ حامل/ يحمل/ تحمل/ نحمل/ أحمل/ حملنا/ حملو/
تحميل/متحمل/ محمل/ محملين .. نخ!

	
Gardiner's list codes	
V28-G1	
Translation	Would that !, O!
Transliteration	h3
Grammar type	Non enclitic particle
Translation	Ha ! (encouragement call made to threshing ass)

يعني التصريف مش يتحدد باختلاف
المكان والزمان والعادات اللغوية والجينية
بس، إنما كان تنويع إستثمار الكلمة ف نفس
دايرة المعنا!

شوف كمان صورة ثانية للجدر "حا"، بمعنا
الصوت اللي بننادي بيه ع الحمار، بالظبط
زي ما بننادي عليه دلوقتي، وزى ما بنسمعه
بصوت العربية "حاه!"

2023 /2 /25

1486 شيخ .. شخ .. سخ .. زخ

shakha  Rev., the approach
(of death).

حكاية الشيخ والشيخة

الجدر المصري الأصلي "شاخ" يعني كبر، بنفس المعنا اللي بنستخدمه ف كلامنا الحالي "اللغة المصري"، موجود ف نص هيروجليفي قديم بمعنا = القرب م الموت/ الإقتراب من سن الموت!

احنا دلوقتي بنقول عن
الخضار الكبير شاينج أو الزرع
شاينج، بسبب لونه أو حالته،
يعني جافف وناشف، وبارضو
يعني طايب أو ناضج أوي
لدرجة الجفاف والنشفان

والقرب من الموت، بسبب التأخير ف حشه أو قطفه!

الكلمة بقت كناية بتقال عن النبات والحيوان والإنسان الي بقا ناضج أوي
(نضارة جسمه بتقل) لدرجة قرب م الموت!

والكناية دي مش بس احنا الي عملناها وبنستخدمها، من زمان أوي المصري
القديم كان بيستخدمها، زاي ما ف الصورة، إنما أصل الجدر اللغوي متصرف
بشقلبة السين، من "سح" لـ "شح"، لسبب عضوي محدد، الي هو قلة وجفاف
ونشفان السوائل، أو حتا سرسبة السوائل الي ف الجدر "سح/ زح/ شح"!



ج: sh blow: حرق/ نفخ

سح/ زح/ شح

ص: سح (سحة/ سخيخ/ سخيخة/ ماسح) .. الدنيا يتسخ ماية (وصف لغزارة المطر)

ص: وسح (وساخة/ وسخة/ متوسخ/ توسخ/ اتساخ) .. قنارة سائلة/ سوايل قنرة

ص: زح (زخة/ زخات) .. وصف لماية المطر

ص: شح (شحة/ شاخخ/ شاخ/ شخيخ/ مشخة/ مشخة) .. اخراج السوايل!

ص: شاخ (شاينج/ شيح/ شيوخوخة/ مشايخ/ مشيخة) .. جفاف وتيبس (نضوج) للنبات وكناية للإنسان!

1487 زكر .. ذاكر



- روح "ذاكر" لك كلمتين ينفعوك!

المذاكرة والمذاكرة والتذكر والتذكار، جدرهم المصري من الإبحار والإرتحال (المادي والمعنوي)، مرة بمخصص الرجلين، وبحرف رمز الوزه الطيارة المهاجرة المرتحلة مرة ثانية!

كتبتها بالزين وبالذال، لأنها بالمصري صح، لأنها متصرفه بالحالتين، سواء الزكر، يعني الحركة بالفكر، زي الزكر الصوفي مع حركة رقصة الزكر، يمين وشمال، أو الذكر، يعني الحركة مع المذاكرة، تجيب القديم والجديد!

حتا الذكر، أو الذكر، الأكثر حركة بالمقارنة مع الجنس الثاني (النتاية)!

نعيشها مع أم كلثوم (كلثوم):

- اسأل عن الي يقضي الليل، بين الأمل وبين الذكر!

- يسهر المصباح والأقداح والذكرى معي!
ومع وردة: ذكريات حب الطفولة، البريئة، الرقيقة!

2023 / 3 / 1



1488 سيارة . زول

أمين السر، والسيارة،
والزول
المفروض إن الأزهر
مؤسسة تعليم وطني
بالأساس، وأي مؤسسة

مصرية لازم تعليمها يكون وطني، ف ضروري يبقا عندهم مادة

[#دراسات_الهوية_المصرية_الي من ضمنها #تدريس_اللغة_المصري](#)

ده واجب عليهم، وكان هيستفيدو .. شوفو كل التفسير القديمة لكلمة "سيارة"

ف القرآن الكريم، كلها بعيدة، ومستحيل هيوصلو لمعناها الحقيقي إلا من اللغة


المصرية، المادة الختام، الكنز اللغوي العالمي!

وَجَاءَتْ سَيَّارَةٌ فَأَرْسَلُوا وَارِدَهُمْ فَأَدْلَى دَلْوَهُ قَالَ يَا بُشْرَايَ هَذَا غُلَامٌ

جاءت سيارة، يعني مر موكب أميري مصري، معاهم خدم وحشم زاي ما
بيقولو .. فأرسلو واردهم .. نلخ!

أما المفسرين يقولو "جماعة ماشيين" .. مجرد أي حد ماشي! تفاسير ضعيفة!

2023 / 3 / 3

...
tenā , B.D. (Hunefer, I, 16).
a special kind of chamber.

1489 دنيا . مدينة

من الجدور الصعبة، اشتقاق اسم "الدنيا" واشتقاق اسم "المدينة"!

- صعبة ليه؟

عشان متشبكة ومتداخلة مع جدور بنفس الحروف الثابتة ""دون" و "دين" و
"دن" بمعاني مختلفة، منها معنا الجزء القليل أو الحاجة البسيطة التافهة، ومنها معنا

الدين والمديونية والديانة اللي سبق عرضه قبل كده .. نلخ!

هنا الجدر "دنيا" جاي ف حته أنا بحبها أوي، لأنه جاي إسم مكان، زاي صفة
اللغة المصرية القديمة اللي كلها أسامي، فلما نوصل للإسم نقدر نعمل بقا
تصارييف الفعل وإسم الفاعل والمفعول والصفة والأدوات .. نلخ!

الجدر "دنيا" جاي ف نص من بردية الكاتب "حو-نفر"، وزير الملك
"سوتي"، بيوصف حالته بعد الموت ويقول إنه كأنه انتقل من أوضة ل أوضة،
انتقل من أوضة ال "دنيا" ل أوضة ال "سمايو"!

من سياق النص، والمعنا الإجمالي للكلمة، يبقا الجذر "دنيا"، بالنطق التصريفي الصوتي، أما حسب النطق الإصطناعي الإصطلاحي الحرفي بطريقة القاموس يبقا: "دني" = أوضة مخصوصة، بتوصف مكان حياة الإنسان قبل الموت!





يا دنيا يا غرامي .. كلك كده عبارة عن أوضة

نلاحظ ف الجذر الهيروجليفي، مخصصين أو رمزين لمعنا الكلمة، مخصص المكان عبارة عن سور بيت، ومخصص الزراعة عنقود ورد!

عشان كده اتصرف منها وصف "مدينة" لكل مكان فيه تجمع حضري، عشان المدينة - ف الأصل - مرتبطة بالمباني والزراعة!

2023 / 3 / 10

1490 سبج .. سبعة .. تسايح

sbeh , Rev. 21, 208 = cꜥoꜥ
in †cecꜥoꜥ = 
sbeh , , cry,
prayer, entreaty, wail, petition, imprecation ;

التسبيح عبادة وصلاة وتوسل بإخلاص لدرجة البكا

- عَظِيمٌ هُوَ الرَّبُّ، وَلَهُ جَزِيلُ التَّسْبِيحِ (إنجيل)

- يُسَبِّحُ لَهُ مَنْ فِي السَّمَاوَاتِ وَالْأَرْضِ (قرآن)

حتا السباحة ف النهر المقدس، بمصاحبة النتر "حابي"، أكثر من كونه رياضة أو نضافة شخصية، ومن هنا تقديس المصري القديم للنيل مش مجرد صدفة، دي عقيدة، وبتفسر نظرة المصري لمجموعة النترو، مصاحبة!

نفس الجدر "سبح" بنفس النطق ونفس المعنا من اللغة المصري مرحلة الكتابة الهيروجليفي، وكان مرحلة الكتابة القبطي، لولا التأثير اليوناني الواضح الخاص بنطق حرف الحه، حتا شكل حرف الهوري ف القبطي (حوري)، زي الحه النبطي، والإثنين متاخذين من حرف الحه الهيروجليفي، يعني مجرد شكل الحرف يقول حه (ح)، مش هه (ه)!

عشان كده، تطبيق طريقة النطق التصريفي الصوتي، مش بس ع الهيروجليفي، كان ممكن نطبقها ع القبطي، بالفعل القبطي محتاج تصريف وتنقية من التأثير اليوناني والتأثير الديني، وده موضوع ثاني، خيلنا نركز دلوقتي ف أصل الحروف، كل حروف الكتابة العالم، حروف الطبيعة، المصونتر، الكتابة المقدسة، أو بالترجمة اليوناني: الهيروجليفي!

2023 / 3 / 11

1491 واضحة . فاضحة



ح: clear, evident: wtah واضح/ ظاهر
ص: وضاح (وضح/ واضح/ واضحة/ وضوح/ توضيح/ ايضاح/ موضح)
ص: فضاح (فضح/ يفضح/ فاضح/ مفضوح/ فضيحة/ فضحي/ فضايحي)
ص: يفضحون .. قَالَ إِنَّ هَؤُلَاءِ ضَيِّفِي فَلَا تُفَضِّحُون (قرآن) arak

الواضح والفاضح، الكلمتين الإيتين
وتصاريفهم جدرهم واحد،
الفرق بس ف التصريفة اللي
شقلبت الواو (و) بقت فه (ف)!

الحالة دي بتوضح عبقرية التصريف، بإعتباره مظهر للإبداع الطبيعي، مش
مجرد عفوية جينية وجودية!

الواضح والفاضح، الإيتين كشف وإظهار، اتوظفو كأنهم درجات للشفافية!
- وضحي شوية؟


- توضيح إيه ثاني؟ يا فضيحتي!

الوضوح ملح من ملامح شخصية الفلاح المصري، فيه قيمة الصراحة والكشف،
والبعد عن الغموض اللي يمثل ضغط نفسي، يسبب أمراض نفسية كتير يعرفها
دكاترة وأساتذة علم النفس!

أفكار وقيم المصري القديم لسة شايلينها ف جيناتنا الثقافية والإجتماعية، ومن
أهم طرق علاج الإنفصام والإزدواجية، قيمة الوضوح والمصارحة!

اكتشف سيجمون فرويد القيمة دي, وكان قارئ للثقافة المصرية القديمة من خلال كتابات اليونانيين, خصوصن مجموعة الهرمسيين, وبنا مجده وعلمه, من خلال إتباع طريقة بسيطة, يكون العلاج فيها مجرد الوضوح والصراحة!

2023 / 3 / 12



1492 منهج .. منهج

الجماعة اللي بيتقولو إن القرآن أصله من اللغة السريانية واللغة الآرامية!

مادام بتبحثو، يبقا كملو لغاية ما توصلو للأصل!

*** السرياني أصله من الآرامي *** والآرامي لغة الهكسوس، اتأسست ف مصر، وما ظهرتش للوجود إلا بعد طرد الهكسوس بتلتميت سنة أو أكثر! *** الهكسوس زي ما كتبنا، أربعين عشيرة منهم العبر والعرب والسبأ!

تقوم لما تلاقي تسعمية وسبعين جدر من أصل ألف وستمية، جدر مباشرة للقرآن الكريم، أصلهم من اللغة المصرية، يبقا بالفعل ستين ف المية من جدر القرآن الكريم أصلهم مصري صريح ومباشر، والسرياني والآرامي مجرد وسایل ومحطات نقل وتوصيل!

منهج ومنهاج ومنهج، أصلهم كناية من إسم لوحة الكتابة، اللي بيسميا الفنانين
دلوقتي "بالتة" أو لوحة الرسم!

لِكُلِّ جَعَلْنَا مِنْكُمْ شِرْعَةً وَمِنْهَاجًا

*** محدش ف الوجود، ولا أي لغة من لغات العالم تقدر تأصل كلامها زي
قدرة اللغة المصري، وغناها بجذور اللغة اللي تصاريفها عبرت الحدود!
*** إحساس المصري الحالي بقيمة كلامه وأصل لغوته، لازم يكون إحساس
اللي عنده كنز، إحساس الغني المليون!

2023 / 3 / 14



1493 طول .. تطويل

الطول، حسب الجذر المصري
كناية من امتداد الوقت!

عشان كده تعبيرات كتيرة رابطة بين الوقت والطول، وبكناية النفس الطويل:

- طولة العمر ليك
- طويل العمر / طال عمرك
- أمانة عليك يا ليل "طول" .. أغنية كارم محمود المطرب الجميل اللي سنوية ميلاده النهاردة!

- كان لازم الأزهر ومفسرين القرآن الكريم يقتنعوا الأول بأهمية اللغة المصرية وقيمتها بالنسبة للعربي، لغة القرآن، وبعدين يعتمدو #تدريس اللغة المصري عشان كلام كتير مش هيتفسر صح، إلا لو المفسر عنده علم باللغة المصرية، وبالفعل علوم القرآن فيها منها علم إسمه "أسياب النزول" يحاول المفسر أو المفتي يعرف ظروف نزول كل آية، دي نفس الحكاية ف اللغة، إن المفسر يتابع أصل الكلمة من جذرها المصري الطبيعي!

زاي ما نتو شايفين تفسير إسم الجلالة "ذو الطول" مرتبط بالوقت، عكس اتجاه كل كتب التفسير القديمة والجديدة!

2023 / 3 / 16

1494 نهر .. نهل .. نهار



- متمشيش ف "نهر" الطريق

المعنا الحقيقي لكلمة "نهر"، بالظبط زاي ما ف الصورة = طريق التيار/ مجرا

الفيضان/ مجاري الماية .. نخ!

يمكن عشان كده المصريين -بس- مبيستعملوش ف لغوتهم الطبيعية كلمة "نهر" للتعبير عن النيل, بقصد الكلام مش الكتابة الرسمي والتعليم الرسمي!
بنقول "البحر"، وبنقول "المنيل"، وبنقول "الرياح"، وبنقول "الترعة" .. نلخ! انما مش ممكن نقول الـ "نهر"!
رغم كده هتلاقي واحدة ست ف حطة شعبية بتنبه ابنها وهوه رايح مشوار أو سارح الغيط تقول له:

- متمشيش ف "نهر" الطريق!


كمان النصوص المصرية القديم بتقصد الطريق وكأنه بحر (نهر) أما بتتكلم عن رحلة الشمس كل يوم، هنلاقي رع والملاحين بتوعه راكبين مركبة الشمس وماشين ف طريق اسمه "نهر-رع"، يعني طريق الشمس، عشان كده بقت فترة طلوع الشمس اسمها: الـ "نهار"!

- نهلة تلعب ف الحديقة

الجدر "نهر" بيتصرف منه بالشقبة الطبيعي بين الره واللام, "نهل" و"ناهل" و"منهل" و"مناهل", حتا إسم "نهلة" اللي كان منتشر ف مصر، ومع الغزوة الوهاية اتغيرت الأسمي المصري، وانتشرت أسامي الجراد الصحراوي!

2023 /3 /17

1495 نيل .. منيل


Gardiner's list codes N35-M17-N35A
Transliteration <i>ni</i>
Translation To fill up (with water)

النيل / المنيل

بالكتابة المقدسة، النيل = حعي / حابي!

يعني (حابي) مش رب النيل، (حابي)

هوه النيل بذات نفسه!

ده الوصف الرسمي ل (النيل) ف الكتابة الكهنوتية، انما ايه وصف النيل عند شعبنا القديم:

أول اسم شعبي مصري ل النيل: نير/ نيل = حلزوني/ ملولو/ سلسلة!

ثاني كناية، اللي ف الصورة دي:

ني/ نيل = المليون/ الشبعان/ المستريح =

بالعربي (الممتلئ)!

(ني-ل)، مع أداة الوصل (إر/ إل) =

الي مليون/ الي شبعان/ الي مستريح!

كمان الإسم المعروف للماية والمحيط الأزلي

"نون"، لو طبقنا عليه قواعد التصريف بشقبة النون الأخيرة ل لام، زي

"سماعين/ اسماعيل" و"جبرين/ جبريل" و"جووون/ جول" و"تموين/ تمويل"،

و"جرنان/ جرنال" .. نلخ، يبقا "نون" بالتصريف "نول/ نيل/ نيلو"، ونبقا كده

قربنا خالص من التصريف اليوناني المشهورة "نيلوس"!

من ناحية اللغة، تصريف اسم المحيط الأزلي "نون" حسب كل كتاب المصريين، القدام والجداد، يخلينا نركز تاني ف كلام المصري القديم، إنه المحيط الأزلي بالنسبale هو نفسه "النيل" الأزلي!

يعني اسم (نيل) مصري، ومتصرف منه (منيل)، بإضافة ميم الإستمرار، يعني تفرعة متوصلة بالنيل، ويتصرف منها ألقاب "المنايلى" و"المنيلايوي" .. نلخ!


2018 /8 /7

بالمناسبة، ودليل ينضاف لكل أدلة أصالة إسم النيل، إن اللغات النيلية الأفريقية اللي بيسموها دلوقتي اللغات السواحلية، دول منابع النيل كينيا ورواندا وأوغندا وغيرهم، اللي عايشين حوالين بحيرة "تشيرا" اللي الإنجليز سموها بحيرة فيكتوريا، الأفارقة النيليين دول بيسمو النيل "نالوبالي" من لغتهم الأصلية النيلية، ودول ميعرفوش اليونانيين من الأصل، ولا وصلو عندهم!

حسب أبجاس (أبحاث) صفا حرك، فترة وجودها ف أوغندا ورواندا!

• العناوين كلها رايحة ناحية إجراءات تعظيم وتبجيل النتر "من"، بتقديم عطايا للكهنة عبارة عن خضروات، وأهمها الخس (خص)، والتزام أتباعه والمريدين بتوعه بطقوس نباتية خاصة، هناك ف فقط وأحميم، لمدة شهر كامل، بداية من يوم عيد "من" ف تسعة وعشرين من شهر كيهك، بأكل الفاكهة والخضار والعيش بس، لا لحم ولا سمك ولا بيض!

• لاحظوا إن إجراءات وطقوس "من" دي إجراءات متصلة ومتعلقة بالخصوبة، أو تصور إن الإلتزامات دي كلها بتشجع وبتدعم الرغبة الأزلية ف الخصوبة والإخصاب، وكأنه تمهيد ل شهر أمشير اللي كله تدريب وإستعداد لفترة إخصاب الإنسان والنبات والحيوان اللي بتبدأ



مع برمها، صحيح الصيام النباتي طاعة والتزام عن حب وإيمان ب رمز الخصوبة "من"، انما الهدف الدنيوي والمصلحة المباشرة واضحة، أما نعرف إن المريدين كلهم من الشباب الراغب ف تكوين أسرة، وإن كبار

السن كانوا بيذكرو من ضمن أعمالهم الطيبة، إنهم ف سن الشباب قدمو كل ألوان الطاعة والإلتزام بطقوس "من" النباتية والعشبية بصفة خاصة! جدور اللغة بقا غطت ووضحت معاني الصوم من أكثر من زاوية:

- صاو-م = الإمتناع عن
- صوم = نباتي/ عشبي/ خضري
- صومن = الإمساك عن/ التوقف عن
- صيم = اللي يخليك لطيف/ اللي بيدشفي
- كل سنة واتو طيين، وكل سنة ومصر كلها، مسلمين ومسيحيين وغيرهم،
صايمين ومتواصلين مع شعيرة الصوم اللي بدعتها مصر .. طاعة وصحة!
يا جماعة، تواصلنا مع أقدم مراحل حياة ولغة المصري القديم كلها إلهام وكلها
دوافع وحوافز للتطوير والتجويد!

2023 / 3 / 18



1497 هستكة . هستكة

. حستكة . خستكة

هستكة

- كفاية بقا هستكة، عايزين نشغل!
- لقيت ف نتيجة التقويم المصري ذكريات عن الفنان عبغي النجدي، اللي أدواره
كلها سنيد وكومبارس، إنما له حضور وتأثير جامد!

مين ميفتكرش "جمبري جمبري" و "مخبرش"، وف فيلم بين السما والأرض يقول
للس ندمانة: وسمعتي كلامه ليه يا مهشكة؟

- إيه هيه بقا الهشكة؟

الهشكة والهشكة والحشكة، كلها تصاريف من نفس الجذر المصري اللي واضح
ف الصورة، بمعاني الترنخ وقلة الإنضباط!

الهشكة دلع وميوعة، يعني ضد التوازن والإستقامة!

الهشكة والدلع للأطفال ماشي، ومفيش مشكلة، ويمكن تكون مطلوبة كان، أما
هشكة وميوعة الكبار، ملهاش غير الوصف المصري البليغ:

- دلع ماسخ!

2023 / 3 / 20



1498 حرف . خلف

تخاريف .. اختلافات

تخيلو إن تصاريف الإيتين: (ال "تخريف" و ال "إختلاف")، طلع أصلهم واحد
وجدرهم اللغوي واحد!

صحيح معانيهم دلوقتي واخدة مساحة خاصة لكل كلمة، إنما لو فكرنا شوية مش
هنلاقيهم بعيد ولا حاجة:

التخريف، تناقض وتعارض مع الطبيعي والمنطقي!
الإختلاف، تناقض وتعارض مع الرأي الغالب والشكل السائد!
الإثنين من أصل واحد وأصل معاناهم واحد!
حتا من مرحلة الكتابة بالحرف الهيروجليفي نلاقيهم مكتوبين مرة باللام
(أسد)، ومرة بالره (بؤ)!

- إمبراح ف ندوة "وحدة الدراسات" طلب مني الصديق
الدكتور "جمال البلم" رئيس مكتبة المتحف المصري، أزود ف
القاموس الجديد المصدر الأصلي لكل كلمة، يعني مكانها
الحقيقي ف الآثار، مش بس ف القواميس، رغم إن ده مجهود
كبير بينضاف للعمل، إنما لقيت إن عنده حق، وإن ده لازم
ينعمل، ولو ف هامش مخصوص!

عن السؤال اللي بيتردد -سواء بسوء أو بحسن نية- إننا بنهدف للرجوع للمراحل
القديمة من اللغة المصرية؟

- إجابتي اللي بكرها كتير بكل وضوح: لأ
احنا عايزين نقن وضعنا اللغوي الحالي، نعترف باللغة المصري، ونعرف
قواعدها وأصولها، ويبقا لها أقسام ف الكليات، وتدرس ف المدارس!

الهيروجليفي والهيرايطيقي والديموطيقي والقبطي، مراحل حروف كتابة للمعرفة
والدراسة والبحث حسب المتاح والممكن، أما الواجب والضروري والإلزامي
الحتمي هو #تدريس-اللغة-المصري

ف عيد الأمهات، عاوزين نعترف بلغة الأم، اللغة المصري هيه لغة الأم بالنسبة
للمصريين، ولغة الأم ف أي مجتمع هيه اللغة الوطنية!
اللغة المصري، لازم لنا، وواجب علينا، نقاوم لغاية ماتاخذ حقها ووضعها
الطبيعي ف أرضها وسط شعبها!

مفيش مشكلة أبدن إن يبقا فيه ثلاث لغات رسمي:

المصري (لغة وطنية)

العربي (لغة دينية)

الإنجليزي (لغة معاملات دولية)

2023 / 3 / 21



1499 طشت

أبو طشت

الطشت قاللي، دي كانت أغنية مشهورة أوي

والمتثقفين بيتنكرو للفن اللي بيستخدم مصطلحات شعبية، عكس ثقافة التعريب،
وأما يحبو يدللو علا إنحدار المستوا، يقولو إزاي يبقا فيه أغنية للطشت؟
الطشت ل الأجيال اللي متعرفهوش، كان جهاز منزلي أساسي لكل بيت،
لغسيل الهدوم، والحوما .. يعني سيادتك تقعد بلبوص ع التختة وسط الطشت
كده زاي الباشا، وأمك تدلق عليك الماية، تفرك راسك بالصابونة وتحميك!
المتعربين بقا مكنوش يكتبوه بالشين، يكتبو "طشت"، وكأنه متصرف من
الطاسة! والواقع إن الشين أصلي، والسين مجرد تصريفة!

أحب هنا أبشر الجماعة أهالينا بتوع مركز ومدينة أبو تشت قبلي، واضح إن ده
أصل إسم بلدكو، بالظبط زاي ما بتنطقوها "أبو طشت"، ومعناها = أرض
البركة/ أرض البحيرة، وممكن تبحثو عنها وتدورو عن أصلها، أكيد هتلاقو بركة
أو بحيرة قديمة، عشان كده خدت الإسم المصري القديم: "طشت"!

2023 / 3 / 24



ح: stumble, slip: اتعنم (اضطراب/ إضطراب)
ص: طرب (بيطرب/ ينطرب/ ينطرب/ إطرِب/ مطرب "مضطرب"/ إطراب "إضطراب")


1500 إضطراب

الإضطراب، ولا الإضطراب؟

الكلمة ملهاش أصل ف العربي، ولا ف أي لغة ثانية، كلهم خدوها من المصري!
ومادام الأصل مصري يبقا يصح إن الكتابة ترجع للأصل!

الضاد اللي بتنكتب دلوقتي ف أول الكلمة ملهاش أصل!
شوف الجذر الأصلي من مرحلة الحرف الهيروجليفي "طرب/ إطرب"، كل
الحكاية التشديد خلا اللي بيكتب بالعربي يهرب من تكرار حرف الطه!
يبقا من حقنا نكتب حسب جدورنا احنا، وكان ممكن نصلح للعربي، عشان
احنا اللي عندنا الماستر كي بتاع لغات المنطقة كلها!
يعني مجمع اللغة العربية (الوطني!!!) لازم يعيد حساباته، ويمشي ورا
#مجمع_اللغة_المصرية (الوطني بتأكيد)

و .. "الموטר يركب الصعب"! .. كده صح بالمصري!
البوست بيدعم نطق الحرف الأولاني، شبه الحبل المتني، بصوت الطه، زاي
العادة ف البوستات اللي فاتت، سيبكو من النطق الإصطناعي بتاع القواميس
اللي بينطقوه (ث)! .. معندناش حرف الله، لا زمان ولا دلوقتي، وعندنا
تطليع اللسان عيب، والتفتفة مع الكلام عيب!



2023 / 3 / 25

1501 باتع .. باتعة

الباتع والباتعة

- سره باتع

- راجل بائع

- بت بائعة

البائعة (إسم وصفة)


اكثر من جدر مصري قديم، بنفس المعنا shine

عجيني الجدر بصورة الطلوقة

الجراءة والوضوح صفة البائع والبائعة

2023 /3 /26

1502 بقروور .. بقلل .. بقالة



البقروور اسم الضفدع الصوغير، الجمع "بقارير"!

الإسم لسة معروف عند الفلاحين والصيادين لغاية دلوقتي

"البقروور" الصوغير، و"الدقروور" الكبير!

التصريف بالكناية بقا منها وصف، لو واحد تحت عينه منفوخ زاي عين الضفدع، نقول عينيه "مبقلة"، وأما تطلع فقاقيع من الماية أو الطيخ، نقول "بيقلل" و"بقلة" .. كلها كليات أو تشبيهات من شكل وتصرفات الضفدع، الي كان شريك أساسي ف الحياة مع التربة والنهر!

ومنها تشبيه حبات الحبوب "بقل" و"بقول"، وتأتي كلمة "بقالة" أي مكان بيع الحبوب أو البقول!

الكلمة ف مرحلة الحرف القبطي محصلهاش تغيير عن دلوقتي، عمل خط بياني بين مراحل اللغة من القديم لغاية دلوقتي كافي أوي عشان نعرف أقرب نطق صحيح للكلمة!

الضفادع ركن أساسي ف نظام التوازن البيئي ، بتخلص الأرض والإنسان نفسه من جزء كبير من الحشرات الضارة!

المصري القديم خلاها رمز مقدس "حققات" نتره خصوبة وولادة!

الطريف إن الصفدعة كانت رمز لرقم ميت ألف ١٠٠٠٠٠

ولو سألت عن السبب هتكتشف إن الرقم ده هوه عدد بيض الضفدع المصري، ودي حاجة صعبة إن أي حد يقدر يعد البيض بتاعها، إلا بميكروسكوب رقمي أو زي ما بيتقال دلوقتي: ديجيتال.

2023 / 3 / 27

1503 زبون .. زبونة .. زبانية



ح: impregnate: sbw تلفيح/ إخصاب

244. زين

ص: زين (زبون/ زبونة/ زباين)



ح: constriction: sbnw قبض/ انقباض/ تقييد

245. زينو

ص: زينو (زيان/ زابن/ زابنة/ زابنين/ زبانت/ زبانية)

ص: الزبانية .. سَنَدُغُ الزَّبَانِيَّة (قرآن)

الفرق بين الزباين، والزبانية

اللغة المصرية تقدر تجاوب ببساطة:

* الزبون، اللي يفيدك (يقبضك)

* الزبان، اللي يقبض عليك

الإجابة عندنا بسيطة وسهلة، شوفها بقا ف أي لغة ثانية، هتلاقي حاجات

غريبة!

2023 /3 /27

1504 شال .. شارة .. إشارة



ح: šrt bone, tie, fetter: رباط

298. شارة / شال

ص: شارة (إشارة/ أشاير/ إشارات) .. علامة مربوطة ع الصدر

ص: شال (شيلان/ شالات) .. رباط للصدر

ص: shawol .. شال بالإنجليزي

ص: shale .. شال بالفرنساوي

صعيدي يا شال، بحرأوي يا شال، وشال ع الصدر ما ينشال!

يا حليوة يا لابسة الشال .. أنا قلبي لحبك مال

كلمة "شال" أصلها ربطة، ولها علاقة بكلمة "شارة" و"إشارة" بارضو علامة بتربط ع الصدر، وردة أو، سيغة، إشارة بتميز اللي لابساها، علامة بتسهل مهمة

الي "بيشاور" عليها عشان يخطبها مثلن!

الجماعة بتوع سرقة التراث الفكري والعلمي، أدينا بنأصل كلامنا أهوه، متسجل ع الحجر من آلاف السنين، يعني قبل أي شهر عقاري ف الوجود!

هتلاقو كلامنا ف الفارسي والتركي والعبري والعربي، بس جدوره وأصوله من هنا .. يا راجل دا حتا الفرنساوي والإنجليزي واخدين الكلمة عن طريق اللاتيني، بنفس نطقها ومعناها!

2023 / 3 / 29



ح: **rsa** after, behind: ورا/ بعدين/ بعد شوية

223. لسا/ لسه

ص: لسا (لسة/ لساء/ لساها/ لسانا/ إساهم) .. أداة جملة الكماله **arak**

1505 لسة

لسة فاكرو، كان زمان

لسة أداة أصلية ف قاعدة من أهم قواعد الكلام المصري #اللغة_المصري

انتشرت ف المنطقة كلها وبقت ف كل الكلام!

لسة ف الأيام أمل

أما أشهر "لسه"، هنسمعها كتير اليومين دول:

بصوت الراحلة الفنانة شريفة فاضل:

"والله لسة بدري، يا شهر الصيام!"

* لسة أداة ف جملة الكماله

الناس اللي غاويين تفيعص يحاولو يعربوها بكل طريقة، واحد يقول ان أصلها

اختصار كلمة "للساعة"، والثاني ف مسلسل الإمام بيقلو أصلها: "ليس بعد" ..

ده الحوار، بس الست المصرية اللي بيكلمها الإمام، ترجمت المعنا، بارضو واضح
تأثير المخرج السوري وورشة الكتابة اللي فيها سوريين!

للأمانة بقاء، ورود الحوار حوالين الكلمة دي، من زمن الإمام الشافعي، يعني
بعد ميتين سنة من وجود العرب، يؤكد الأصل المصري للكلمة، رغم إن
إخواننا بتوع السيناريو حشرو مترجمين للكلام بين الشافعي والمصريين، عكس
كل الكتب التراثية المعاصرة، وأهم كتب ابن عبد الحكم، وكتب الشافعي
نفسه اللي مجبش فيها سيرة المترجمين!

المصريين طول عمرهم كلامهم مفهوم للعرب وقريب من كلامنا الحالي!

2023 / 3 / 29



ح: A snake: jadt / تعبان/ كوبرا (رمز حتحور ملكة الجمال)

arak

ص: غادة .. وصف للجميلة

ص: غادة .. اسم بنت

1506 غادة

من جدر مصري أصلي

الكوبرا رمز حتحور ربة الجمال

الكوبرا رمز "نيت" ربة الحصاد

تاج الملوك والملكات

ملكة قبلي وملكة بحري

لكل "غادة" وأي "غادة"، عيد ميلادها النهاردة! 2023 / 3 / 30

1507 قبطي



ح: **Gbaty** : the priest who clothes the ntr كاهن مصري مسئول الهدوم
502. قباطي/ جبتي/ قبطي

ص: قباطي (قفطان/ قفاطين) هدوم خروج رجالي وستاتي
ص: جبتي (اجبتي/ egyptian) .. مصري
ص: قبطي (قبطية/ قبطيات/ أقباط) اسم للمصريين

قبطي يعني مصري

ده مدخل ثاني، لوصف المصريين بالأقباط

- ليه؟

احنا عندنا أصل الاسم تصريف من اسمين مهمين ف قصة التكوين الخاصة
بمصر، النتر "جب" رب الأرض "والنتر "نوت" ربة السماء، اتجوزو بعض. وبقا
المصريين أولاد السماء، اللي اسمها الرسمي بعد الجواز: "جبت"، ومنها جت
تصاريف "قبط" و"ايجبت"!

المدخل الجديد بقا، باختلاف العصور، سببه وصف المصريين بإسم يميز شكل
هدوم الكهنة المصريين: جباتي!

الهدوم طول عمرها بتحدد شخصيتك قدام الناس!
 الطابط ميقاش طابط من غير البدلة العسكرية، والدكتور بمجرد ما يلبس الباطو
 الأبيض، خلاص بقا دكتور، والشيخ والقسيس .. نخ!
 شوفو التصارييف إزاي أكدت وصف المصريين بالأقباط بسبب لبس
 كهنتهم، دا اذا مكنش ده السبب الأساسي!

2023 / 3 / 31



1508 ردة

فاكرين الصدة ردة؟

اتنين بس، واحد يشوط برجله والثاني

يصد، وبعدين اللي صد يشوط .. نخ!

معرفش بيقولو عليها إيه دلوقتي!

اللعب بالكورة، أو حاجة زي الكورة قديم أوي، وبأشكال مختلفة!

أما المسجل الخطر اللي كل شوية يرتكب جريمة ويتحبس، بيقولو عليه:

رد سجون، يعني رجله واخدة ع السجون!

رد = رجل / قدم

2023 / 4 / 3

1509 دفس .. دفسة .. دفسات



مرة كنت ماشي ف طنطا، لقيت مطعم شعبي، بيعمل أكل مطبوخ .. وكاتب تحت الياطة بخط الإيد: مستعد لعمل جميع "دفسات" الأفراح!

عشان الإسم غريب بالنسبالي، سألت الطباخ العجوز، رد وهو ماسك الكرنيب (مغرفة إيدها طويلة)، وباصص ف الحلة اللي ييطبخ بيها، قال:

دي اللي ييسموها دلوقتي "الكبسة"، رز وبهارات وخضار وجواها لحمة مدفوسة ف الرز، يعني اللحمة المدفوسة ف الرز سبب التسمية: مدفوسة!

2023 / 4 / 3

1510 مصر, ثاني وتالت



ح: ms-rꜥ : birth of ra (domestic form), the month mesore ميلاد رع/ آخر شهور السنة

208. مصر

ص: مصر (مسرا/ ماصر/ مصرايم) .. اسم مصر (بلد/ بربا/ مدينة), خطاب أمختب 3 dictionary

مصر .. مولودة الشمس

الشمس "رع" رئيس المجمع المقدس، رأس التسوع!

ميلاده ف شهر كامل، خلده المصريين ف اسم نفس شهر ميلاده "مسرا"!

من الإسم ظهرت تصريفة "مصر"!

أليس لي ملك "مصر" وهذه الأنهار تجري من تحتي .. الزخرف 51

قال الكندي (801: 873): لا يُعلم بلد في أقطار الأرض أثنى الله تعالى عليه

في القرآن بمثل هذا الثناء، ولا وصفه بمثل هذا الوصف، ولا شهد له بالكرم

غير مصر.

"مصر" اسم مدينة، كل ما هو شرق العاصمة "منف"، واسم بربا أون، ووصف

لكامل أرض "مصر"!

اسم الشهر "مسرا" من عصر الملك أمنمحات - أسرة 12 - 1991 ق.م.، ومن
عصر الملك بسماتيك الأول - أسرة 26 - 664 ق.م.

اسم للدولة ف خطاب الملك أمنحتب 3 - أسرة 18 - 1400 ق.م
تخيلو إننا دلوقتي مطالبين بإثبات مصريتنا، مطالبين بإثبات مصرية مصر،
مطالبين بإثبات مصرية كلامنا، وأعيادنا، وأكلاتنا، وعاداتنا، مصرية طيبتنا
وكرمنا .. تخيلو بقينا مطالبين بإثبات وجودنا ..

مصر، مصرية الإسم واللغة والعادات والضمير .. الكلام ده موجه
للأفروسنترك، والعبروسنترك، والعربوسنترك، واليمنوسنترك،
والأطلاتنسنترك .. وكل الطمعانيين ف مكانة مصر، وكل المتغاضين من عظمة
مصر، وكل الخيانيين اللي مش مقدرين قيمة بلدهم "مصر"!

مصر هضمت كل اللي غزاها، دفنته جواها!
مصرت الأديان، وأدبت العربان، رغم انهم الأشد كفرا ونفاقا، تيجي انتا
وتقول إن العدو سماها؟


اسم مصر، وكلامها وفكرها، وغالبية جينات أهلها، وأكلها وشربها ولبسها
وغناها وفرحها وحزنها، كله من خير أرضها، وجهد وعرق شعبها!
حقايق واضحة زي الشمس، الشمس اللي نورت الدنيا، بنور علوم أهل مصر!
(وَالزَّيْتُونَ (1) وَطُورِ سَيْنِينَ (2) وَهَذَا الْبَلَدِ الْأَمِينِ) 2023 / 4 / 5

1511 مشلت



الحقو سجلوها بإسم مصر، أحسن تتسرق دي كان!
 المشلت، تصريفة من اسم وجبات الحبوب، واسم صريح لنوع من الكيك،
 بمخصص الفطيرة الواضحة اللي الخواجة مستوعبهاش!
 وكان الخواجة مختار يكتبها كيكة ولا سندوتش، قولوله انتو!
 المشلت نوع من الفطائر، من أهم أكالات المصريين!
 المشلت نخر أكالات المطبخ المصري!

2023 / 4 / 10



1512 بنوني .. بنوناية

عمرك فكرت إن الكلمة دي أصلها من جدر
 لغوي مصري؟
 طول عمري فاكرها حاجة أجنبية!
 دور بنفسك ف اللغات الثانية

وارجع بسرعة لقواميس اللغة المصرية القديمة

بنبن/ بونبن = مخبوزات بشكل البنبن (مخروطة)

واضح إن التشكيلة دي طلع منها حلويات، اللي عرفناها ف البنبوني أصغر نوع م

الحلاوة، ويمكن كان صواب

2023 / 4 / 11

1513 سقع .. تسقيع .. مسقعة



ح: snow: srK تلج
307. سلق/ تلج

ص: سلق (يسلق/ تسلق/ اسلق/ تسلق/ سلقنا/ سلقو/ مسلقو/ مسلوقة/ مسلوقين)
ص: سالق (سالقة/ سالقين) .. فواعد الضدية والتبعية ف اللغة المصري
ص: سلقوكم (سلفوهم/ سلقونا) .. سلقوكم بالسبئية جذاذ (قرآن)

ص: السلق .. بينطبخ مع القلفاس يشيل المرارة والسمية ويقال للزوجة
ص: تلج (يتلج/ تتلج/ اتلج/ نتلج/ تلجنا/ تلجو/ نتلج/ متلج)
ص: تلاجة (تلاجات)
ص: سلج (مسلجات/ متلجات)

لو مفيش قواميس لغة مصرية، مش هنقدر نأصل ألفاظنا -ومعظم ألفاظ

وكلام المحيط الجغرافي بتاعنا- تأصيل مضبوط!

*** لغاية وقت طلوع البوست ده، مش هتلاقي تحليل لكلمة "سقع" إلا ف حدود الشعور بالبرد، بس إيه علاقة البرد بتسقيع الأراضي والشقق؟ ولا إيه علاقة البرد بأكلة المسقعة؟

- واحد كتب ف جوجل أصل المصريين يجبوا كلوها باردة!!!!

- بالذمة دا كلام؟

*** الجدر الهير وحليني "سقع" بمعنا تطويل العمر!

كان فيه واحدة قريبتنا زمان، أما تدعي تقول: يسقعلك ويشفعلك ربنا!


ويبقا اسم "المسقعة" السخنة الملهلبة، اسم دلع: اللي بتطول العمر!

2023 / 4 / 11

1514 بيروت

Bartā , Anastasi I,

20, 8, a district in Syria, Bêrût ; Tall al-'Amârnah

- , Gr. Βηρυτός, Arab. ^بي^رو^ط

Eth. ባርተስ :

اسمها بالهيريوجليفي من عصر الدولة الحديثة، ضمن إمبراطورية الملك تحتمس
التالت/ أسرة 18 - سنة 1460 ق.م

بيروت، من قلبي سلامٌ لبيروت

وقبل للبحر والبيوت

أغنية فيروز

الترجمة الحرفية للإسم من الهيريوجليفي = طلب سلام/ دعوة سلام

معرفش إن كان فيه تفسير للإسم من الفينيقي، انما بالتأكيد ترجمة الإسم من
الآرامي أو العبري أو العربي خطأ، لأن الحرف المصرى الهيريوجليفي أقدم من
كل حروف اللغات دول!

بيروت لها مكانة غالية عند المصريين، والتفسير من التاريخ القديم واللغة القديمة،
يوضح أصل العلاقة الخاصة والتميزة بين المصريين واللبنانيين!

2023 / 4 / 13



ج: hf: the range of hills: نطاق/ مجال
446. حف

ص: حف (يحف/ تحف/ أحف/ نحف/ حو/ حفيد/ حوهم/ حلوكم) .. تجاوز النطاق
ص: الحف (حاف/ حافة/ محوطين) .. السرفة
ص: الهف (هف/ يهف/ تهف/ اهف/ نهف/ هاف/ هافة) .. السرفة، تجاوز نطاق الغير
ص: حافة (حوافي) .. حدود النطاق
ص: هفة (مهوف/ مهوفة/ مهوفين/ مهافيف) .. الجنون، تجاوز نطاق العقل
ص: حيف (تحيف/ احيف/ نحيف/ حفا/ حافيف/ حافة/ حافيفين)
ص: محفة .. وسيلة نقل خاصة بمجال شخص واحد
ص: حوف .. منطقة مخصصة (وادي حوف/ حوان - الحوف الشرقي/ الحوف الغربي)
ص: يحيف .. أم يخافون أن يحيف الله عليهم (قرآن)

1515 حف .. حافة

جدر بسيط، فيه ميزة الجدور
المصري الأصلي، من حرفين اتين
بس، معناه المجال أو النطاق!

نقدر نستنتج من تصنيفاته حاجات مهمة أوي:

أول حاجة: القانونيين يقدرو يأصلو جريمة السرقة بطريقة منطقية، مختلفة شوية عن اللي متحددة ف قانون العقوبات، وكان يقدرو يتوسعو ف الجرائم اللي ممكن تنزل تحت باب السرقة، أما نعرف ان من تصنيفات الجدر الأصلي "حف/ هف" معنا تجاوز مجال أو نطاق الغير من غير وجه حق .. إنما التعريف الساري لجريمة السرقة :

"كل من اختلس مالا منقولاً مملوكاً للغير"، وبس!


تاني حاجة: الثلاثة وعشرين دولة إياهم لازم يوجهو الشكر للجيل الذهبي (رفاعة الطهطاوي ومحمد عبده وقاسم أمين وأحمد لطفي السيد وأحمد أمين وغيرهم) اللي رتبو مجال منظم ل اللغة العربية، مكنش له وجود قبل كده، كانت الكتابة باللغة العربية عشوائية، بين الديني والسياسي، وتقدر تقارنو بين لغة كتب الجاحظ مثلن ولغة كتب طاهما حسين، يعني بارضو المصريين التنويريين دول هوما اللي قدمو اللغة العربية اللي بقت لغة رسمية ف حوالي 23 دولة، وقبل مجهودهم المتراكم ده مكنش ينفع تبقا لغة كتابة رسمية! لأنهم دخلو فيها كمية كبيرة من المصطلحات والألفاظ والتصريفات المصرية، مع احتفاظها بقواعدها الخاصة المختلفة عن قواعد اللغة المصرية!

ثالث حاجة: كده المصري عنده أربع لغات للكتابة والكلام:

1. اللغة القومية/ لغة الأم = اللغة المصرية الحديثة/ اللغة المصرية .. (قواعد مصري + ألفاظ مصري) للكلام والكتابة بحروف نبطي أو لاتيني، ولها لهجات قبلي وبحري واسكندراني ودمياطي وسويسري وشرقاوي وفيومي .. نل!
 2. اللغة الرسمية = العربية الفوصحا (صناعة مصرية بقواعد عربي + ألفاظ مصري) للكلام الرسمي والكتابة بحروف نبطي عربي!
 3. لغة دينية للمسلمين = لغة القرآن الكريم، لغة عربية بحروف نبطية عربية!
 4. لغة دينية للمسيحيين = لغة مصرية بحروف قبطية وتصريف يوناني!
- وللمصريين حقوق استخدام أي أو كل اللغات الأربعة لتحقيق الوظائف الخمسة: (التواصل / المعرفة / الفهم / التأثير / التعبير)
- رابع وآخر حاجة: بكرر طلبي ومناشدتي للمسؤولين عن التعليم، الإعراف بـ #اللغة_المصري اللغة القومية للمصريين/ لغة الأم، وتأسيس أقسام ف الكليات لأبحاثها ودراستها وتدريسها!

2023 / 4 / 14

1516 فتل .. فتلة .. فتيلة .. فتال



قبل كده قدمت من جدور المصري القديم كلمة "حبل" وكلمة "رباط"، وكلمة "دوبارة" وكلمة "خيطة"!

دلوقتي كلمة "فتل" يفتل / تفتل / فتلة / فتيلة، واسم الصنایعي: الفتال! زي عادة اللغة المصرية، المصدر أو الجذر الأصلي اسم، "فتل" يعني نوع من الخيوط، وبعد كده بيتصرف من الإسم فعل: الفتل، واسم الفاعل: فاتل، واسم المفعول: مفتول .. نلخ!

من طرايف المصريين، إنهم بيسمو الطخين أوي: فتلة!

2023 / 4 / 22

1517 صعب



Gardiner's list codes

S29-D36-D58-T30

Transliteration

s'b

Translation

Dismantle, take to pieces
(boat), take out, circumcise,
castrate, geld

* عشان تعرف معنا الكلام, أي كلام, من
أي لغة, لازم توصل للجذور بتاعته!
لو اكتفيت بمعاجم العربي, هتلاقي معنا
كلمة صعب = شاق / مؤلم

- طب يعني إيه ؟

المعاجم إياها بتعتمد علا فطنة وزكاوة اللي بيقرا .. بطريقة مونا زكي (دا
مشهور أوي) .. أو بطريقة يونس شلبي (انا عارفها, بس اتتا قول) .. نلخ!
المعاجم دي معذورة, لأن واضح حتا من تسميتها معاجم, يعني كلام العجم,
أو الكلام العجمي, انه المعجم مجرد فنتاس بيرمو ويخزنو فيه كلام العجم اللي
اعتبروه نهية أو غنيمة حرب, يعني كانوا يحشو المعاجم بكلام منهوب من
الشعوب (الأعجمية) المغلوبة بس مش عارفين أصوله!

كلمة صعب, أصلها بيوصف حالة الإنسان المحلول/ المخصي, حالة العاجز
الجنسي, الرخو "المرخي", اللي لغاية دلوقتي بيتقال عليه: "محلول!"
انحلال الأعصاب وافتقاد العزم, وهدة الحيل, شعور العجز وقلة الحيلة بقا
كناية عن الشعور الشاق المؤلم!

يبتصرف من "صعب"، صعبان ومتصعب وصعيب ويصعب وتصعب واصعب
وصعبنا وصعبو .. نلخ!

الظريف بقا لما يحصل لخفنة لحروف نفس الجدر، عشان تدي عكس المعنا:
صعب بمعنا التفكيك والانحلال، بالتصريف بقت عصب وأعصاب ، بمعنا
الشدة وقوة التركيز!

2023 /4 /27

1518 نحس



النحس ثقافة شعبية

المناكفة والنقار، ثقافة شعبية، فلفل وشطة، توابل ثقافية يعني!

الحياة فيها كل حاجة، ومش مفروض نستبعد أي حاجة!

الحياة كده: فيها الحلو وفيها المر!

التنوع كاشف، والأصل الطيب يظهر ويبان ف المصايب!

والتراث الشعبي، أو الثقافة الشعبية المتوارثة، أو بالبلدي: سلو بلدنا!

سلو بلدنا، من زمان أوي نقول إن رقم تلتاشر نحس!

- السبب إيه؟

السبب بإختصار، إن ده الرقم اللي مقدرتش إيزيس تكلمه، يعني جتة أوزيريس اتقطعت أربعتاشر حطة، جمعت بس تلتاشر ووقف الرقم متحركش، وفيه مناشدة من إيزيس للرقم تلتاشر إنه يتحرك عشان تجمع جتة جوزها!

بيقا حكاية الرقم تلتاشر ده، من تراثنا الشعبي، وبقا من سلو بلدنا اننا نبعد عنه! وبيقا من الواجب نحافظ ع السلو ده، ولو للنكتة والمناكفة والنقار الحلو، اللي شبه نقار الأهلاوية والزملكاوية!

مش كل حاجة ف التراث الشعبي نوزنها بالعقل، المزاج الشعبي له وزنة تانية! عندكو -مثلن- حكاية بوس (تقبيل) الحجر الأسود، مش من الإسلام، ولا مفروضة، إنما من التراث الشعبي للعرب، والعرب حافظو عليها ودخلوها ف الطقوس، وعلا قلبهم زاي العسل .. يبقا التراث الشعبي مش كله بالعقل!

نحس = تعويذة/ سحر (عمل)


بالمناسبة ودي حاجة ملهاش اي علاقة بالعنصرية، ف كل فلكلور العالم حاجات فيها تشاؤم واحساس بالنحس من الغريب، يعني الأبيض يتشاؤم من الأسود، والأصفر، والأحمر، والعكس!

وبعدين يتصرف منها الأفعال والصفات والأدوات والكثايات وأسامي الفاعل والمفعول .. نلح، عكس العربي اللي لازم يكون المصدر بتاعه فعل!

2. سبق وعملت فصل عن #أسباب شبه العربي=المصري ، وحددت فيه حوالي 970 جذر مصري موجودين ومتصرفين ف القرآن الكريم، بإعتباره أول وأهم مصدر مباشر ل اللغة العربية، إنما لسة متكلمتش عن الجدور المصري اللي مش ف القرآن، بس مالية المعاجم بتاعت العربي، وكأنها من أصل الكلام العربي، بخلاف الحقيقة والواقع، ومنها الكلمة بتاعت البوست ده!

2023 / 5 / 4

1520 اللين .. والليونة



ح: rin/ rint (female, man, animal), youth: صغير

280. لين/ ليين

ص: لين (لينة/ لينين/ يلين/ ألين/ نلين/ لننا/ لانو/ ملين/ ملينة/ ملينين/ تليين/ ليونة)

ص: لايين (لاينة/ يلاين/ تلاين/ الأين/ لينو/ ملاين/ ملاينة/ ملاينين)

ص: تلين .. تَمَّ تَلِيْنُ جُلُودِهِمْ وَقُلُوبُهُمْ إِلَى ذِكْرِ اللَّهِ (قرآن)

من الجذر الهيروجليفي "رنت rint" اتصرفت معاني الليونة:

مع تطبيق قاعدة الشقيلة الطبيعية بين الره واللام، وقاعدة المد بالألف المفتوحة أو المكسورة أو المضمومة، حسب العادات اللغوية لكل مجموعة بشرية، ف النهايات المتحركة، يعني لو النهاية ألف أو يه أو واو أو هه، طبيعي تخضع لعادة المد بالألف:

• ريان/ ريانة .. وصف للخضار والفاكهة الطازجة اللي لسه جاى م الغيط، والعيش السخن، والبنات الحلوات القمرات!

• رنو/ لانو .. وصف للولاد والبنات المراهقين!

• رانيا/ لانيا .. رينا/ لينا .. وصف تاني للبنات والعجول الصغيرة!

• رين/ لين .. أي حاجة طرية، نبات/ جماد/ حيوان/ طير/ إنسان!

يلين/ تلين/ ألين/ نلين/ يلاين/ تلاين/ ألين/ نلاين/ لان/ لاين/ لين/ لينة/ ملين/ ملاين/ ملاينة/ تليين .. نلخ!

العربي -زي العادة- خدها وحشا بيها المعاجم، وعنده حق لأن تصريف من نفس الجذر موجود ف القرآن الكريم: "ثُمَّ تَلِينَ جُلُودُهُمْ وَقُلُوبُهُمْ إِلَىٰ ذِكْرِ اللَّهِ"، وهنوصل للسبب لو قرينا البوست بتاع [#أسباب شبه العربي بالمصري](#)

الجذر "لينا" ظهر كان ف اللاتيني ف وصف قريب من الجذر الهيروجليفي، لواحق أو نواهي بمعنا الصغيرة:

ماجدو-لينا/ كارو-لينا/ أنجيل-لينا .. نلخ 2023 / 5 / 7

1521 مدينة الخرطوم



Gardiner's list codes

N29:D21-X1:Z4-O49:O49

Transliteration

krtj

Translation

The two sources of the Nile (at Elephantine)

الخرطوم ملهاش خرطوم

واسمها ملوش علاقة بأي خرطوم!

لا خرطوم الفيل، ولا خرطوم الحنفية!

كل دي حواديت مصاطب التاريخ!

قبل الكلام عن اسم الخرطوم من اللغة، لازم نتخيل الوضع الجغرافي

والتاريخي، قبل ميت سنة وقبل ميتين سنة، طب قبل خمسميت سنة . نخ!

مكنش فيه حاجة اسمها "سودان"، كلها كانت ضمن مصر، حتا الأسر

الكوشية اللي حكمت ف فترات، حكمو باعتبارهم مصريين، أساميهم مصرية

ودياناتهم مصرية ورموزهم وتماثيلهم كلها مصرية، يعني نقول أسرة مصرية من

كوش، زي ما بنقول اسرة مصرية من أسيوط أو دمياط .. نخ!

وبالتالي اللغة المصرية الوحيدة هيه اللي ممكن تفسر أسامي بلاد ومحاصيل

ونباتات وأكلات وهدوم وحيوانات ومعظم موجوداتنا الحضارية!

الخرطوم بيلتقي فيها النيلين الأزرق والأبيض، يعني المصدرين الأساسيين

للنيل السعيد، الجاري ف مشوار طويل من الخرطوم لدمياط ورشيد!


اسم النيلين أو المصدرين دول : قرطو، وبالتصريف: "خرطو"

كمان كان بيتزرع ف المكان الغني بالمائة والطمي ده نبات اسمه القرطم ينتج
 الزيت والصبغة، اسمه معناه الحرفي = اللي طالع من النيلين: قرطو-م ..
 بالتصريف: خرطو-م
 *بس كده!

يعني إسم مدينة الخرطوم منحوت من واقعها الجغرافي الزراعي الطبيعي،
 باعتبارها المكان اللي بيلتقي فيه المصدرين الأساسيين للنيل!
 - وف الخرطوم، الخير بيدوم!

2023 /5/5

1522 مصر .. رابع وخامس



مصر اللي ف القرآن، يعني مصر بتاعتنا
 مش ف الأردن ومش ف اليمن، حتا لو فيه بلاد هناك بنفس الاسم!



كلام الربيعي والماجدي وقبلهم الصليبي والسواح
ميهمنيش كثير، انما يهمني ولاد بلدي المصريين اللي
يرددو الكلام ده!

بقا عشان يخلصو من قصة فرعون، يقوم يقولو ان
المشكلة دي كلها حصلت ف حنة تانية، وإن مصر اللي

مقصودة ف القرآن مش مصر بتاعتنا اللي فيها النيل! خصوصن وإن الآثار بتاعتنا
مفيهاش كلمة واحدة لا عن فرعون ولا آل فرعون ولا عن موسا ولا عن أي
نبي من المذكورين بس ف الكتب الإبراهيمية، العهد القديم والعهد الجديد
والقرآن؟

يعني ببساطة يخلصو من العار، بطريقة قتل البنت اللي ظبطها ابن عمها واقفة
تحت السلم مع ابن الجيران، أو بطريقة أمين المخزن الحرامي اللي يحرق شونة
قطن بالملايين، عشان يداري اختلاسه لشوال ولا زكية بملايين!

يادوب ضحو بمصر، وسيحو دهما، ونصبو المركزية اليمنية من هنا، قام طلعت لهم
المركزية الأفريقية بإمكانيات أمريكا ونجومها ودولاراتها!

أيوه أنا قاصد أقول طلعت لهم هوما، لأن الكذب ملوش رجلين، وينطبق
عليهم المثل المصري الفصيح البليغ:

"طمعنجي بنا له بيت، فلسنجي سكن له فيه"

العالم الجديد ف أمريكا واستراليا سكانه من العالم القديم، خلدو ذكر قراهم
ومدنهم القديمة ف اسم قراهم ومدنهم الجديدة، يعني أمريكا فيها:
مفيس/ تينيسي - ليبانون/ بنسلفانيا - دمشق/ ماريلاند - كلرو/ الينوز -
بلستين/ تكساس - بجداد/ فلوريدا - جوردان/ نيويورك - اسكندرية/
فرجينيا - اسكندرية/ لوزيانا .. نل!

كده بقا نجهز نفسنا لخناقة جديدة عن حكاية أنطونيو وكليوباترا اللي
حصلت ف اسكندرية لوزيانا، وملحمة جلجامش اللي اتسجلت ف فلوريدا؟
البن والجزيرة كلها كده علا بعضهم سكانهم جوداد، أيون أيون جوداد
خالص بالنسبة للعالم القديم ف مصر والعراق وأشوريا وفينيقيا وحيثي، وحتا
بالنسبة لإيران والهند والصين، جوداد جوداد، وملهمش آثار حضارية أقدم
من ألف واحدة مفيش غيرها (ق.م)، يعني حسب الآثار -مش الحواديت-
مملكة سبأ (1000 ق.م)، مملكة حمير (600 ق.م)، مملكة معين (200
ق.م)، عالم جديد اتشكل وخذ أساميه من العالم القديم الطاغى بثقافته ف مصر
والعراق، اسم البلد نفسها "يمن" تصريف من اسم الرب المصري العالمي "إمن/
يمن/ آمون"، وإسم حضر موت، يعني (وقف موت) أو (مخصصات موت)،
من اسم ربة السما المصرية "موت/ أمات"، ولو مش مسدأ اسمع كده واحد
حضرى أصلي وهو ينطقها "مات"، قبل استقرار السبأيين وغيرهم من مطايرد

عشاير الهكسوس, كانت منطقة خالية من البشر, مجرد غابات طبيعية ينظم الكهنة المصريين رحلات بحرية ليها لإحضار أنواع معينة من الأعشاب متخصصة لطقوس وبخور وعطور ربة السما الأم "أمات"!

السكان الجوداد للجزيرة، جنوبها وغربها وشرقها ووسطها، عشاير اتفرطو واتفرقو واتوزعو بعد الطرد من مصر سنة 1580 ق.م، أما كانوا ضمن عشاير الهكسوس الأربعين، ولو رجعنا لفصل الهكسوس فالباب التمهيدي هنلاقي إن من أسامي العشاير دي:

عبر وعرب وسبأ وغيرهم، واللي لسة مش مسدأ يورينا أي وثيقة أثرية حضارية (يعني حاجة مكتوبة ع الأثر) أقدم من تاريخ الطرد الهكسوسي! مش محتاج أقول ليكو، إن إخواننا اللي فكرو بطريقة النار ولا النار، والعيلة كلها تروح ف الوبا عشان واحد انضرب بالقلم ولا بالسلوت، بارضو هنا .. بينكرو حكاية الهكسوس كلها من طقطق لسلامو عليكو، رغم انها متوثقة بأكثر من وسيلة أثرية وتاريخية، وبارضو بينكرو اسم "مصر" المكتوب ف رسايل الملك أمنحتب الثالث، ويقولك رسايل تل العمارنة دي كلها متزورة!

مجرد عند ونشوفية دماغ طفولية، وتعصب لقشور ثقافية، باقتراض حسن النية! قصص وأنبية العهد القديم ملهاش علاقة بالمصريين، وبدأ ظهورها مكتوبة بعد الأسر البابلي، يعني مش أكثر من 450 ق.م، عشان كده جدودنا


المصريين مكتوبهاش لأنهم ميعرفوهاش، دي قصص وحكايات بين العشائر الصحراوية، سواء ف زمن الهكسوس أو بعد كده، والعشائر دي بدوية يعني بدائية، لا ييسجلو ولا ييكتبو، لاحظو إن التوراة السبعينية (أهم مصدر للقصص الإسرائيلية) منكتبتش إلا أما طلبها البطالمة، لما الملك بطليموس الثاني زهق وجض وقرب يقطع هدومه من نخع الكهنة، كل شوية يقعد ف مجلسه واحد منهم يقول حكايات نوح والحوث وشق البحر وغيرها، انما لاحظ إن الحكايات مش متظبطة ومتلخفنة، لأن كل واحد يحكي بيغير ويطول ويقصر حسب مزاجه ومزاج وحالة، عشان كده طلب من جماعة منهم يكتبو الحكايات دي بإعتبارها تراس (تراث) أدبي، مش أكثر، لولا التسجيل ده يمكن كان تاريخ الأديان الإبراهيمية ومسارها كله مختلف!

البدو معتزين ببداوتهم ويخافو ويرتعشو من أي مظاهر حضارية، عشان كده متسجلش حاجة ف الآثار عن القصص والأنبيا التوراتيين، إلا اللي كتبوه هوما بإيديهم وف كتبهم، ف زمن متأخر، بعد ما الكتابة اتطورت وانتشرت ف العالم، واستفادت لغاتهم الآرية والسريانية والعبرية من التطور ده، واتحولت ل لغات مكتوبة، بغض النظر عن صدق وحقيقة اللي كتبوه من عدمه!

مصر اللي مقصودة ف الكتب المقدسة، كانت زي أمريكا دلوقتي بالنسبة للعالم القديم، قوة اقتصادية وثقافية وعسكرية، حضورها طاغي وتأثيرها كبير ف كل

شعوب الأرض، انما مصر اللي ف اليمن دي مجرد عزبة! زي "باريس" بتاعت
 محافظة الوادي الجديد بالمقارنة بمدينة "باريس" بتاعت فرنسا!
 مصر اللي مقصودة ف التوراة دي اتكلم عنها بالتواتر التاريخي التوراتيين من
 اليهود والمسيحيين، يعني هوما اللي شرحو وفسرو كتابهم!
 مصر اللي مقصودة ف القرآن، هيه نفس مصر اللي ف التوراة، وكل الكتاب
 المؤرخين والمفسرين المسلمين، اللي أقرب بالزمن وأقرب بالتخصص، اتفقو إن
 مصر اللي مقصودة هيه نفس مصر النيل!
 يعني نسيب كل ده، ندفن قصة الهكسوس، ونحرق جوابات العمارنة، وملناش
 دعوة بتواتر كتابات المؤرخين أهل وأصحاب الكتاب، وياللا بينا نشوف واحدة
 غلبانة نلزلها العيلين الملقطين دول؟

2023 / 5 / 8



1523 ملك

ملك الملوك اذا وهب
 كلام العرب الأساسي كله من
 عندنا، خدو معظمه من أيام ما

كانو مجرد عشيرة ضمن عشائر الهكسوس بلغتهم الآرامية، وكمية ألفاظ ثانية دخلها ديوان الإنشا!

يعني العرب خدو من المصري كتير، من قبل ما يتحولو لقوة بتفرض الجزية وتستقبل الخراج، من قبل أيام الإستكراد، ولو اتتا حقاني أوي، يبقا لازم تقول ع العربي لهجة مصرية، مش العكس!

الجدد المصري "ملكات"، يعني ريس العمال!

والجدد المصري "ملكا" يعني هدية ملكية

الغفير عندنا بقا ملك عندهم، والقرد ف عين أمه غزال

- احنا مش شعب تافه ينسا كلامه، الحضارة ف صلب نخاعه!

- فجر الضمير يا مصريين، للأسف حكموكو كتير تافهين!

مصيبتنا ف نخبتنا، اللي صدقت كدبة ضياع اللغة!


النخبة الخالية، قالو عن اللغة المصري "ميتة" والباقي منها "عامية"!

ف حين نخبة ثانية جبننا صحت العبرية م النوم، وعملتها دولة!


اللغة المصرية لا ضاعت ولا ماتت، لسة ف جيناتنا وكلامنا حية!

2023 /5 /25

1524 يوم الزينة



Gardiner's list codes
Z2:Z2:N35-X1:W3
Transliteration
snt
Translation
Festival of the 6th day of lunar month



Gardiner's list codes
T22-N35:X1-X2*W22:X4-Z3
Transliteration
snt
Translation
Festival of the 6th day of lunar month

علم المصريات، علم الجدية والموضوعية، أبحاث ودراسات بتلتزم بشروط العلم النسبي التجريبي!

أما علم الحوادث، ان جاز نسميه علم، فهو للترفيه والتسلية، وبالمناسبة كان عندنا عيد اسمه كده، عيد الحوادث، من الجدر "حدث"، يعني الكلام الشعبي، وبالبلدي كلام المصاطب، والعيد ده بالصدفة معاده بكرة، عبارة عن سهرات جماعية لسماع الحوادث!

لما راجعت كتب التفاسير الإسلامية عن يوم "الزينة"، لقيت المكتوب عنه أقرب للحوادث، وكله اسرائيليات!

كان عندنا عيد قري شهري، اسمه عيد الزينة، ولأنه عيد قري، ففلوش معاد ثابت حسب التقويم المصري، إنما يبقا ساتت يوم من ظهور القمر، بشرط يوافق يوم الأجازة العاشورية القديمة أو الأسبوعية حسب اللي بنقوله دلوقتي،

ببساطة كده كان زي يوم وقفة عرفة أما توافق يوم جمعة، يبقا لها طقوس واحتفالات مخصوصة!

الزينة هنا بمعنا المنافسة والمفاخرة بالمنتجات والمأكولات والمشروبات والمهارات والمسابقات اللي لسة بنشوف بعضها ف الزفة بتاعت الموالد .. نلح!
نرجع لكتاب الحواديث، قصدي التفاسير، اللي قالو ان ده اليوم اللي بيتزين ويحتفل بيه المصريين، واقترحو كده إنه يوم شم النسيم بالطبع مكنوش يعرفو إن المصريين كانت السنة عندهم كلها مواسم وأعياد واحتفالات سنوية وشهرية وعاشورية وشخصية .. نلح، لدرجة إني حصرت منهم عدد (88) تمانية وثمانين عيد سنوي ف كتابي الأعياد!

ملناش دعوة بكتب التفاسير وحواديتها، انما ممكن نفهم من النص القرآني إن العيد ده احتفل بيه العبرانيين الهكسوس زمن وجودهم مع المصريين، لأنه عيد قري، وثقافتهم قريّة!

النص القرآني كان يقول عن ضرورة حشر وإحضار الناس ضحى، يعني بالنهار، استثنا من الأصل، لأن المصريين مكنوش بيتجمعو ف المواسم والأعياد الا بعد الظهر، لما يخلصو شغلهم، زي الموالد دلوقتي.

النص القرآني عن يوم الزينة، بيأكد هكسوسية المدعو فرعون، لأن مفيش ملك مصري جاب سيرة يوم الزينة ف قوايم أعياده الملكية، لأنه بالأساس عيد

شعبي، زي قعدات المصاطب لسماع الحواديت، إنما شخصية المدعو الفرعون
ورجالته يحتفلو لأن ثقافة الهكسوس قريّة، زي ما سبق!

2023 / 5 / 28



ح: popular talk, group talk, folk, people: hdt
491. حدث/ حديث/ حديث
ص: حدث (يحدث/ تحدث/ أحدث/ تحدثنا/ اتحدثنا/ حدثناهم/ تحدثنا/ تحدثناهم/ تحدثناهم/ تحدثناهم)
ص: حديث (حدثونا/ حدثناهم/ حدثناهم/ حدثناهم/ حدثناهم/ حدثناهم/ حدثناهم/ حدثناهم)
ص: حديث .. قباي خديث بغذه يؤمّنون (قرآن)
dictionary

1525 حواديت

مهرجان الحواديت

(حديث)

زي النهاردة، 21 بشنس / 29 مايو، كان المصريين بيعملو مهرجان اسمه
"مهرجان الحواديت"! - سبق واتكلمنا عنها برقم (1402)
قعدات وتجمعات لحكاية الحواديت

نسبة كبيرة من حواديتنا وحواديت العالم ظهرت ف المهرجان السنوي ده!
الشاطر حسن وست الحسن والجمال وأمنا الغولة

رادوبي أصل سندريلا


ايزيس والعقارب السبعة أصل الأميرة والأقزام السبعة

البحار التايه أصل سندباد

الطفل اللقيط "أودوم" .. نخ!

2023 / 5 / 29

1526 دني / تي



ودني جاي

فيه تعبير عربي بيقول:

- وقفل راجعا!

لو حلت الجملة العربي، هتقول:

- قفل إيه؟ ، وإيه دخل القفل بالرجوع؟

انما لو ترجمت الجملة بالمصري، هتلاقيها عادية =

ودنو جاي/ ودنها جاية/ ودهم جاين/ وتنو جاي/ وتهم جاين .. نل!

وطبيعي تشقلب الدال مع الت، تبقا: وتني جاي

هيقفل ويسد ويخلص كل حاجة ويرجع

دنو جاي .. تنو جاي


دني جاي .. تني جاي

جملة مصرية بنسبة ١٠٠٪

2023 /6 /10

1527 قرافة

جذر كلمة "قرافة"

kerf , to seize, to carry off, to pluck away; Copt. ⲕⲁⲣⲉ.

الفاعل "كرف/قرف" = حجز / ابعاد اسم المكان "قرافة" = مكان الحجز
المعنى بقا مباشر فد فواميس القبطي = مكان الدفن/ مكان الخمول

مدفن قرافة ⲕⲁⲣⲉ خمول عطل ⲕⲁⲣⲉ

الجذر المصري لكلمة "قرافة"

*بنقولها بالتبادل مع كلمة "جبانة"، ف

كل بلد وكل عزبة فيه قرافات، مكان

السكون والخمول، الكلام ده عندنا من قبل العرب بآلاف السنين!

2023 /6 /11

1528 غمزة



Gardiner's list codes

F32:Aa15:O34-N34:N33A

Transliteration

hms

Translation

Part of spear, tip ?, barb ?

غمزة من الجذر المصري القديم: "غمز"

= معناها الأصلي

شوكة أو شعرة أو راس دبوس .. نخ!

إنما "الكثايات" خدتها ف كل الاتجاهات!

مع الالتزام بالحروف الثابتة ونفس دائرة المعنا الأصلي، طلعت الكثايات

تصاريف وتصاريف من نفس الجذر!

- الغمز بالعين أو الإيد أو بالكوع، تنبيه بحركة بسيطة وسريعة،

يعني زي شكة الدبوس!

- يغمز لها، وتغمز له .. تواصل ومحبة
- * وف القرآن الكريم.. "وَإِذَا مَرُّوا بِهِمْ يَتَغَامِرُونَ" .. سخرية
- غمزلي مرة بعيونه، لقيت الحب مضمونه
- تلاقيني بغمزة عين
- غمزة، يا صاحب الغمزة

2023 /6 /14



Gardiner's list codes
 04-G1-D21:Q3-Z7-N35A
Transliteration
hrp

Translation
 Sink, be immersed

1529 هلب .. مهلبية

الهلل بتاع المركب، يعني المغمور أو اللي
 غاطس أو متغطس ف الماية
 وساعات يقولو الغاطس، نفس المعنا
 ده الفعل، ويتصرف منه المهلبية
 يبقا المهلبية = المغمورة بالماية أو السائلة!
 يعني الجدر مصري، وبارضو تصرفاته مصري!

2023 /6 /17

1530 سمك .. سمكا .. سمكة



الجدر المصري "امسكا/ مسكا"

بتطبيق التصريف بقاعدة اللخنة، يعني مجرد

بتبديل مكان الحروف الي يحصل كتير ف

كلامنا وكلام غيرنا تبقا:

سمكا/ سمكة = سمك النيل/ البوري .. وجمعها المصري "سمك"، وجمعها بالتصريف العربي "أسماك"، رغم إن المفرد "سمكة" والجمع "سمك" مش موجود ف المصدر الأساسي ل اللغة العربية (القرآن الكريم)، الي عبر عنهم بكلمة "حوت" وكلمة "صيد البحر"، يعني واضح إن الكلمة وتصاريفها دخلو اللغة العربية بعد الغزوات والتعامل مع المصريين، حتا الشعر العربي القديم مفيهوش الكلمة دي، وهنا بيان تأثير ديوان الإنشاء المصري ف تزويد المعاجم العربية بالكلمة دي وآلاف مؤلفة غيرها!


- يا بحر قول للسمك طول ما الشبك فوقك لا العشق كارك ولا

رمل الشطوط شوقك!

- ف البحر سمكة، سمكة، بتزء سمكة، سمكة، وع الشط واقف،

واقف، صياد بشبكة! 2023 / 6 / 17


نقطة 1531



نقطة إيزيس، يعني حنة من ريحة إيزيس، أو بركة إيزيس!
ولسة لغاية النهاردة، النقطة ف حياتنا الإجتماعية بركة!
عادة اجتماعية تضامنية، من قبل التعاونيات والفكر الاقتصادي التعاوني!
- النقوط ف المناسبات، محبة وسلامات، لا فوايد ولا حجوزات!
يعني النقطة كلها خير، نقطة السما جاية بتبشرنا، ونقطة الفلوس بتبصرنا
رغم كده تلاقي واحد بيتقول لصاحبه الرغاي: "نقطنا بسكاتك!"
الأعجب إن فيه شتيمة شعبية: "جاتك نقطة"، كناية عن حتمية حصول النقطة،
رغم انها بركة ومقدسة، إنما اللي يعاكسها ويقف ف طريقها مبرحموش!
كمان مولد سيدي سماعين الإمبابي بيتعمل ليلة النقطة، وفسحة المولد عبارة عن
ركوب قوارب بالليل وسط النيل عشان ينولو بركة النقطة!

2023 /6 /18

1532 رموز الموسيقى



أما تسأل اي حد عن رموز الموسيقى المصرية،
مش هيطلع منه غير المشهورين، يعني أم كلثوم
وعبوهاب وسيد درويش وعجلیم والسنباطي
وبليغ، وقبلهم بشوية جيل سي عبده الحامولي
وألَمْظ وسلامة وحجازي وكده .. لخ!

ف حين ان أقدم رموز الموسيقى والغونا، اللي
أسسوها يعني كانوا من مصر القديمة:

* وزير/ أوزير/ أوزيريس

ارتبط باسمه وقصته عزف الناي والهارب اللي شبه السمسمية، يعني كان بيلف
البلاد يعلمهم وينورهم بالكلام والموسيقا!

* حتحور/ هاتور/ باستت/ بسطة

أشهر شخاشيخ ف الوجود، بيقولو عليها صلاصل، مع ان اسم شخشيخة اقرب
لجدرها الأصلي، معرفش جابو منين صلاصل دي، كمان الطار والطبله مع
الهاتورات السبعة!

* بس

بتاع المزاج العالي للشباب والأطفال، بالحواديت والنكت والرقص بالصاجات

* يحي/ احي/ يحيى


قمر اربعتاشر .. طول عمره ف السن ده، آلاف السنين معداش سن اربعتاشر،
بيقسم ع الشخشيخة والناي والسمسمية

* مريت/ ميريت

اسمها متصرف من الجدر "مري" يعني الحب، تبقا الحبيبة/ المحبوبة، دي بقا
متخصصة ف الهاربات، ملكة الوتریات

2023 / 6 / 20

1533 ستة



أداة الجمع حسب نطق القواميس
(الاصطناعي الاصطلاحي الحرفي)،
يكون بحرف الواو!

- واو بس من غير ألف



بس لازم نضيف ان حروف الحركة (و-ا-ي)، أما تيجي ف آخر الكلمة، بتتمد
ويظهر بعدها صوت (هـ) الهه!

كمان نقول إن نطق الواو أداة الجمع، ممكن يتنطق (هـ) هه مباشرة!
زي المثال اللي ف الصورة ستة، مش ستو، يعني السات، بالظبط زي ما
بنطقهم دلوقتي: رقم ستة، والترتيب السات!
شوفوها ف نطقنا لأرقام الأعداد، أول ما ننطق رقم ثلاثة، يعني أول الجمع:
ثلاثه / أربعة / خمسة / ستة / سبعة / ثمانية / تسعه / عشره

عشان نقرب المسألة، وحسب السقافة (الثقافة) السائدة، فيه عشر قرايات
للقرآن الكريم، واحدة منهم بتثبت أداة الجمع بالهه:
الكافريه / الخالدينه / المبشرينه / المتقينه ... إلخ!

2023 / 6 / 23

1534 ابن كار

kar  , object, thing,
instrument, tool, utensil, apparatus, furniture,
goods.

احنا ولاد كار واحد

ال "كار" = المجال

يعني جملة "ولاد كار واحد" معناها = ولاد حاجة واحدة/ ولاد مجال واحد/

ولاد مهنة واحد/ بنشتغل حرفة واحدة .. نلخ!


وف الأمثال:

- عدوك ابن كارك

عشان المنافسة المتوقعة ف نفس المجال

ومنها تصريفة أوروبي: career

2023 /6 /27



1535 معلقة

كلمة "معلقة" صح!

تصريفة "ملعقة" عربي مش مصري!

الجدر المصري "علق" المكتوب بالحرف الهيروجليفي، معناه بين الربط والرفع!

ودي هيه دائرة استخدامنا للفعل "علق"!

- بنعلق حاجة، يعني بنربطها لفوق

- متعلقة بين السما والأرض

- اتعلقت، يعني اتربطت .. حب / كلام / أكل ..نخ!

- معلقة، اللي بنخط فيها الأكل ونرفعه!

- وال "تعليق" علا حاجة، يعني الكلام المربوط بكلام تاني أو حادثة!

نجي بقا لكلمة "معلقة"، اللي معظمنا -بسبب التعليم التعريبي- يربطها بالعربي،

رغم إن العرب مكنوش يعرفو يعني إيه معلقة إلا أما غزو الشعوب المتحضرة،

أما المصريين ف عندهم معالق أثرية معروضة ف المتحف المصري من زمن

حضارة نقادة، يعني ثلاث أربع تلاف سنة قبل الميلاد!

* كلمة "معلقة" المصري، تصريف من فعل التعليق والرفع لفوق!

* تصريفة "ملعقة" العربي، أقرب حاجة لها، من فعل اللعق، يعني اللبس!


احنا معندناش فعل التعليق بس، كان فيه تصريفات أصلية من مرحلة

الهيروجليفي، منها "معلقات" يعني طيارة ومربوطة بالسما!

بالإضافة للجدر "معلقاتا" اسم أو وصف للنتر آمن (آمون)، يعني المربوط بالسما!

2023 /6 /30

1536 القاع والقاعة



*العربي أصله من الآرامي!

*والآرامية، أصل ألفاظها من المصرية!

من اللغة المصري، القاع ملوش علاقة بالقاعة

*قاع، اسم مكان متصرف من "قع" = المرمي المحذوف!

- يعني القاع مكان الرمي (مقلب الزبالة)

أما كلمة "قاعة"، إسم مكان القعدة ف البيت، تصريف "ءاعت"!

الأتين جدرهم المصري بالهمزة!

إنما الهمزة بتتصرف مع القاف والجيم، حسب

قاعدة هروب الشقلبة!

يعني:


تقول ءاع .. صح

تقول جاع .. صح

إنما قاع .. أصح

نفس الحكاية:

قاعة .. صح



جاعة .. صح

ءاعة .. أصح

أي تأصيل للكلام المصري أو العربي أو العبري أو الآرامي، لازم يبدأ من
المصري المكتوب بالهيروجليفي!

2023 / 7 / 12

1537 حذف . حذف . حثف



ج: overthrow, be prostrate: hdb رمى / اطاحة / وقوع

520. حذف / حذف / حثف

ص: حذف (يُحذف/ تحذف/ أٌحذف/ نحذف/ حذفو/ حذفنا/ حذفناه/ حذفناها/ حذفناهم/ حذفهم)

ص: تحذيف (حذفت/ حذفتونا/ حذفتوهم/ تحذيف/ محذوف/ محذوفة/ محذوفين)

ص: حادف (حادفة/ حادفين/ حادفي/ حادفه/ حادفها/ حادفناهم/ حادفونا)

ص: حزف (تحزف/ يحزف/ أحزف/ نحزف/ حزفو/ حزفناه/ حزفناها/ حزفناهم/ حزفونا)

ص: حازف (حازفة/ حازفين/ حازفت/ حازفي/ حازفه/ حازفها/ حازفنا/ حازفينا/ حازفيناهم)

ص: محزوف (محزوفة/ محزوفين)

ص: حثف (حثفه/ حثفها/ حثفي/ حثفنا/ حثفهم)

ص: هدف (يهدف/ تهدف/ أهدف/ نهدف/ هدفنا/ هدفو/ هدفهم/ هدفنا/ يهدفو)

ص: هادف (هادفة/ هادفين/ هادف/ هادفة/ مهدين/ مهدين/ أهداف)

حذف حاجة, يعني رماها!

حذفه, حذفته, حذفوهم, حذفونا .. لخ!

أما تفوت علا فلاح ف الغيط وتقول له:

- احذف يا عم خيارية

يعني ارميلي خياره = اديني خياره!

حذف، أصلها من الجدر اللي ف الصورة "حذب"، وزي ما انتو عارفين
واتكررت معنا كثير، بقاعدة شقلبة حروف المخرج الواحد، بتتبدل اليه مع الفه!
حذف، تصريفة مصري أصلي من جدر مصري أصلي!



ومنها الـ "حذف" أو "الحذف" يا سيدي
متزعش، كله رمي واطاحة بعنف، زي المعنا
اللي يقصده الكاتب المصري القديم
بمخصصين الراجل اللي بيقع والإيد اللي
رافعة عصاية!

وكده حتا التصريفة العربي "حتف" يعني
هلاك، بارضو ف نفس دايرة معاني الجدر
المصري!

وكمات تصريفة "هدف"، يعني مكان الرمي، أو
المقصود بالعمل أو حتا الكلام، كلها دايرة معاني واحدة لنفس الجدر، مع تنوع
التصارييف!

- يا حضرة العمدة، ابنك حميدة "حدفني" بالسفندية!
- إهيه؟



1538 عيني، من عيني

طبيعي تسمع من المصريين وهو ما يجاوبو أو يردو
علا أي طلب، بتقديم العين!

مسألة قديمة وعميقة، عندنا وكمات عند الشعوب اللي تبغنا، زي اللبنانية!
تقول لواحد -ولو متعرفوش- عايز كذا

يشاور علا عينه ويقولك: من عيني/ من عينيا لتنين!
 جدولنا استخدمو رسة العين للتعبير عن أداة الجواب
 له .. لك .. لهم .. لنا .. نلخ
 اللام عندنا ف قواعد [#اللغة المصرية](#) أداة ربط للجواب
 يعني مش حرف جر، لأن معندناش حاجة إسمها أدوات الجر!
 نشوف كده الجملة دي:

* بنطق القواميس (الإصطلاحي الاصطناعي الحرفي):

- ارك عنختي دجد

* بنطقي (الطبيعي التصريفي الصوتي):


- لك عنختي (عناقي) جد (بجد)

جواب راقى دافى حميم مريح

العين والحضن وطولة العمر

تعبيرات رقيقة لسة موجودة ف كلام أحسن وأرقا شعب!

2023 / 7 / 13



1539 براد الشاي

بيبرد إيه ؟

الإسم مش بالمعنا العربي، إنما له (جناس) مع أصل مصلي!
لو قلنا عشان بنسيب الشاي فيه يبرد، طب ما كل الكبايات والحلل ممكن
نسيب فيها الحاجة لما تبرد!

العشم اللي عندنا إن الإسم يبقى له علاقة بالتبريد، بسبب إن التعليم التعريبي
خلانا مش شايفين العالم إلا بالنضارة العربي!

- كلنا بنخلل الكلمة بالعربي، رغم ان فيه إحتمال تكون ملهاش علاقة بالعربي!
أقدم براد للمشروبات السخنة، نحاس، تقدر تشوفه ف المتحف المصري!
بس البراد معروف وموجود ف مصر من آلاف السنين ..

الصورة اللي ع الجنب دي صورتها بنفسي من رحلة صقارة، مقبرة الوزير
بتاح-حتب - أسرة خامسة، يعني أكثر من ألفين سنة ق.م



- البراد القديم إسمه حسب النطق

الاصطناعي الإصطلاحي الحرفي = دبر


- البراد القديم حسب النطق الطبيعي

التصريف الصوتي = دراب، والتصريف

بقاعدة اللخنة، يبقى = براد

المعنا الحرفي المصري واضح إن له علاقة بالتقليب, بندرب القمح, يعني بنقله,
 بندرب الهدوم, يعني بنقلها علا ضرها, ويبقا ده المقصود بمعنا الكلمة الأصلية,
 إنه مش مجرد تسخين ولا غلي المشروبات, إنما تقلبها بقوة الغليان!
 - يبقا البراد أصله دراب, وبالتصريف بقاعدة اللخفنة بقا براد, زي جوز/ زوج
 - أرانب/ انارب - تموين/ تومين - فنة/ فنة .. نل

2023 /7 /14



1540 سوا

رايحين سوا

جاين سوا

بيذاكرو سوا

يتمشو سوا

- ءاعدين سوا، ءاعدين سواا علا شط النيل

كلمة "سوا" من الكلام المصري الخصوصي!

سوا = ف محيط .. بصحبة .. (حوالين بعض) .. مع .. (متحاوتين)

مخصص الجماعة، راجل وست وتلات شرط للجمع

هتلاقو حروف نفس الجدر ف قواميس الهيروجليفي بمعاني تانية كثير، حسب
المخصص اللي ف آخر الكلمة:

- بمخصص المكان والمساحة، بمعنا التساوي والمتساوي، ومنها
علامة يساوي! ومنها الشخص السوي (يسوا كذا وتسوا كذا/
ويساوي كذا/ وتساوي كذا/ ويساوو كذا .. نلخا)!

- بمخصص العنف عصاية ف إيد، تبقا بمعنا التهديد بالتسوية ..
هيسوي الهواين/ هيسوي الأكل، هيسويه م الضرب!

* هنا بقا ف موضوعنا ده، إحنا بنتكلم عن "سوا"، اللي هيه أداة ربط - ظرف
للزمان والمكان ف جرامر "اللغة المصري"!

2023 / 7 / 15

shefa , Rev. II, 138, awe.

شفا 1541

ربنا الشافي المعافي

شفا = قوة/ قدرة/ عافية/ صحة

بمخصص الكوبرا المصرية، ربة الصحة، مسئلة
الصحة ف البرابي المصرية القديمة، اللي لسة لغاية
النهاردة شعار الأجزخانات والدوا ف العالم كله!




















الجذر المصري "شفا" = التصريفه العربي "شفاء"!







الجذر المصري "شفا" = التصريفه العبري "شيبا"!


• شافي = قدرة أوزيرع العلاج / أوزير اللي بيداي / اسم لأوزير











- ربنا الشافي

• شفا = قدرة حتحورع العلاج / حتحور اللي بتداوي / اسم لحتحور

shefit  IV, 967,
   
   
   
   
II, 180, strength, might.

shefshefiu    
  A.Z. 46, 130, valiant men, courageous.

Shefi  T,uat III, a form of Osiris.

Shefiti    
    Rec. 32, 176,
  he of divine strength.

حتحور بتظهر بشكل الكوبرا

"إعرت / إعلاءة" رمز للملك،

وبتظهر بالإسم "شفا" رمز للدوا،

من آلاف السنين، لغاية دلوقتي

شعار لكليات الصيدلة ف العالم!

- ربنا الشافي

- كلمتين فيهم الشفا

- اشفي كل مريض يا رب



أسامي شافي وشافية وعبشافي ...

وأفعال يشفي وتشفي وأشفي ويستشفي وتستشفا

واسم المفعول مشتشفا

2023 / 7 / 16

1542 بلع .. بالع .. مبلوع

bari , Rev. ١٣, 4, to
swallow ; compare .

ج: bal^ق to swallow / بلع / التهام / زلط / بلع من غير مضغ / كتم الغيظ (كناية)

176. بالع

ص: بالع (بالعة/ بالعين)
ص: بلع (بيلع/ يتبلع/ ابلع/ بلعنا/ بلعو/ ابلعو/ بلعوها/ بلعوه/ بلعواهم/ بلعناها/ بلعونا/ بلعناهم)
ص: مبلع (مبلعة/ مبلوع/ مبلوعة/ مبلوعين (كناية القبول)/ تبلع)
ص: مبلع (مبلعة/ مبلعين)
ص: بلاعة (بلاعات/ بالوعة) .. اسم وحدة الصرف الصحي في البيوت والشوارع.
ص: بلعوم (بلاعيم) .. اسم عضو البلع في جسم الإنسان والحيوان

"بلع" الأكل كله!

"بلاعة" المطبخ والحمام

- عشان الواحدة تبقا "مبلوعة"، يعني مقبولة

المشكلة انك عشان تبقا "مبلوع"، ساعات بتضطر "تبلع" أي كلام!

شوفو مخصص الكلمة، رمز للدحيرة اللي ف الأرض، عشان واتتا بتروي لازم

تفصل الحتت الواطية، وإلا هتبلع مائة الزرعة كلها!

شكل ال "عت" مخصص وكان بناخد منه نطق حرف العين!

2023 / 7 / 20



1543 ابن الإيه .. بنت الإيه

فيه فيديوهات منتشرة عن الكلام المصري اللي
من القبطي


حاجة جميلة وزى الفل .. بس!

- بس إيه؟

القبطي إسم إصطلاحى لحروف الكتابة اليوناني المخلطة، اللي انكبت بيها اللغة
المصرية بتصاريف يونانية، والكتابة القبطي دي متأثرة أوي بالعادات اللغوية
اليونانية والمصطلحات اليوناني!

صحيح إن إسمها المكتوب بالقبطي، من مصادر مش قديمة أوي، معناه كلام
المصريين، (Met Remankēmi Μετρεμνημι) حتا ده من وجهة نظر
اليونانيين، لأنهم هوما اللي طبقو الحروف دي، أيام حكم البطالمة، عشان يقدر
يتفاهمو مع المصريين، تخيل كده واحد الإنجليزي طلعت ف دماغه ينقل كلام
المصريين وكتبها بحروف الكتابة الإنجليزي (اللاتيني)، وصرف الكلام حسب
طريقة التصريف الإنجليزي، والتزم - طبعن - بعاداته هو اللغوية، فيخلي الح هه،
والقاف كاف والصاد سين .. نخ، تقريرين ده اللي حصل مع القبطي!

يعني عشان ناخذ منها ونعتبرها مصدر مباشر لكلامنا الحالي، لازم نعمل تصفية
 أو فلتر، ودي ميقدرش عليها أي حد!
 لأن الكلام السطحي بيضر أكثر ما بينفع
 أديكو المثل ده، عن ترجمة من القبطي لوصف (ابن الإيه):
 يقولو إن أصلها ف القبطي يعني بقرة، وعشان كده تبقا شتيمة!!!



كل الفيدوهات
 المنشورة قبل ما
 أكتب رأيي ده،
 يقولو انها شتيمة
 طب، خليم كده
 يروحو يشوفو جدرها
 ف الهيروجليفي، هيلاقو
 معناها = البقرة

السماوية المقدسة! وطبعن فرق كبير بين إنك تقول "بقرة" وتسكت، أو تقول
 "بقرة سماوية مقدسة!"

يعني مش شتيمة خالص، دي زي ما ساعات نوصف واحد إنه رباني أو فيه
 شئ لله أو مبروك أو صاحب كرامات .. نلخ!

البقرة المقدسة دي كانت رمز حتحور وإيزيس وحسات ونوت .. نلخ، يعني
رمز لربات لهم أسرار وقدرات!

عشان كده ف اللغة المصري جملة "إبن الإيه!" مش معناها شتيمة خالص،
لأننا بنقولها مستغربين أو متفاجئين أو منبهرين!

- طيب تفتكرو قواميس القبطي مكتبتهاش بقرة مقدسة ليه؟

بذمتكو حد يعرف يجاوب، إزاي المؤمن المسيحي هيقول إن البقرة مقدسة؟

- يعني تدين كاتب القاموس القبطي ونظرتة الرافضة لمعتقدات المصري القديم
ووصفها بالوثنية منعتة يكتب الحقيقة!

والحقيقة إن [#اللغة_المصري](#) (اللي هيه آخر مراحل اللغة المصرية) مخيبتش
ظننا فيها، واحتفظت لنا بالمعنا الأصلي للكلمة، وبملاحها المقدسة القديمة!

طيب هيه كلمة "إيه" أو "إيهة" كانت اسم أو وصف البقرة الوحيد؟

- لأ طبعن، شوف كده الأوصاف الكتير دي:

بكارو / بقرت (بقرة) صاحبة العرش / قادت (قيادة) / خصمة - خصيمة


(خشمة) / لوناك / منعت (منبعة/ مناعة) / إديت (لقب ستاتي) / حسات

(حصة) / سمات (أسماء/ أسماء/ سماء) / خمة (خيمة) / إريت (إليت elite) -

ليت بالفرنساوي (lait) / - روئيت (لونبة/ ألوانبة) .. نلخ

2023 / 7 / 20

1544 برطش .. مبرطش .. برطوشة



برطش، كلمة مصري أصلي

معناها من مرحلة الكتابة بالحرف الهيروجليفي = وصف التشويه والتقطيع

- الوش المتشوه/ الجزمة القديمة المقطعة .. تلخ

ومش هتسمعها غير ف مصر وجواريا (مجاورينا)

لما دورت عليها ف الكتب العربي القديمة، ملقتهاش غير ف كتاب الإمام المصري


الليث ابن سعد، اللي لغاية دلوقتي محدش ربع حقه ف بلده

وفيه كلمة مهمة عنه قالها الإمام الشافعي:

- "الليث أفقه من مالك، إلا أن أصحابه لم يقوموا به."

يعني إصحابه وتلامذته مقدروهوش ومكبروهوش .. يعني كانوا زي دلوقتي (زي

القرع يمد ل بره)، ييفخمو ويكبرو ف الأجنبي، زي ما بيقول المثل الشعبي:



• سبب إقتصادي: الكاري بتقطع وبتهدد النقل النهري، ويتمنع المراكب الكبيرة! عشان كده كان المصري القديم يعمل كاري عايمة شبه اللي اتعملت ف العبور سنة 1973!

كاري من مراكب مرصوفة جمب بعضها!

كلمة "كوري" فضلت ولسة موجودة ف حياتنا بمعنا النقل والتحويل:

* الكهربائي: يعمل كوري من حته سلك، يحول وينقل بيها الكهربا!

* الفلاح: يستخدم كلمة "كوري"، بدل كلمة "حوال"، أما ينقل الماية من غيط لغيط!


* اللعيب: يحول وينقل الكورة (كوري) ترقيص من بين الرجلين!

كبري .. كاري

الكاري بتنقل وبتحول وبتغير وبتوصل المسارات

2023 / 7 / 27

1546 عاشورا



عاشورا: اختصار بالتصريف من الجذر المصري "عاشورانا"!
 العاشورانا، طبق حلو كان يتقدم صباح أول يوم في الـ "صوماج"، الأسبوع
 المصري القديم، عشان الشهر في النتيجة المصرية كان يتقسم لتلات
 صوماجات، أكلة طبق العاشورا بقت كناية عن الصوماج كله، ويبقا الشهر فيه
 تلات عاشورات!



Gardiner's list codes
 S29-S29-Z7-N5-V20

Transliteration
 sw md

Translation
 10 days, a week


لغاية دلوقتي، بنقول : عيد اللحمة، كناية عن عيد
 الأضحا عند المصريين المسلمين، وعيد القيامة عند
 المصريين المسيحيين، أما عيد الكحك. في كناية
 عن عيد الفطر، وعيد الفتة، كناية عيد الميلاد،
 وعيد القلقاس، كناية عيد الغطاس، حتا شم
 النسيم بقا "شم الفسيخ"!

عادي إن المناسبات بتأخذ إسم الأكلة المشهورة بيها!

بمرور الأيام بقت الصوماجات عبارة عن عاشورات، كناية عن الأيام
الأسبوعية اللي كانت بتبدأ بأكلة العاشورة!
ومن عاشورة لعاشورة، تمر الـ "عشر" تيام!
- مش قتللكو؟

- كل جدور الكلام المصري متصرفه من أسامي!
ملحوظة: أكلة العاشورة مش معروفة غير ف مصر، بيعملها المصريين، من قبل
اليهود بكثير. ودلوقتي معروفة عند الأقباط المسيحيين والمسلمين لأنهم الإيتين
مصريين من قبل ما يتصنفو، ومن قبل أي دين!

2023 / 7 / 28



Gardiner's list codes
D58-M17-N41:F18-A2
Transliteration
bí / bî
Translation
Good deed, model, example,
standard

1547 أداة استمرار الحال

بمزاجو/ بكيفو/ بشوقو/ بظروفو/ بحالتو/ بطلعتو/

بطلتو/ بقرفتو/ بعدلتو/ بزكاوتو/ بنباهتو .. نلح

- هوو بغاوتو ... سماعين ياسين

تعبيرات مصري أصلي

البه (ب) أداة استمرار الحال

الواو (و) أداة جمع

(ب) مزاج (و)

تخيل لو لسة فاكر إنك بتتكلم عربي مش مصري، كنت هتقول جار ومجور
.. وايدك هتاكلك عشان تحط الهه بدل الواو، مش كده ولا إيه ؟

*البه (ب) مع الفعل، أداة فعل الحاضر المستمر

يياكل / ييشرب / يلعب .. نلخ

*البه (ب) مع الإسم، أداة صفة استمرار الحال

بحسابو / بخاطرو / بسلامتو .. نلخ

الكلام المصري ميتحلش إلا بالجرامر المصري

العربي له قواعد، والمصري له قواعد مختلفة خالص

*حبايبنا الشعرا والكتاب والمدرسين: خلو بالكور، حراسة الهوية مسئولية!

2023 / 8 / 3



1548 زمن الاستقرار والاستمرار

معالجة اللغوة المصري لزمن الإستمرار بأشكال كثير، غطا
حاجة الإنسان الطبيعية للتفكير ف المستقبل، عشان ميقاش
محبوس ف زمن الماضي اللي راح، ولا ف زمن الحاضر
الصعب والمستحيل!

التفكير بمفهوم الإستمرار، تفكير ف المستقبل، تجسيد للأمل ف الي جاي!
 نقدر نشوف ف قواعد الإستمرار دي، عقيدة المصري -عقيدة البقاء والدوام
 (جد)- الي بتلخصها رغبة جامدة ف الإستمرار والإستمرار!
 هنشوف دلوقتي ميل وإعتماد اللغوة المصري علا فعل الإستمرار، وإزاي
 بتحول الأفعال ل زمن الإستمرار.



• فعل الإستمرار، هوه
 الفعل الأساسي ف الجملة
 الفعلية، بتلات طرق:
 أول طريقة: إضافة حرف
 البه (ب) للفعل المضارع.
 فعل الحاضر، أو الفعل

المضارع زاي إسمه المعروف ف قواعد العربي، بيمثل الثبات المستحيل، لأن الي
 بتبدأه ف جزء من ثانية، ينتهي بمجرد ما تكتب أول جزء من أول حرف ف
 نفس الكلمة، عشان كده اللغوة المصري، فرضت حرف أو أداة الإستمرار
 (ب)، ف معظم أفعال الحاضر، فتتحول لفعل الإستمرار.
 فعل الحاضر: يكتب، بيتحول لفعل الإستمرار: يكتب.
 فعل الحاضر: يشرب، بيتحول لفعل الإستمرار: يشرب.

فعل الحاضر: يلعب، يتحول لفعل الإستمرار: يلعب.

ثاني طريقة: إستخدام (كان) لتصنيع زمن الماضي المستمر.

كان اللغة المصري، عملت فعل إستمرار جديد من زمن الماضي، ضمت فيه

فعل (كان)، مع فعل

الإستمرار المبدوء بـ (ب)

(ب)، يعني تقدر ببساطة

تحويل فعل الإستمرار

المصري الخالص، لفعل

الماضي المستمر:

كان ييشرب / كان يياكل /

كانت بتلبس / كنا بنغني /

كانو بيتخانقو ... الخ

تالت طريقة: دعوات

الدوام والإستمرار، بحرف

اليه (ي) والضمير.



بارضو إبتكرت اللغة المصري فعل الحاضر المستمر، ف حالة الدعا، لأن الدعا مرتبط بالمستقبل، بإضافة أداة إستمرار جديدة، وهيه حرف اليه (ي)، مع الضماير، لو الفعل لواحدة:

ي + فعل + ضمير.

ربنا (ينجحك)!

ربنا (يعزه)!

ربنا (يقويها)!

أو يكون الضمير مع المفعول:

ي + فعل + مفعول لازق فيه ضمير متواصل.

ربنا يبارك فيه!

ربنا ينجح مقاصدها!

إلهي يبارك ف عافيتك!

* مع الأسامي فيه طريقتين للإستمرار:

أول طريقة: أداة استمرار الحال:

بإضافة نفس الأداة النموذجية (ب):

بمزاجو/ بكيفو/ بسلامتو .. نلح

ثاني طريقة: بالميم أداة الوصل (التواصل) المستمر:

نباحظ هنا إن يظهر ف جملة الوصل صيغة جديدة بتلزم ف الفعل اللي بعد أداة الوصل.

الصيغة دي، عبارة عن حرف واحد، هو حرف الميم (م).

شوفو كده التلات عبارات دول، بالعربي وبالمصري:

بالعربي: الذي أعلنوا عنه.

- بالمصري: اللي أعلنين عنه.

بالعربي: الذين سلموا عليه.

- بالمصري: اللي مسلمين عليه.

بالعربي: الذين تكلموا عنها.

- بالمصري: اللي متكلمين عنها.

جملة الوصل المستمر، بيتحول فيها الفعل الماضي لزمان الإستمرار بإضافة الميم.

بدل دكتوروهات "حتا" و"ما انفك" بتاعت اللغة الأجنبية الرسمية!، ياريت

الدولة المصرية تهتم بلغتنا الوطنية ([#اللغة_المصري](#))، وتعمل لها أقسام ف

الجامعة، عشان نشوف عشرة ماجستير ونحسة دكتوراة ف فلسفة الإستمرار ف


اللغة المصري!

ابداعات اللغة المصري كلها لها جذور وأصول مصري أصلي .. ومعظم لهجات المنطقة متأثرة من اللغة المصري، مش العكس .. يعني لا يخلصنا كشكشة ربيعة ولا يهمننا بيان بديعة!

عشاير هكسوس السبأ والعرب والعبر، مستقروش بعد الهزيمة والتجريس والطرء، إلا قبل الميلاد بحوالي ألف سنة، وانتاجهم اللغوي الهزيل عبارة عن شحاتة وسرقة من لغات الحضارات القديمة ف مصر والعراق ولبنان وغيرهم!

2023 / 8 / 6

1549 ليلي ليلي ليلي .. يااا ليل



12, 8, joy, merry noise; Copt. λουλαι.

أهم حاجة بتميز المجتمع المصري، إيه؟

- التجانس

- نعم؟ تجانس إيه بس يا عم الحج؟ دا مجتمع من كل لون يا بطسطا!

اللي بيعتبرو نفسهم عرب ف جمب، والنوبيين ف جمب، والعبادة ف جمب، والبدو ف جمب والفلاحين ف جمب، والشراقوة ف جمب والدمايطة ف جمب،

السمر ف جحب والبيض ف جحب، الطوخان ف جحب والمسلوعين ف جحب، بتوع
الجامعة ف جحب والدبالين ف جحب، السونية ف جحب والصوفية ف جحب،
النصرانيين ف جحب والمسلمين ف جحب .. نلخ، ... وكله بيترياً علا كله!
الي يقولك إحنا أتراك، عشان تيتة كانت من حريم أفندينا، والثاني فاكر جده
جه مع عمرو ابن العاص والليل دخل عليهم فمعرفش يرجع لمكان القبيلة ..
أوهام عرقية وجنسية ونفسية .. فين بقا التجانس؟
عشان نعرف فيه تجانس ولا لأ، نشوف التجانس ده عبارة عن إيه؟
التجانس فكرة!

فكرة المصري عن الموت والدفنة والعزا والخمسان والأربعين وطلعة البلد صباحية
العيد للجبانة!

فكرة المصري عن الفرح والزغاريت والحنة وكحك الصباحية والنقوط والواجب
والصواني واستقبال الضيوف نيابة عن صاحب الفرح!

العيش وطبق الفول وطبق البامية وطبق الملوخية وطبق البصارة وطبق المهلبية
والرز بلبن وصينية الكأفة والبسوسة .. نلخ

فكرة المصري عن الحلو والوحش، الصبح والغلط، الكويس والعيب!
حتا فكرة المصري عن الخلود، بملو حيطان الشقة بالصور، وكأبة عبارة للذكر
الخالدة فلان وفلانة ع الحيطان والكباري!

دأاً ومأاً كده، شوف فكرة المصريين عن كل حاجة، هتلاقيهم شبه بعض،
مش نسخة واحدة طبعن، إنما أقرب حاجة!
- هوه ده التجانس!


إقرو تاني إدوارد لين ف كتابه عن المصريين المحدثين وتقاليدهم، اسطمبات
الكلام وعبارات العتاب والحرص والطبطة والدعا والشتيمة، كلها حاجة
واحدة، نسخة واحدة بالكربون، ف الفيوم وف اسكندرية وأسيوط والزجاريج،
أمثالهم واحدة، أفراحهم واحدة، أجزائهم واحدة!

اللي عاوز أقوله هنا، متقلقوش يا مصريين، طول ما كنز التجانس
الإجتماعي ده موجود اتو ف خير ومستورين، عدوين الهوية المصرية عارفين
ده كويس وطول عمرهم يحاولو يضربو التجانس الإجتماعي ويفشلو، فاكرين
هجمة المتعصبين أما غيرو السبوع وخلوه عقيقة، وأما صباح الخير ومساء الخير
وآلوه بقت السلامو عليكم، مكنش زيادة ف التدين ولا حاجة، دي كانت
أهداف مدروسة لضرب التجانس الإجتماعي!

كلمة "ليليلي" اللي بتبدأ بيها الأغاني والمواويل المصرية، جاية من أقدم
مراحل كتابة اللغة المصرية، بمعنا الفرح، تمهيد وتبشير بالسعادة بينقلها
المطربين، استفتاح يعني!

يعني "ليلي" ملهاس علاقة بالليل، بس القافية بتحكم، والمغنوتية بقوينوعو،
ويتنقلو بين تلييلة الفرحة والسعادة، والليل أبو السهر والغاوي!
ليلي ليلي ليلي، غنوة بنبداً بيها أماني الفرحة والسعادة، ف مواوليننا
وأغانينا، وكان علمناها للعالم يغنيها .. يعني الخير بيعم، والتجانس بين المصريين
فاض بالخير ع الكل!

2023 / 8 / 9


Gardiner's list codes
D4:D21-X1:Z2
Translation
What is to be done
Transliteration
irt / iryt
Grammar type
Noun
Translation
Works, deeds, functions, proceedings

1550 ياريت

حسب قواعد كلامنا الحالي (#اللغة=المصري):

ياريت، أداة ف جملة الترجي، وكان أداة ف جملة التمني

معناها الحرفي الأصلي من المصري المكتوب بالهيروجليفي =

- إيه اللي نقدر نعمله؟

- نقدر ننجز إيه من أعمالنا وواجباتنا واجراءاتنا...نلخ؟

وآدي تسع تمنيات وترجيات شخصية للهوية المصرية:

1. ياريت، نعترف بالواقع اللغوي، وإن اللغة المصري، هيه اللغة الوطنية

للشعب المصري!

2. ياريت، نبطل نوصف نفسنا اننا عرب، الشعب والقوانين، احنا مصريين وبس، وإسم بلدنا "مصر" وبس!
3. ياريت، نبطل نقول إننا بنتكلم عربي، لأننا مبتكلمش عربي، ولأن الكلام غير حروف الكتابة، ولأن لغة الكتابة الرسمية حاجة، ولغة الكلام الفعلي والطبيعي حاجة ثانية خالص، احنا بنتكلم مصري!
4. ياريت تتعمل أقسام ف الكليات لدراسة كلام المصريين الحالي (اللغة المصري)، وتدرّس حروف أصولها ف المدارس والمعاهد والكليات!
5. ياريت، تبقا اللغة المصري، لغة وطنية رسمية ف الدستور، مع العربي، لأن مفيش مشكلة يبقا فيه لغتين رسمي، لغة دبلوماسية ولغة وطنية!
6. ياريت، تعترف الدولة بالتقويم المصري، اللي له عمق وتواصل شعبي!
7. ياريت، تحتفل متاحفنا ووزاراتنا ومؤسساتنا التعليمية والثقافية والسياحية بقوايم الأعياد المصرية القديمة!
8. ياريت، نعتمد هدوم أو ملابس وطنية رسمية للدبلوماسيين والفرق القومية، من تراثنا المصري!
9. ياريت، يرجع الصقر حورس لمكانه ف علم مصر، وكفاية كده ع النسر الكردي الندل أكال الرمم!

ياريت، أصل "ياليت"، اللي إعرابها ف العربي تلفيقي، والحقيقة إن العرب صرفو الأصل المصري بالكامل، وده سبب حيرة النحويين اللي إططرو يجزأوها لأداة ندا + حرف من أخوات إن .. اللي عاوز يعرف أصل الحكاية يقرأ تاني ف الفصل التمهيدي #أسباب شبه العربي بالمصري

ياريت، جدر مصري أصلي!

ياليت، تصرفه عربي، بشقبة طبيعية بين الره واللام!

2023 / 8 / 10

1551 الفتة والفتاوي



ح : fat : server of food, cake, loaf, offering : كيك/ لقمة/ قرابين - تبسيط الأكل

214. فت / فتة / فتاوي

ص: فت (يفت/ تفت/ افت/ نفت/ فتينا/ فتو/ تفتيت)

ص: فتغوتة (فتافيت/ مفتت/ مفتتين/ مفتفت/ مفتتة/ مفتتة/ مفتتين)

ص: فتة .. أكلة مصرية (من فتافيت العيش والشورية واللحمة)

ص: فاتني (فاتية/ فاتينا/ فاتيين/ مفتات)

ص: فتنا (يفتي/ تفتي/ أفتي/ نفتي/ فتيا/ فتاوي/ إفتا)

ص: مفتي (مفتية/ مفتتين)

أما تسمع حد يقول: "مشايخ الفتة"!

متستغربش، ومتخدهاش بالمعنا الشعبي، اللي فيه شوية تريباً!

- الموضوع له أصل من اللغة المصرية!

الفتة أكلة شعبية وطنية من أهم أصناف #المطبخ-المصري

احنا بنفت العيش، يعني بنقطعه حتت، ونحط عليه شوربة لحمه
تطبيط الفتة بقا بالخل والتوم والصلصة، وتزيينها بحتت اللحمه أو الكوارع ..
نلح!

فيه كان فتة بشوربة العدس، وفتة باللبن .. نلح!
يعني أصل الإسم مرتبط بعملية تفتيت وتقطيع وتبسيط العيش، لأبسط شكل
مناسب للطبخ وللهضم!

طيب الفتوا والفتاوي عبارة عن إيه؟

- تبسيط وتحليل القضايا لأبسط شكل مناسب للحياة العملية!
عشان كده فيه فتاوي دينية، وفتاوي قانونية!

- كلمة "فتوا" وتصاريفها "مفتي" و"افتاء" و"فتاوي" مش موجودين ف القرآن
الكريم، إنما فيه تصاريف "أفتنا" و"أفتوني" و"يستفتونك" و"يفتيكم"!

ووجود التصاريف دي وغيرها ف القرآن الكريم، ممكن يتفسر من خلال
الأسباب والظروف المشروحة بالتفصيل ف الفصل الخاص بـ

#أسباب-شبه-العربي-بالمصري

ويظهر أن انتشار الكلمة ف اللغة العربية، كان بتأثير من كتبة ديوان الإنشا المصري، اللي كان رئيسه ابن عبدكان، كاتب أحمد ابن طولون، المولود ف العاصمة المصرية: "القطائع"، واللي أسس وظيفة جديدة إسمها "المفتي"!

- لاحظو إن استقلال ابن طولون بحكم مصر، يعتبر أول مظهر إستقلال للدولة المصرية عن الإحتلال العربي، بالظبط زي ما إستقلال محمد علي بحكم مصر، يعتبر أول مظهر إستقلال للدولة المصرية عن الإحتلال العثماني!

معلش بقا كنت عاوز أتكلم شوية عن أولوية قضية الهوية المصرية، عن أي قضايا مطروحة ف ساحة الكتابة ع الإنترنت، سياسية أو اقتصادية أو حقوقية، بس الكلام ف "الفتة" خد مني مساحة كبيرة!

- بإختصار، أي حاجة تهون مادام "الهوية الوطنية" بخير!


رموز "الهوية المصرية" ف اللغة، والعادات، والهدوم، والفنون، والأكل، والصناعة، والزراعة والأكل والشرب والزرع .. نخ، أهم عندي من قضايا الديمقراطية والليبرالية والإشتراكية والعلمانية وتداول السلطة .. نخ، لو مفيش هوية وطنية كل ده عبث، لأن الهوية الوطنية هيه اللي بتبني الوطن، وقولولي الأفكار الجميلة والنبيلة دي هتعيش إزاي وفين من غير وطن؟

المثقفين والنخب بيددو مجهود وطاقة كبيرة ف حاجات مهمة بارضو، إنما سايين الأهم: هوية الوطن المصري، شعبي ودستوري!

الوطن أولن = الهوية الوطنية أولن/ اللغة الوطنية أولن/ النتيجة الوطنية أولن/

العيد الوطني أولن/ الإنتاج الوطني أولن .. نلخ

2023 /8 /11



1552 حجز . حاجر

الصيد نوع من الحجز!

حجز الإرادة، حجز الطاقة!

حجز الطير والحيوان = تقييد حركته = صيد = حجز!

- ومش كل الصيد بالشبك والفخ والسهم والسنانير، فيه صيد بمجرد الحجز، لسة
الفلاحين بيعملوه لغاية دلوقتي ف الترع، يحجزو السمك بين سدين من طين
وفروع شجر، وبعدين ينطلو الماية، يعني يفرغو المكان المحجوز، وبعدها يبقى سهل
يتمسك السمك حتا بالإيد!

- حجز، إسم من أسامي نتر الصيد "مين/ مينو"

ومن الإسم -زي العادة- بيتصرف الفعل وإسم الفاعل والمفعول والصفة .. نلخ!

2023 /8 /16

1553 سكت .. ساكت .. سكتة



- مالك؟ ساكت ليه؟

السكوت مرض (كناية: قطع النفس / قطع

الصوت / قطع الحركة)

ساعات بيكون السكوت موت

سكتة قلبية / سكتة دماغية

سكاتة ، يعني بزاة (بيقولوها اللي شيطنو الكلمة عشان لها علاقة بالبز)

يبرم التونسي يحاول يحجي ودانه م النشاز:

- يا اهل المغنى دماغنا وجعنا. دقيقه "سكوت" لله

أما المخرج الكبير يزعا ويهدد اللي هيتكلم:

- سكووووت، هنصور!

2023 / 8 / 17




1554 سهرة . زهرة

نتر القمر اسمها "سهرة / زهرة"، وفيه دلوقتي كوكب شمسي كبير واخذ نفس

الإسم "الزهرة"!

بنسهر بالليل ف صحبة القمرية "سهرة"، ومنها السهر والسهاري والسهيرة!
كمان زهرة بقت كناية: البياض الواضح، واللون الظاهر وسط سواد الليل!
نشوف كمان تصريف لنفس الجدر المصري ومن نفس الإسم:
زهرة = معدن/ مسحوق معدني!



طب كانو بيستخدمو المسحوق المعدني ده فيايه؟
- ببساطة ده مسحوق الغسيل، اللي لسة واخد نفس الإسم، ومكوناته عبارة
عن : (فوسفات + كبريتات نحاس + نشادر)
لونه أزرق، ووظيفته تبيض الغسيل، يعني إظهار ووضوح النظافة!
----- بتوع حقوق الملكية الفكرية ، ياللا سجلو "زهرة الغسيل"
كمان بنستخدم نفس الجدر (كناية) ف وصف نواره الزرع، ولون الورد بوصفه
بالزهر، يعني واضح وظاهر اللون!
- شوف الزهور واتعلم، بين الحبايب تعرف تتكلم
صرفو اتتوبقا من نفس الجدر، اللي بدايته إسم:
ظهر/ يظهر/ ظاهر - مظهر/ مظاهر

- دقو المزاهر يا أهل البيت تعالو
 حتا "المزاهر" بتاعت الزفة، وظيفتها تحقيق شرط "الإعلان" ف الجواز، بوضوح
 وظهور صوت الموسيقى!
 - وآه لو لعبت يا زهر!


هو ما بيتقولو "نرد"، واحنا بنقول "زهر"، بارضو بيوضح وبيظهر نصيب اللي يلعب!
 - وخلي اللي يجول يجول!

اللي لسة التعريب المدرسي مآثر فيهم، ومش قادرين يتصورو تأصيل أي كلمة
 إلا من العربي، ياريت يقرو تاني [#أسباب=شبه=العربي=بالمصري](#)

- كل اللي اسمهم متصرف من "سهرة/ زهرة"، سهر وساهر وسهير، وزاهر
 وزهري وزهور .. حتا انتي يا زهراء، أنا عارف إن اسمك منسوب للزهراء
 بنت النبي، عليها وعليه السلام، بس تصريفة الزهراء العربي، أصلها منين؟
 جت منين؟ عرفوها إزاي؟

- من نفس الجدر المصري !

2023 / 8 / 18



Gardiner's list codes
 M26-D36:Z5-A2
Transliteration
 šmꜥ
Translation
 Make music, sing

1555 سمع هوووس

المصريين يحنو للماضي وبيتواصلو معاه

لأنهم يستخدمون نفس التعبيرات القديمة من غير ما يقصدو
شوف الكلمة اللي ف الصورة:

شمع / سمع = غونا / عزف / إنشاد

يعني كلمة "سمع" اللي موجودة ف كلامنا المصري دلوقتي، لها معاني تانية غير
الاستماع، دا طلع لها قصد إيجابي بالعزف والغنا والانشاد!

ومن هنا نقدر نسأل، ليه الجماهير بتوع الفنانين، يبتقال عليهم: "سميعة"، مش
"هتيفة" ولا "سقيفة"، زي بتوع الانتخابات؟

- طب هتسمعنا إيه النهارده؟

واضح إن المعنا الأصلي للكلمة فضل معانا ف كلامنا، وبقا إن كان الغنا "سمع"،
والمغني "سميع"، يبقى المعجبين "سميعة"!

- زمان كانت أصعب حاجة عندنا حصة: التسميع

- سييو الواد يذاكر، بكرة عندو تسميع!

متستغربوش إن كلام كثير من المصري القديم يتصرف بالشقيلة بين السين
والشين والعكس، دلوقتي عندنا: سجرة / شجرة، وسمس / شمس، ومستشفا/
مشتشفا ... نلخ، وزمان كان فيه "شارام"، اللي هيه "سلام"، يبقى طبعي أوي
إن حصل تصريف بالشقيلة: شمع مع سمع!

2023 / 8 / 18

الفهرس

- 3.....استفتاح ثالث جزء
 4.....قواميس النطق الإصطناعي، وقاموس النطق الطبيعي
 8.....أسباب_شبه_العربي_بالمصري
 16.....الهكسوس
 22.....أسباب اختلاف نطق كلام المصري القديم عن كلامنا الحالي
 28.....اللغة المصرية لغة الشعب، والفصحى لغة الحكام

متابعة الموضوعات بعد كده حسب أرقامها ف أجزاء الكتاب الثلاثة

- 1338.....شتم .. شتام .. شتيمة
 1339.....نهيق .. نحق .. نعيق
 1340.....زعيق .. زعاً .. زعج .. ازعاج .. صعق
 1341.....برجولة .. براجيل .. برج
 1342.....غمز .. غمزة .. غمازة .. غمس .. غموس
 1343.....فول : مخارج الحروف
 1344.....تخطيط .. كتابة .. توقع
 1345.....كابوس
 1346.....نزل .. نزلة .. منزل
 1347.....الأدب .. فضله عن العلم
 1348.....مقص: قطاع الأرزاق

- 1349.....مطر
- 1350.....شوشة
- 1351..... feast ..
- 1352..... نعم .. نعمين
- 1353..... صفت
- 1354..... لدي .. لديه .. لديهم
- 1355..... طير .. طيران .. طيارة .. طيار .. مطار
- 1456..... منارة .. منور
- 1357..... أكبر .. كبير .. كبيرا
- 1358..... عا خام .. حا خام .. خام
- 1359..... مينا .. ميناء
- 1360..... خسف .. كسف .. اتخسف .. مكسوف
- 1361..... صوم .. صايم .. صيام
- 1362..... غزوة
- 1363..... ملو - مليون
-
- 1364..... عيل .. عيلة .. عيال
- 1365..... كباد
- 1366..... أسوان .. أصوان
- 1367..... سلج .. ثلج .. تلج .. سلق

- 1368.....شام
- 1369.....عم يا عم
- 1370.....مصر
- 1371.....قيمة .. قمامة
- 1372.....خنسر .. خنصرة
- 1373.....سال .. سوايل
- 1374.....علا .. عالي .. عال العال .. علالي
- 1375.....ليلة الخروف .. تبقا ليلة يا عمدة!
- 1376.....جبر .. جابر
- 1377.....نقرش
- 1378.....الإيمان ف القلب وبس
- 1379.....عنب .. عنابي .. عنبر
- 1380.....يحتفي .. حفاوة
- 1381.....من تصارييف أوزير: الوصول
- 1382.....وحاشة .. توحش
- 1383.....فتح الفتوح
- 1384.....إلا .. إلا .. إله
- 1385.....نتيجة .. ناتج .. انتاج
- 1386.....صوفية
- 1387.....إسعا إسعا إسعا

1388.....	نوح
1389.....	القيوم
1390.....	قلم المحضرين
1391.....	فاء .. فاض .. فايظ .. فائدة
1392.....	عشا .. عشاء
1393.....	غريب .. متغرب .. غربلة
1394.....	سبعة .. سبوع .. أسبوع
1395.....	ناي
1396.....	أسامي للولاد والبنات
1397.....	حظر .. محظور .. حظيرة
1398.....	وسعة .. وسعاية
1399.....	محشة
1400.....	صورة الموت
1401.....	عبر .. عرب .. عبل .. علب
1402.....	مملكة الحواذيت
1403.....	نبح
1404.....	عبر .. عابر .. عبور
1405.....	سند
1406.....	الطبلية والطار
1407.....	لغة .. لغوة

1408.....	حتا
1409.....	البراد والابريق
1410.....	بداية السنة المصرية
1411.....	بربا .. براى
1412.....	تابع الجملة الاسمية: الأمثال!
1413.....	محلة
1414.....	صلصة
1415.....	دشلوط
1416.....	شبانة .. أشبين .. شبل
1417.....	طمس .. مطس .. طمٹ
1418.....	يا حلو صبح
1419.....	يوم .. يوماتي .. أيام
1420.....	اسورة .. غويشة .. خلخال
1321.....	غضب .. غضبان
1422.....	زمن .. زمان
1423.....	كلامنا بلدي، مش عامي
1424.....	كل .. كلهم .. كلنا
1425.....	روح .. راح .. ريح
1426.....	صوماج .. كوماج .. عاشورا
1427.....	ميامر .. أمور .. ميموري

1428.....	استعباط
1429.....	كنيسة
1430.....	شهادة المنشأ
1431.....	جنازا .. جنازة
1432.....	العملة المصرية: حج
1433.....	مناخ .. بيئة
1434.....	سبعة (7)، وسبع سماوات
1435.....	غيرة .. غل
1436.....	صبر .. صبور .. صبار
1437.....	يا "إيحا"
1438.....	عضل .. عطل .. عتل .. عصر
1439.....	أبائي .. أماتي
1440.....	بولاق .. بلقاس .. بلقس
1441.....	قدم .. قادم .. قدام
1442.....	قرص .. قلص .. قلش
1443.....	فاق .. تفوق .. متفوق
1444.....	منديل
1445.....	تلبية الحجاج: ال جد دايم
1446.....	ست الكل .. سيد الكل
1447.....	قصص .. مقموعة .. كمش

1448.....	أبد .. أبدي .. أبدية
1449.....	خصم
1450.....	موال
1451.....	قضا .. قضاة
1452.....	إسم .. أسامي
.....	
1453.....	اللغة المصرية الحديثة
1454.....	مسا التماسي
1455.....	جلطة .. مجلط .. جليطة
1456.....	عيب .. عايب .. معيوب
1457.....	حلق .. حلية
1458.....	قيامه
1459.....	عالي .. علو .. علالي
1460.....	قبر .. كبر .. قبل .. قابل .. مستقبل
1461.....	بشر
1462.....	عامل .. عامر
1463.....	إيزيس
1464.....	ستاموني
1465.....	عامية
1466.....	عيش

- 1467..... يعاني .. تعاني
- 1468..... عارف .. عالف .. حالف
- 1469..... عضو .. عضوية .. عض .. عضضة
- 1470..... واو العطف والجمع
- 1471..... فائدة اللغة
- 1472..... تاريخ
- 1473..... سور .. أسير
- 1474..... نونو
- 1475..... وصفة .. وصوف .. صفا .. صفاء
- 1476..... أوزيريس
- 1477..... ورد .. وردة
- 1478..... مولة .. ملة
- 1479..... نف .. أنف .. نفى
- 1480..... رمي .. مشي
- 1481..... مائة .. يمة .. تيم .. فيوم
- 1482..... بوكرة .. بكارة .. بكارا
- 1483..... ضاق .. ضاقت .. ضيقة
- 1484..... الدين
- 1485..... حمار .. حمال
- 1486..... شيخ .. شخ .. سخ .. زخ

1487.....	ذاكر .. ذاكر
1488.....	سيارة .. زول
1489.....	دنيا .. مدينة
1490.....	سيح .. سبحة .. تسايح
1491.....	واضحة .. فاضحة
1492.....	منهج .. منهاج
1493.....	طول .. تطويل
1494.....	نهر .. نهل .. نهار
1495.....	نيل .. منيل
1496.....	صوم .. صيام
1497.....	هستكة .. هشتكة .. حشتكة .. خستكة
1498.....	خرف .. خلف
1499.....	طشت .. أبو طشت
1500.....	إططراب
1501.....	باتع .. باتعة
1502.....	بقرور .. بقلل .. مبقلل
1503.....	زبون .. زبونة .. زبانية
1504.....	شال .. شارة .. إشارة
1505.....	لسة
1506.....	غادة

1507.....	قبطي
1508.....	ردة
1509.....	دفس .. دفسة .. دفسات
1510.....	مصر, ثاني وتالت
1511.....	مشلت
1512.....	بنبوني .. بنبوناية
1513.....	سقع .. تسقيع .. مسقعة
1514.....	بيروت
1515.....	حف .. هف .. حافة
1516.....	قتل .. قتلة .. فتيلة .. قتال
1517.....	صعب
1518.....	نحس
1519.....	الدفا والدفايات
1520.....	اللين .. والليوننة
1521.....	مدينة الخرطوم
1522.....	مصر
1523.....	ملك
1524.....	يوم الزينة
1525.....	حواديت
1526.....	دني / تني

1527.....	قرافة
1528.....	غمزة
1529.....	سيح .. سبوح .. سبيحة
1530.....	هلب .. مهلبية
262.....	سمك .. سمكا .. سمكة
1531.....	نقطة
1523.....	رموز الموسيقى
1533.....	سته
1434.....	ابن كار
1535.....	معلقة
1536.....	القاع والقاعة
1538.....	عيني، من عيني
1539.....	براد الشاي
1540.....	سوا
1541.....	شفا
1542.....	بلع .. بالع .. مبلوع
1543.....	ابن الإيه .. بنت الإيه
1544.....	برطش .. مبرطش .. برطوشة
1545.....	كوبري .. كجاري
1546.....	عاشورا
1547.....	أداة استمرار الحال

1548.....	زمن الاستقرار والاستمرار
1549.....	ليلي ليلي ليلي .. يااا ليل
1550.....	ياريت
1551.....	الفتة والفتاوي
1552.....	حجز .. حاجز .. محجوز
1553.....	سكت .. ساكت .. سكتة .. سكوت
1554.....	سهرة .. زهرة .. زهرية
1555.....	سمع هوووس